




WANTOK

Great Quality

Affordable Price

Niuspepa bilong yumi ol PNG stret!

Wan Wik, Mas 31 - Epril 6, 2005 NAMBA 1602 K1.00 long Mosbi tasol - Ausait Mosbi K1.30



Wel nius wantaim
ol foto
Pes 16 - 17



Ona i ken sanap long ileksen - Pes 3	De bilong Bogenvil ileksen Pes 8 na 25
---	--

Sapotim 'Chief'

MOA manmeri nabaut long kantri i wok long belhat long pasin ol sekyuriti man long Brisbane Intanesenel ples balus long Australia i bin mekim long Praim Minista Sir Michael Somare.

Neville Choi i raitim

Dispela bel kros nau i sut i go aut long planti long ol non gavman ogenaisesen na ol komyuniti grup insait long Pot Mosbi siti.

Ol grup long ol ples insait long siti olsem 8-mail, 6-mail, Mosbi Not Is ilektoret na i go olsem long Gerehu i bin redi aste long mekim wanpela bikpela protes mas o wokabaut nau moning i go long opis bilong Hai Komisina bilong Australia.

As bilong dispela bikpela wokabaut em bilong soim belhat na autim bel hevi bilong ol liklik manmeri insait long ol komyuniti long Mosbi long pasin we i mekim semim Sir Michael long Australia.

Dispela bel kros i bin kirap bihain long sekyuriti long Brisbane ples balus i bin stopim em na sekim olgeta hap long bodi bilong em taim em i laik go olsem long Nu Silan las wik.

Ol opisa bilong gavman protocol i bin bungim Sir Michael long Brisbane ples balus bihain long em i lusim balus, tasol taim ol i wokabaut i go long VIP rum ol sekyuriti i tokim em long go long ol sekyuriti sekim ples. Ol i tokim em long rausim olgeta samting insait long ol bak bilong em, rausim han was bilong em na sanap opim han na lek bilong em bai ol i sekim em wantaim masin.

Taim em i wok long sindaun dring ti i stap, wanpela arapela opisa i wokabaut i kam insait na askim em long rausim su bilong em bai em i sekim em gen.

Sir Michael i bin tokim EMTV nius long Mande nait olsem em i no bin wanbel liklik long dispela pasin bilong wanem i

semim em yet olsem wanpela bikpela lida insait long Pasifik.

Dispela wankain tingting nau i stap long het bilong ol komyuniti lida husat i bin pasim tok long kamapim dispela protes mas o wokabaut i go long givim wanpela askim i go long Hai Komisina bilong Australia we i singaut long Praim Minista bilong Australia John Howard long tok sori.

Ol dispela komyuniti grup i bin pasim tok long statim mas bilong ol long 8 kilok tete moning.

Taim Wantok Niuspepa i bin sekim opis bilong Asisten Polis Komisina Tony Wagambie na toktok wantaim Deputi Komisina Operesens Gary Baki sapos polis i klia long dispela mas, Komisina Baki i tok olsem ol i bin kisim tok win long dispela mas, tasol ol i no kisim wanpela pas i toksave long en, na aninit long lo bilong ol bikpela bung long pablik, polis i mas kisim wanpela toksave 7-pela de bipo long mas i kamap.

Simon Noki, Jenerel Seketeri bilong Komyuniti Kraisis Netwok long Mosbi Not Is ilektoret i tok em i no bin amamas tru long pasin Australia i mekim long PM.

"Mipela laikim bai praim minista bilong Australia yet i mekim tok sori long Sir Michael. Em i bikpela man tumas insait long Pasifik. Australia i no nupela long em. Ol i klia olsem em i lida bilong kantri. Bilong wanem na ol i semim papa bilong mipela olsem?"

"Sapos ol i mekim olsem long wanpela man nating, bai mipela i no bisi tumas. Tasol dispela em i papa bilong Papua Niugini ya."



Paul Shub (rait namba 2) wantaim poromeri bilong em Josie Fagan (lephan namba 3), na ol poroman bilong ol i sanap holim ol het na bun bilong ol daiman long Mailbobo Wildlife na Nature Conservation Reserve long Simbu provins long pinis bilong las yia. Hap we ol sanap em we ples klostu i save putim ol bun bilong ol sief bilong ol i dai pinis. Foto: I kam long PAUL SHUB



Coleman cooler istap long olgeta Brian Bell stua na Authorized Dealer

Polis Ripot

Goroka, Isten Hailans:

OL pipel insait long Goroka taun i kisim singaut long putim ripot i go long polis sapos ol i lukim ol nupela pes na ol pes i luk olsem ol i laik wokim trabel samting.

Provinsel Polis Komanda long Isten Hailans Philip Solala i wokim dispela singaut bihain long saspela raskol i bin wokim holap long tupela supamaket long taun na ronawe wantaim bikpela manimak long Ista Sande apinun.

Inspekta solala i tok sampela lain raskol i bin wokim holap long ol woklain bilong tupela supamaket long Goroka taun, stlim mani na ronawe long wanpela ka ol bin stlim tu na i wok long wetim ol i stap.

Mista Solala it ok em i wari long apsin bilong wokim holap na tu, stlim ol ka i wok long go bikpela gen long Goroka.


Nesenei Kapitel Distrik:

ISTA long tupela meri long Mosbi i no bin gutpela taim long tupela meri we ol raskol i bin bagarapim ol.

Long wanpela, wanpela yangpela meri i gat 18 krismas bilong ples Porebada i wok long go bek long haus wantaim boipren bilong em long Saraga bihain long danis taim sampela man nogut i bin pulim em i go long bus na bagarapim em.

Polis ripot i tok wanpela long ol saspek husat i poroman long boipren i bin gat laik long dispela meri na em bin singautim narapela 4-pela poroman bilong em na ol bin pulim dispela meri i go long bus na bagarapim em. Polis i tok ol bin go leit tasol ol bin sevim meri na holim pasim wanpela saspek.

Long narapela, sampela raskol i bin bung na bagarapim wanpela mama long Moitaka sograun. Polis i tok 10-pela saspek i wokim dispela pasin long dispela mama. Polis i holim tupela saspek pinis.



Wantok TV... Em nau, ol wok manmeri bilong *Wantok Niuspepa* opis i bin kisim wanpela nupela TV long ol gutpela lain long Tafe Global PNG. Edita bilong *Wantok Niuspepa* Neville Choi (Rait) i bin stap long kisim dispela nupela TV skrin long Opis Menesa bilong Tafe Global PNG, Waslen Pok Paso. Tafe Global PNG em i wanpela ogenaisesen i save wok bung wantaim ol bikpela developmen dipatmen olsem dipatmen bilong Edukesen long mekim wok trening bilong ol edukesen opisa na tisa. Mis Pok Paso i tok olsem Tafe Global i luksave long gutpela wok *Wantok Niuspepa* i save mekim long skulim na helpim ol grasruts manmeri bilong PNG. Na ol i laik helpim ol wok manmeri bilong *Wantok Niuspepa* wantaim dispela TV we bai i sindaun long opis bilong ol bai ol i ken lukim ol nius i kamap insait long PNG na ausait long helpim ol long wok bilong ol. *Poto: LEIGH ARNOLD*

Liklik Prinses resis i op

NOMINESEN i op pinis bilong Liklik Prinses bilong Wol resis we Papua Niugini Faundesen bilong ol Pikinini (PNGCFI) i save kamapim long helpim ol turangu pikinini insait long kantri.

Dispela resis em bilong ol liklik meri namel long 9 na 12 krismas husat i ken givim nem bilong ol wantaim wanpela K100 fi sapos ol i gat sponsasip long ol bikpela bisnis, hai komisin o ogenaisesen.

Mani mak we dispela resis bai traim na bungim em K250,000.

PNGCFI i bin makim Yannis Nicolaou, Jenerel Menesa bilong Lamana Hotel olsem patron o man i go pas bihain long em i mekim bikpela wok bilong PNGCFI long 2004.

Dispela resis i bin kamap long han bilong Misis Rarua Skate na Misis Sue Akoitai na ol meri grup long 1998. As tingting long dispela resis long dispela taim em long resim mani bilong ol pikinini long Bogenvil.

Ol yut kamap long woksop bilong drak na alcohol

LONG WIK i go pinis ol yut bilong 2-mail, 3-mail, Murray Bareks na Jun Veli i kamap long wanpela woksop.

i tokaut moa long hevi na kain laip ol i bungim pinis long dispela bikpela hevi bilong spak brus na bia.

Long dispela woksop ol i toktok moa long holim han na wok wantaim long karimaut wok bilong pait agensim dispela spak brus mariwana na pasin bilong dring spak.

Grup siaman Anthony Bee husat i tok olsem spak brus na bia em i save bagarapim laip na sindaun bilong planti ol yangpela bilong tude.

Ol i tok long wokim kempen insait long olgeta hap bilong komyuniti.

Em i tok tu olsem em i gutpela ol yut i mas go aut long toksave long nogut bilong dispela tupela samting.

Dispela taim tu ol wanwan yut long wanwan eria

- Paulius Tali

TRAIN FOR SUCCESS IN 2005!

YOUR professional accredited Certificate or Diploma, or Degree.

Professional accredited British Career Training

Cambridge International is the key to a successful career. Invest in accredited qualifications and skills for a great future.

International Diplomas (£130 or US\$260)

- * Accounting, Hotels, Tourism, Computers
- * Business, Management, Stores, English
- * Personnel, Marketing, Advertising, Insurance
- * Economics, Secretary, Purchasing, Stores

Advanced & Honours Diplomas and MBAs

- * Business, Marketing, Finance, Personnel

For your FREE information book contact:

CAMBRIDGE INTERNATIONAL COLLEGE
 P O Box 53, Southampton,
 SO14 0YP, England, Britain.
 Fax: + 44 2380 337200

Web: www.cambridgecollege.co.uk
 Email: info@cambridgetraining.com

Accredited British Training & Education registered with the National Training Council & Ministry of Labour of Papua New Guinea

Musingku gat sapot yet

PAPA bilong U-Vistrak mani bisnis Noah Musingku i wok long strongim kona bilong em yet long Siwai, Saut Bogenvil.

kam, em bai peim ol.

Em i skruim tok olsem awenes i tok lain bilong Mista Musingku em ol Mekamui sapota.

Ol ripot *Wantok Niuspepa* i kisim long sampela lain i kam long Siwai i tok Mista Musingku i sanapim hetopis bilong em long Tonu na ol i karimaut wok long dispela mani bisnis.

Long ol ripot, ol pipel i wok long peim K60 long pulumapim fom long kleim bilong kisim kompensesen long ol samting bilong ol we i bin bagarap long taim bilong Bogenvil hevi na narapela K10 long kisim pasbuk we bai dispela mani i go insait long em.

"Nau i gat tupela gavman na dispela em long Mekamui na Otonomes gavman we bai klostu tai mi kamap.

Ol ripot i tok em i gat ol sekyuriti gad i holim ol gan na i was long em i stap.

Ol ripot i tok ol sapota i givim luksave long Mista Musingku husat i save putim klos bilong King na long het bilong em, em i putim hud o kraun olsem king i save putim we ol i raitim "Prins ov Papala" long en.

Tasol bihain, bai i gat wanpela Bogenvil gavman tasol," ripot i tok.

Maski planti pipel long PNG na Bogenvil i wet yet long U Vistrak long peim ol long bikpela mani bilong ol we ol bin putim long dispela mani bisnis, Mista Musingku i wok long pulim ol pipel long ples long putim mani bilong ol long skim na tu, kamap olsem ol sapota bilong em.

Ripot i tok tu olsem ol sapota bilong e mi wok long go aut long ples long Siwai na karimaut ol awenes.

Long wanpela taim tu, *Wantok Niuspepa* i kisim wanpela ripot long dispela wik we i tok bikpela mani i kam pinis long U-Vistrak i mekim peiaut long ol kastoma na ol i gat setifiket long tok dispela em i tok tru.

Ol ripot i tok long opim nupela opis long Tonu, ol bin kilim moa long 60 pik na em bin kisim ol dispela pik long dinau.

Long wanpela bilong ol we man Wantok i toktok long en i bin stap long en em awenes long ol yangpela long lusim hombru.

Planti pipel i no bilipim dispela na ol it ok dispela samting i wanpela kago kalt we pipel i wet long samting i no inap kamap.

Wantok Niuspepa i no bin inap long kisim toktok long dispela samting long Bogenvil.

TORO

TORO SALIM BUA I BEG BILONG EM LONG GEREHU MAKET!!!

OL MAN INO SAVE OLSEM ANANIT LONG BEG EM STON I PULAP!!!

RAITMAN! BAIM TASOL!!

KARIM BEG I KAM... MI KISIM LONG K60!!

WANEM? YAGAPISOK DEPELA MAN KEREMA KONIA MI YAH!!!

WAKEM! BUA I LONG SALIM WAN WAN NA KIRAP NOGUT LONG LUKIM OL STON I PULAP LONG ANANIT NA KAPSAIT!!!

TULET... TORO EM LUS PINK NA HITIM KEREMA HAIWE!!!

KIDU GUTPELA BUA I FROM KEREMA!!!

SAU KURA

KEREMA HAIWA

Barter singautim Ona long sanap long Bogenvil ileksen

...Momis askim sapot long ileksen na gutpela sindaun

Aloysius Laukai na Veronica Hatutasi i raitim

SINGAUT i go long Francis Ona long sanap long ileksen bilong kamapim nupela gavman bilong Bogenvil we bai i ken stiaim rot long bihain taim bilong ailan.

Singaut i go tu long em na ol sapota long noken harim ol toktok bilong ol ausait lain husat i gat ol arapela tingting bihainim laik bilong ol yet.

Minista bilong Inta Gavman Rilesen na Bogenvil Afeas Sir Peter Barter i wokim dispela singaut long dispela wik bihain long man husat i bin kamapim Bogenvil hevi i bin soim pes long Arawa las wik na long Buka Ailan long dispela wik.

"Sapos Ona i wok long kempen bilong kisim sapot, em i fri long sanap long ileksen long stretpela rot long bihainim na soim pablik sapot long ol tingting bilong em. Planti taim pinis, ol lain i stap insait long wok bilong painim gutpela sindaun long Bogenvil i singaut long Francis Ona na ol sapota bilong em long kam wok wantaim ol.

"Rot i op pinis long ol i wokim samting nau. Em na husat moa i wanbel long em i welkam tasol long putim nem na sanap resis long ilek-

sen bilong Bogenvil Otonomas Gavman," Sir Peter i tok.

Long wankain taim tu, Bogenvil Gavana John Momis long dispela Tunde i bin tromoi strongpela askim long ol pipel long sapotim wok bilong painim gutpela sindaun na ileksen bilong Otonomas gavman. Bikos long dispela rot tasol bai Bogenvil inap long kisim independens.

Mista Momis i bin mekim klia long ol pipel olsem kain gavman ol i kolim monaki we King i bos bilong kantri i wok long pinis bikos pipel i laikim fri na demokratik gavman ol pipel yet i makim na sanapim.

Em i tok long Bogenvil, ol sief em bos long pasin kastom bilong bipo yet na ol i nogat king. Em bin wokim strongpela toktok long ol ausait lain husat i wok long promotim na sapotim dispela kain gavman long stopim kain pasin we i wok long paulim ol pipel.

Mista Momis i tok ileksen bilong Otonomi Gavman bai go het olsem i stap long ples na Bogenvil bai gat nupela gavman long mun Jun.

Mista Ona na lain sapota bilong em i bin kamap long Buka long Tunde moning wokim mas we i nogat trabel long em bipo ol i kamap klostu long Buka Polis Stesen na dispela bik-



• Ol sapota bilong Francis Ona i wokabaut bihainim em long Buka taun. Foto: ALOYSIUS LAUKAI

man i wokim ol toktok bilong em.

Mista Ona i bin skuim wankain toktok olsem em i wokim long Arawa we i tok Bogenvil i wanpela independen kantri pinis na maski long ileksen na otonomas gavman. Na ol polis bilong Australia i mas go.

Em bin skuim ol toktok i go moa olsem sapos ol dispela lain i lusim Bogenvil, em bai kisim ol sevis i kam long ailan na pipel.

Tude, ol Bogenvil lida i wok long bung long Buka long toktok long dispela samting.

ICCC kamapim kopretiv plen bilong ol

Maisan Pahun i raitim

OL MANMERI bilong pablik na opis nau i gat moa sans long autim bel hevi bilong ol na tu salim i go long Independen Konsuma na Kompetisen Komisnin (ICCC).

Komisina bilong ICCC Mista Thomas Abe i tokim ol pablik na niusmanmeri long aste olsem dispela wok ol i kamapim em i gutpela long helpim ol manmeri long pablik.

"Mipela long ICCC i wok hat long sapotim gavman long kamapim ikononik developmen na het toktok bilong mipela em long mekim fren long ol bisnis na fren long ol konsuma," Mista Abe i tok.

Long bipo ol i save kolim dispela opis Konsuma Afes Kaunsel (CAC) na bihain long 2002 taim Independen Konsuma na Kompetisen Ekt 2002 i kamap gavman i kamapim dispela ICCC opis. Wok bilong ol em long was long sindaun bilong ol pipel insait long Papua Niugini.

Na tu wok bilong ICCC em long promotim kompetisen, stretpela wok bisnis na was long sindaun bilong ol konsuma.

Dispela em blong was long taim bihain bilong ol pipel bilong Papua Niugini long wari bilong ol long prais, kwolati na gutpela bilong ol guds na sevis ol i baim.


Aninit long dispela tingting na wok ICCC i karimaut ol i laikim bai husat manmeri o kamapani i lukim olsem samting i no kamap gut long sevis ol i kisim, ol i mas ripot i go long ol.

Olsem long dispela yia ol i bin kamapim wanpela wok rivi ol glasim long prais bilong flaua, rais, PMV na Taxi pai, pawa, tinpis na tinmit, na bihain long dispela yia bai ol i lukluk i go insait long Habas na pot sevis.

Mista Abe i kamautim tu tripela nambawan eria ICCC bai kamapim long 3-yia kopret plen bilong em.

Nambawan samting ICCC bai i wokim em long tokim ol pablik na ol bisnis long wanem to bilong ICCC na wanem wok bilong ICCC.

"Planti namba bilong ol manmeri na bisnis insait long kantri i no save yet long wok bilong mipela na mipela mas tokim ol," Mista Abe i tok.



• Mista Abe i holim nupela niusleta we bai i kamaut olgeta tripela mun. Foto: MAISAN PAHUN

Namba tu eria bilong wok em long wok aninit na wantaim ICCC lo. Planti liklik na namel sais bisnis i givim baksait long long ICCC lo yet.

"Mipela long ICCC i laik lukim ol gavman yutiliti bodi wok gut aninit long wanpela insentiv prais model," Mista Abe i tok.

Na las tingting bilong ICCC kopret plen em long bungim olgeta ICCC risos long wok bihainim wanpela driman tasol.

Dispela olgeta wok na plen ICCC i tingting long kamapim i gutpela long dispela taim we ol pablik na ples lain i wok long painim hat long ikononik hevi.

Tasol bikpela hevi Mista Abe i tok em bilong kisim klia gavman polisi dairektiv na wok wantaim gavman isiu.

I gutpela long ol manmeri i mas klia long


wok bilong ICCC bilong wanem kos o prais bilong ol samting em i wanpela samting we i save stap long laip bilong ol olgeta de.

Long nau yet planti manmeri i wok long komplein olsem kos o prais bilong ol samting, kaikai long stua moayet, i wok long go antap.

Wok bilong ICCC em i bikpela wok, we ol i mas tingim ol lain husat i save salim ol dispela samting, we ol i mas mekim liklik win mani bilong ol yet, na tu ol manmeri husat i bai baim ol dispela samting, we kos i no antap tumas we bai bagarapim sindaun bilong ol.

Nau ICCC i wok long kamaut long pablik olsem na tokim ol manmeri long wok ol i save mekim, i gutpela.

Taim olgeta manmeri i save long wok bilong ol ogenaisesen, ol i ken tanim i go long taim ol i stap long hevi o gat askim.



Wanpela manki bilong singsing i ting em wanpela hait bodi. Em i traim long hait na raun long Gordans maket tasol ol birua i lukim em na givim blek ai long em. Em i kisim marasin stap na ino 3 pela dei bihain em i pilai long wanpela konset na dispela taim ol birua i givim em skin pen stret.

Ol sampela strongpela yangpela meri sapota bilong em i wail long em na pulim em i go kam na klostu kamautim hap skin bilong em. Nau em i karim blek ai na skin sua na raun stap.

Wanpela wantok manki i go kaikai long haus kaikai. Boi ros baim rais stiu na tru yet em wanpela mangi bilong kaikai sol stret. Em i go sindaun long tebol na hariap long putim sol em i paul na kapsaitim suga ol i save putim long antap long tebol. Turangu em i kaikai swit suga rais stiu. Ino pait tasol i swit moa yet.

Dispela bikpela kros nau i stap long pasin ol sekyuriti man long Australia i mekim long Praim Minista Sir Michael i wok long mekim planti manmeri i bel kaskas tru. Sapos Australia i tingting gut, ol i mas stretim kwiktaim. Pasin bilong Papua Niugini em olsem. Yu mekim long papa, pikinini bai i mas bekim yet.

Sapos yu save laik lukim ol musik atis olsem Oshen na DadiiGii, ating bai yu no wanbel long ol lain manmeri i bin stap las wik Fonde nait long konset bilong tupela.

Oshen i singaut, ol meri i singaut, em i singaut gen, ol meri i bekim. Taim em i rausim kep bilong em na tromoi long ol manmeri, kep i lus. Taim em i singsing Meri Lewa, ayo...ol meri i kra ya.

Toktok long kral, na aiwara bilong amamas i bin pundaun i kam daun long pes bilong sampela ol poro husat i save sapotim tru ragbi lig tim long Australia, Brisbane Broncos, taim ol i bin winim Sydney City Roosters las wik. Man, gem bilong ol i bin fit tru, olsem tru taim we ol bikpela nem pilaia olsem Wille Came na Allan Langer i bin stap.

Nupela we long komplein long kaikai na sevis

SAPOS yu ting olsem dispela sevis yu save kisim long ol gavman saplai o bisnis i no gutpela na sapos yu save baim bikpela prais long ol stua kaikai, nau yu gat sans long autim wari bilong yu.

Gavman statutori bodi Independen Konsuma na Kompetisen Komisnin (ICCC) i kamapim pinis wanpela niusleta bilong ol na tu wanpela websait long intanet we ol pablik na bisnis grup i ken putim komplein bilong ol long en.

Man husat i was long konsuma divisin Joe Cajetan i tok dispela em wanpela wei ol pablik i ken gat sans long save wanem em wok bilong ICCC na tu autim komplein bilong ol i kam long ol.

Dispela nupela websait bilong ol i gat stori bilong ICCC kopereit plen, ripot bilong ol rivi ol i kamapim, tok-save bilong ol prais bilong ol kaikai na sevis. Konsuma rais na fom bilong konsuma komplein, maket kondak rul, na ol narapela toktok we i ken helpim ol pablik.

Dispela websait tu i gat fom bilong komplein we sapos yu lukim wanpela stua o bisnis i sasim bikpela pei long ol kaikai na sevis yu ken pulapim na salim i kam long ol. Dispela fom bai ICCC i kisim na bihain sekim sapos dispela stua o bisnis i brukim konsuma lo.

Mista Cajetan i tok tu olsem ol i kamapim wanpela MOU wantaim ol provinsef gavman we bai ol opisa long wanwan provins i mas luksave long ol bisnis na konsuma insait long provins bilong ol.

Wantok Niuspepa i bin askim komisina bilong ICCC sapos olsem wanem ol manmeri nating long kantri husat i no gat kompyuita na intanet i ken autim bel hevi bilong ol? Komisina Thomas Abe i tok ol manmeri nating husat i nogat sans long intanet o kompyuita i ken salim komplein bilong ol i go long ol provinsef gavman opis bilong ol we i gat wanpela ofisa husat ICCC i trenim i stap long harim kain komplein.

Dispela niusleta bilong ICCC i bai kamaut 4 pela taim long wanpela yia na sapos yu laikim wanpela yu ken rait long ol i salim i kam long pot ofis boks bilong yu. Nupela websait adres bilong ICCC em www.iccc.gov.pg

Hap Hap Nius

Lo na oda

Gavana bilong Nu Ailan provins lan Ling-Stuckey i tok lo na oda insait long Nu Ailan provins i wok long go antap yet long Kavieng na Namatanai. Em i tok dispela hevi ol polis i no inap stretim ol yet. Ol i mas i gat sapot bilong komyniti tu. Mista Ling-Stuckey i mekim dispela toktok long Eruel Jenerel Miting bilong Is Kos Kara-Nalik Maimai Asosiesen las wik Sarere long Laumalava viles. Em i tokim 110 maimai olsem wok bilong ol olsem ol lida bilong ol klen o pisin em i mas kisim moa luksave long gavman na ol komyniti bai ol i ken mekim moa wok bilong strongim lo na oda long viles level.

Dring Solwara

Wanpela man i gat 23 krismas bilong Vunamurmur long Kokopo, Is Nu Briten provins i bin dring solwara na dai taim em waswas wantaim ol poroman bilong em long Blu Lagun long sait bilong rot namel long Rabaul na Kokopo long Ista Sande. Dispela man em Mago Mainanga, wanpela selsman wantaim Spirit ov Kokopo. Long dispela taim planti manmeri i wok long lus long solwara, i no long NGI rijon tasol, tasol long ol narapela hap bilong PNG tu. Planti taim dispela i save kamap taim ol manmeri i no harim tok bilong ol atoriti na i save ron long sip o bot taim solwara i bikpela na i no seif long raun.

Bogenvil bai gat rijonel na tripela memba yet

NUPELA Bogenvil aninit long otonomas gavman bai i gat foapela memba yet long Nesenel Palamen. Bai gat tripela Open memba na wanpela rijonel memba.

Sir James Fraser em man husat i gat bikpela hanmak long nupela Mama Lo bilong Bogenvil i bin tokim Trensisenel Komiti insait long wanpela bung las wik.

Em bin tok em bikpela samting long Bogenvil i gat ol memba i makim ol long Nesenel Palamen na sapos i gat sampela senis, otonomas gavman bai lukluk long en.

Long sait bilong Gavana bilong Bogenvil, Deputi Gavana na Siaman bilong Trensisenel Konstituseneel Komiti (TCC) Gerard Sinato i bin

mekim klia olsem Mista Momis bai stap olsem Gavana na laik bilong em sapos em i laik sanap resis long ileksen bilong otonomas gavman, em bai risain. Sapos nogat, em bai stap olsem rijonel memba bilong Bogenvil long Nesenel Palamen.

Sinia Ligel Opisa bilong Edministresen bilong Bogenvil, Chris Siriosi, i bin tok man husat i holim posisen bilong gavana bai risain bipo ol i givim aut ol rit o ileksen pepa we bai kamap long Epril 14.

Em i tok sapos Mista Momis i risain long resis long otonomas ileksen, ol bai holim bai ileksen long makim nupela rijonel memba long makim Bogenvil insait long Nesenel Palamen.

Sinivit LLG laik stap long Pomio Iektoret

OL PIPEL bilong Sinivit Lokel Level Gavman i laik stap insait long Pomio Iektoret na i no laik kamap hap bilong nupela Baining Iektoret we ol i laik kamapim long en.

Long wokabaut bilong Iektoret Baundaris Komisin wokabaut i go long Is Nu Briten provins, olpeia memba bilong Palamen bilong Is Nu Briten, Francis Koimanrea, i bin givim wanpela petisen o askim pepa long askim na laik bilong ol pipel long Siaman bilong Komisin na Iektoret Komisina Andrew Trawen.

I bin gat bung long dispela samting na 65 pipel i bin sainim petisen we i gat ol toktok na no laik bilong ol pipel long Sinivit Iektoret long stap insait long nupela Baining Iektoret tasol ol i laik stap long Pomio Iektoret.

Planim kakao we CCI wok stadi i kamapim

STRONGPELA askim i go long ol kakao fama insait long PNG na moa yet, long Is Nu Briten provins, long planim ol kakao we ol rises lain i tok long planim.

Dispela em long tukautim gutpela kwolati we kakao bilong yumi i gat long wol. Tude, ol kakao i kam long CCI Rises Institut i kamapim namba wan na top kwoliti kakao long wol.

Ol rises lain bilong Kakao na Kokonas Rises Institut (CCI) long Tavilo long Is Nu Briten i save karimaut olgeta wok rises long ol rot bilong kamapim gutpela kakao na kokonas we bai karim gut ol sid o pikinini i gat gutpela kwoliti.

Wanpela wokman long Is Nu Briten husat i save

wok kakao insait long provins em Clayton Samson i wokim dispela singaut bikos em i laikim bai kakao bilong PNG i mas kamapim na holim nem long kamapim gutpela kwolati kakao na skruim dispela i go na i noken bagarapim.

Mista Samson i tok PNG nau em i go pas long kakao rises long wol na ol kakao long CCI Rises Institut i kamapim top kwolati kakao.

Em i tok ol arapela kantri long wol i save kamapim kakao i stap bihain long ol wok rises na ol i lukluk nau long PNG long moa infomesen long dispela.

Na em i tok long PNG i stap olsem, ol kakao fama i mas bihainim gut ol mak we ol man i save

baim o lain i save baim kakao bilong yumi putim long en o laikim.

Ol kantri long Yurop na Amerika i save baim ol kakao bilong PNG long wokim ol soklet na ol arapela prodak.

Em i tok sapos ol arapela kantri i kisim ol infomesen na kaukau sid long CCI, ol inap long kamapim kwolati we i moa gutpela na winim yumi.

Na dispela bai mekim na kwoliti bilong kakao bilong yumi bai go daun na em i no gutpela Mista Samson i tok.

Olsem na strongpela askim i go long ol kakao fama long PNG long planim tasol ol kakao sid we CCI i kamapim long en.

Ol pikinini Motlok kisim banis sut



• Ol mama Motlok i lain wantaim ol bebi long kisim banis sut.

Foto: ALOYSIUS LAUKAI

Aloysius Laukai i raitim

EM i save hat long ol pikinini long Motlok, Tasman, Fead na Katerets Ailan i stap longwe long biksolwara long hap san i kamap namel long Bogenvil, Nu Ailan na Solomon Ailan long kisim ol banis sut bikos long trenspot hevi.

Tasol long stat bilong dispela mun, wanpela medikel lain bilong Buka Haus Sik na Provinseel Helt Divisen i bin mekim wanpela wok raun i go long Motlok ailan long sekim wanpela sik i bin kamap na planti pipel i kisim.

Ol i stretim dispela hevi na long wankain taim tu, ol haus sik dispela lain i bin givim banis sut long ol bebi

na liklik pikinini long Motlik na bihain, ol bin go long Tasman Ailan na wokim wankain long ol pikinini. Na tu, sekim ol sik manmeri.

Ol bin givim banis sut long ol liklik bebi mama i karim ol nau tasol inap long 5-pela krismas.

Long Motlok Ailan yet, ol bin givim banis sut long 48 pikinini.

Ol pikinini long ol dispela liklik ailan i save stap wantaim nogat banis sut bikos long trenspot hevi. Sip bilong Bogenvil Provinseel Interim Gavman em MV Sankamap em wanpela rot bilong trenspot we ol pipel bilong ol liklik ailan i save i go na i kam long Buka, ol arapela hap bilong PNG na wol.



Tsiamalili toktok long wok redi bilong ileksen

EDMINISTRETA bilong Bogenvil Peter Tsiamalili i bin tokaut long tupela samting i sut long jenerel ileksen bilong otonomas gavman.

Insait long bung, Mista Tsiamalili i bin tokim Trensisenel Komiti olsem mani bilong ileksen i no kamap na setifiket long ol wok bilong rausim na bagarapim ol gan i pinis we Yunaitet Nesens bai givim em tupela bikpela samting we bai tokim yumi olsem ileksen bai kamap.

Mista Tsiamalili i tok ileksen bilong otonomes gavman i nupela samting na sot long ol risos na ol pipel bilong Bogenvil i gat bikpela sapot long holim ileksen, wantaim tu PNG na intaneseneel komyniti i lukluk long dispela, edministresen bilong Bogenvil i wok hat tru long redi long dispela ileksen.

Em i tok Nesenel Gavman na AusAID em tupela we bai givim

bikpela hap mani long sapotim Bogenvil ileksen i no givim mani yet. AusAID bai givim K5.2 milien bilong em sapos Nesenel Gavman i givim K1.2 milien bilong em.

Ol de bilong Bogenvil ileksen Ol wok long ileksen bilong Bogenvil bai kamap long ol dispela de.

•Givim aut ol rit o ilkesen pepa - Epril 24 •

Nominesen i op- Epril 14-21

•Taim bilong Vot na Kaunim- Me 20-Jun 2

•Givim bek ol rit pepa- Jun 8.

Hap Hap Nius

Okid Man

Wanpela man Westen Hailans provins i kisim K20, 000 helpim mani long Gavman bilong Saina na Palamen memba bilong em long sapotim okid flawa gaden bilong em. Mista Pint i wanpela fama bilong Westen Hailans provins na em i save groim olo okid long gaden bilong em klostu long Hagen taun. Em bin stat long groim okid olsem samting nating tasol. Tasol nau em i gat 12-pela kain okid flawa long gaden bilong em. Mani we gavman bilong Saina (K10,000) na Envaironmen na Konsevesen Minista na Hagen memba William Duma (K10,000) i givim em bai mekim okid gaden bisnis bilong em i go bikpela na naispela moa. Long las wik, Mista Pint i bin kisim mani ya long han bilong Minista Duma. Mista Pint i bin kisim bikpela tingting long groim okid olsem bisnis taim em bin salim ol okid flawa i go long ol turis husat i raun i go long provins na taun long lukim ples.

UOG Laibreri

Goroka insait long Isten Hailans provins i ples we bikpela laibreri insait long eria bilong wol ol i kolim long Sauten Hemispia i stap long en. Sauten Hemisfia i karamapim ol kantri long Saut Pasifik, Australia na Nu Silan. Laibreri em ples i gat kain buk bilong rit long ol bikpela manmeri, ol niuspepa, ol megesin na olarapela kain moa i stap long en. Dispela laibreri i stap long Yunivesiti bilong Goroka na em bai op long sampela taim long dispela yia. Ol bai givim nem "Steven Eka Library Complex" bihain long wanpela gutpela pikinini bilong Isten Hailans, bikpela lida na namba wan Sansela bilong UOG.

Kopi masin long ol fama bilong Apa Asaro

James Kila i raitim

WANPELA lokel kampani long Goroka, Isten Hailans provins long las wik i bin givim tupela hen-palpa kopi masin i go long ol pipel bilong Apa Asaro eria long Daulo distrik long Isten Hailans provins long hepim ol long kamapim namba wan kwolati kopi.

Dispela helpim i kamap long rait taim stret taim prais bilong kopi i go antap na tu dispela taim nau em taim bilong kopi sisen long Hailans rijon long kantri.

Presentesen bilong dispela samting i bin kamap long Komuni ples na i bin lukim menesing dairekta bilong Yonou Kopi Prodiusas, Alex Kavie wantaim projek opisa Sim Weambo i bin go na givim ol dispela kopi masin long ol fama.

Mista Kavie, husat em wanpela as ples man bilong Yondu ples we i stap klostu tasol long Komyuni i givim tupela masin we kos bilong wan wan em K850 i go long ol dispela fama bikos em i laik lukim ol dispela rurel fama i mas kamapim nambawan kwolati kopi long salim na kisim gutpela mani.

Em i tok tu olsem dispela donesen em i givim long ol pipel em i no bilong grisim ol long salim kopi bilong ol long fektori bilong em long Yondu long Goroka. Nogat. Dispela helpim em i givim em long helpim ol fama long kisim gutpela mani long dispela taim nau we i lukim prais bilong kopi i go antap.

Mista Kavie i tokim ol fama long hauslain tu olsem Yondu Kopi i save helpim planti ol rurel fama long planti hap bilong kantri, husat i save gat hevi long palpa. Dispela ol fama i stap long ol ples long bus tru na nogat rot long sevim ol. Ol i save yusim



• Mista Kavie (sanap namel) i givim ol kopi palpa masin long ol ples lain bilong Komuni viles long Apa-Asaro. Foto: JAMES KILA

balus tasol long karim kopi bilong ol i go aut long salim.

Yondu Kopi i gat gutpela nem long helpim ol rurel fama long hap bilong Marawaka, raikos long Madang, Karamui long Simbu na tu ol arapela eria long kantri wantaim ol fri palpa masin.

"Mipela i no save kisim kopi long yupela, tasol mipela i stap long helpim yupela wantaim gutpela sevis," Mista Kavie i tok.

Em i tokim ol pipel tu olsem kopi indastri long kantri i save sanap strong long rot bilong kwolati

kopi.

Olsem na ol fama i mas yusim ol dispela kopi palpa long gutpela rot na kamapim nambawan kwolati kopi long salim na kisim mani long helpim sindaun bilong ol insait long komyuniti em i tok

Wanpela viles lida Thomas Kimbi i tok tenkyu long Yondu Kopi long dispela donesen bilong palpa kopi masin na i tok olsem ol fama bai lukautim gut dispela masin na olgeta taim bung wantaim long mekim wok bilong kopi i go long strong long hauslain bilong ol.

VCT bai kirap long Bihute kalabus banis long Goroka

ISTEN Hailans Provinsel HIV/AIDS Kaunsel i tokaut pinis olsem em bai opim wanpela Volunteri Kaunseling na Testing (VCT) senta long Bihute haus kalabus insait long Goroka long sampela taim long dispela yia.


Ol bin tokaut long dispela insait long tupela wik HIV/AIDS woksop i bin kamap long Kefamo konferens senta klostu long Goroka taun.

Isten Hailans Provinsel HIV/AIDS Kaunsel i bin go pas long dispela woksop wantaim helpim bilong mani i kam long Nesenel HIV/AIDS sapot projek we AusAID i sponsaim wantaim helpim mani.

Wanpela Katolik Sister Lourdes Hummes i bin go pas long ranim dispela woksop wantaim helpim bilong Mark Kofandi bilong Katolik Familii Laip opis long Goroka we i lukim 16-pela lain olgeta i sindaun long em. Plis Dipatmen long Goroka i bin salim wanpela opisa long stap insait long dispela woksop. Yunivesiti bilong Goroka i bin salim tu wanpela kausefa bilong ol long sindaun long dispela kos.

Isten Hailans Provinsel Helt Etvaisa ben Haili i tokaut strong long taim bilong woksop olsem kaunseling o skul toktok i mas go olsem wanpela spia long pait egensim dispela sik AIDS insait long kantri.

Em it ok dispela em bikos planti pipel bilong yumi i no harim tok na ol i no wari long wanem nogut i kamap insait long ples na komyuniti bilong ol.



• Wanpela kalabus man Robert Baras i sindaun long HIV/AIDS woksop long Bihute haus kalabus. Foto: JAMES KILA

Em i tok tu olsem em i luksave long wok bilong sios na ol Non Gavman Ogenaisesen (NGO) long pait agensim sik AIDS insait long kantri. Tasol em i laik lukim moa kaunseling sevis i go wok bung wantaim jenerel helt sevis insait long Isten Hailans provins.

Kodineta bilong dispela kos na man husat i go pas olsem sief bilong Disis Kontrol na Pablik Helt Seveilens insait long Isten Hailans, Jackson Apo i tok olsem em i laik lukim bikpela wok bilong promotim mali sektorel luksave o planti lain na grup insait long komyuniti i wok wantaim na givim luksave long pait agensim sik AIDS insait long kantri.

Mista Apo i tok em i laik wok wantaim ol Sios na lain NGO. Tasol em i no laik wok wantaim ol liklik NGO husat i kamap nating tasol bikos ol i gat mani na risos i kamap long ai bilong ol na ol i kirap.

"Mipela i laik wok wantaim ol polis na woda na ol skul olsem Yunivesiti bilong Goroka long karimaut ol kaunseling na testing i tokaut olsem dispela VCT program i stat pinis long Bihute Haus kalabus na bai go strong long mun Epril long dispela yia.

"Mi pilim olsem VCT em i wanpela bikpela samting bikos long banis kalabus long olgeta de i save gat ol nupela lain kalabus i go insait," Mista Marme i tok.

Opisa Marme i tok tu olsem VCT long Bihute i kamap bikos nau long dispela taim, em i no seif tumas insait long banis kalabus olsem na ol kalabus i mas save long ol yet na lukautim bodi bilong ol.

Dispela woksop i bin lukim tupela lain kalabus bilong Bihute is tap long en long kisim gutpela save na bringim skul i go long banis kalabus. Ol dispela kalabus em wanpela man Robert Baras na nara-pela meri kalabus Betty Yawe.

Tupela meri CIS opisa i bin stap tu long dispela woksop.

- James Kila



NOKEN BAGARAPIM OL PIKININI!



Pikinini meri igat wankin rait olsem pikinini man. Emi rait bilong ol pikinini meri long go long skul na kisim gutpela save we iken halvim ol long sindaun gut long bihain taim.



Olgeta pikinini igat wok long soim gutpela pasin na lukautim gut ol narspela.



WANTOK
i go pas long dispela kempen!

Polye bai helpim ol PMV

OL PMV operata long Mosbi bai i gat wampela grup we bai was na pait long ol laik na rait bilong ol nau.

Dispela tingting i bin kamap long wampela bung name! long ol papa bilong ol PMV (Pablik Moto Vihikel) wantaim Minista bilong Trensport na Sivil Aviesen, Don Polye, las wik.

Long dispela bung, Mista Polye i bin tok strong long ol opereta long kamapim gut moa sevis bilong ol long siti sapos ol i laikim sapot.

Em i mekim tok promis olsem em bai helpim long kirapim wampela grup aninit long lo we bai kamap olsem maus bilong ol opereta, na lukluk long ol laik, hevi na rait bilong ol.

Mista Polye i bin mekim dispela toktok bihain long ol papa bilong ol PMV i bin askim long helpim bilong em long kirapim na putim mani long wampela grup we bai lukautim ol laik, hevi na rait bilong ol.

Presiden bilong Port Moresby PMV

Owners Association (Pot Mosbi PMV Onas Asosiesen), Petrus Tagupa, i tok olsem long nau yet ol i nogat wampela grup we i save mekim dispela.

Mista Polye i tok olsem em bai helpim ol na ol i mas mekim wampela asosiesen na givim wampela sab-misen o pepa wantaim tingting na askim bilong ol i go long opis bilong em.

Em i tok tu olsem em i tokim wampela kampani pinis long lukluk long ol we ol PMV na taksi sevis long kantri i ken kamap gut moa.

Mista Polye i bin tokim ol opereta tu olsem ol atoriti bai rausim ol PMV laisens bilong ol sapos ol i bagarapim ol meri o pikinini.

Em i tok em i harim ol ripot olsem ol draiva na bos kru i save rausim ol pikinini long ol bas na em i wari tru long dispela.

Em i tok strong long ol opereta long wok bung wantaim.



• PMV sevis long Mosbi i mas kamap gut moa Mista Polye i tok. FAIL FOTO

Hap Hap Nius

Sumatin Kros

Ol sumatin bilong Pot Mosbi Teknikel Skul i bin straik long Tunde bihain long Gavening Kaunsel bilong skul i bin rausim woden o waspapa bilong ol sumatin bikos long sampela toktok em i bin mekim. Tasol ol sumatin i no wanbel long rausim bilong em na i tok olsem ol toktok em i bin mekim em i ol toktok na wari ol sumatin i bin askim em long toksave long skul long en.

Reip

Ol man nogut i bin holim pasim na bagarapim o reipim tupela meri long Mosbi long wiken. Long namba wan birua, ol man nogut i bin reipim wampela meri Porebada long Sentral provins, husat i gat 18 krismas, long Fraide nait long Saraga. Long namba tu birua, ol man nogut i bin reipim wampela mama long 9 Mail So Graun bihain long ol i bin brukim haus bilong em long Sarere nait.

Nogat Het

Polis i ripot olsem ol manmeri i bin painim wampela dai bodi ol man nogut i katim het bilong en long Baruni, Mosbi, Nesenel Kapitel Distrik long Sarere. Ol i bin painim het bilong dispela man wampela mita longwe long bodi bilong em. Ol manmeri i wok long painim paiawut long dispela hap taim ol i bin painim dispela dai bodi na i bin hariap tru long toksave long ol polis.

Spirit bilong Kokoda



• Sampela lain i wokabaut long Kokoda Trek. Foto: PNGBD.COM


WANPELA grup bilong ol olupela soldia bilong Australia husat i bin pait long Kokoda long Oro provins long Wol Woa 2, i kirapim wampela wok wantaim wampela kampani we i save mekim kopi long Brisbane, Australia, long holim pas yet long dispela spirit bilong Kokoda.

Dispela grup em Australian Returned Services League (Australian Ritened Sevises Lig, RSL) na presiden bilong ol, Meja Jenerel Bill Crews, i tok olsem long tingim yet ol soldia bilong Australia na ol man Papua Niugini husat i bin helpim ol long dispela woa, RSL i


wok bung wantaim Kokoda Coffee (Kokoda Kopi) na kamap wantaim dispela disisen.

Kokoda Kopi bai yusim RSL emblem o sain long ol wanwan kopi prodak bilong en, na 7 pesen (%) bilong olgeta win mani long Australia long salim bilong ol dispela prodak bai i go long RSL long lukluk long holim pasim dispela spirit bilong dispela bikpela pait long Kokoda.

Kain ol we we ol bai mekim dispela em long givim hap mani bilong dispela mani we RSL i kisim, i go long ol papagraun stret bilong Kokoda Trek, ol Koiari. - PNGBD.COM



King Bilong Kanu...Wampela hap man bilong mekim kanu long Daru, Westen provins, i penim fran bilong kanu bilong em. Foto: PNGBD.COM



Discover...

The All-New

HIACE

- ✔ Bigger 3.0Lt Engine
- ✔ 16 Seater LWB
- ✔ Bigger Cargo Capacity
- ✔ More Safety Features
- ✔ Improved Stability and ride comfort

Ela Motors

TOYOTA

DISCOVER A WHOLE NEW WORLD OF DRIVING AT ELA MOTORS TODAY

EM8774A

For More Information Contact: Port Moresby Ph 3229400 Fax 3217268 or Lae Ph 4781800 Fax 4722463

Raun lukim ol meri na pikinini long PNG



• Pulim lain long lainim gutpela kuk. Ol meri na pikinini bilong Simbu provins i laik go long woksop bilong Pater Joseph Sakite svd bilong Ghana na wok long Simbu i soim ol rot bilong wokim tapioka ((flour) flawa we bai i stap long-pela taim na ol i ken yusim long kuk long en.

• Sapotim strong moa ol pikinini meri long skol. Ol meri sumatin bilong Marianville Gels Sekenderi skol long Bomana, Mosbi, Nesenel Kapitel Distrik, i putim kamap wanpela singsing long opim 2005-2014 Nesenel Edukesen Plen las wik.



• Pater Joseph i soim ol meri na pikinini long Simbu long kukim gutpela kaikai.



• Mi ken helpim mama tu! Liklik manki i pulumapim baket wara.

Bikpela bung glasim lo i lukautim ol meri i go het

HEVI long famili na ol meri i wok long kamap bikpela na klia insait long wol na PNG long dispela taim na planti ogenaisesen i wok bung wantaim long traim stretim ol.

Kantri Fiji i bin holim bung we ol Pasifik Patnas Netwok grup i bin bung long toktok, serim infomesen long wanem samt-ing wan wan grup na kantri i wokim long daunim ol hevi, kamapim ol netwok na lainim long wanpela arapela.

Kodineta bilong Famili Seksuel Vailens Agens Komiti (FSVAC) Ume Wainetti i bin go long namba 4 rijonel bung long Fiji we ol i bin toktok long ol hevi ol meri i bungim long haus, wokples na olgeta narapela hap. Fiji Wimens Kraisis Senta (FWCC) i go pas long ol bung we i gat 24 grup i sanap pinis long etreseim dispela hevi. Senta i bin kirapim pinis ol han long Vanuatu, Buka na ol bin ronim trening long kraisis senta bilong ol meri long

Simbu na Is Sepik Komiti i agensim pasin long wokim nogut long ol meri na pikinini.

Bung i bin glasim gut sapos lo long lukautim pasin bilong bagarapim ol meri i wok gut long ol kantri we i stap insait long komiti. Ol bin tok insait long tripela yia i kam, ol i mas go hetim ol lo long ol lain i wokim ol pasin i brukim lo bilong lukautim ol meri na pikinini. Mak bilong ol man i bin kamap long dispela bung i bin winim ol meri long namba wan taim.

Hap namba tu long Domestic Violence stori wanpela meri bungim long famili

BIHAIN mi painaut olsem man bilong mi i wok long paul wantaim ol narapela meri. i no wanpela tasol planti. Olgeta lain i save tokim mi olsem, noken wari, yu meri tru tru bilong em. Yu mama bilong haus na ol arapela samt-ing i go wantaim dispela. Tasol mi no laikim ol dispela samt-ing. Taim mi tingim man bilong mi i wokim pasin pamuk na slip wantaim ol narapela meri, mi no wanbel stret. Em i save tokim mi olsem yu no gutpela long bet olsem Jane o Mary. Tingting bilong mi i bagarap, mi paul na mi stap long hevi. Mi no laikim mi yet.

Mi nogat sosef laip, nogat poroman na em i lokim mi stap insait tasol long haus taim e mi wok long go aut na gat ol kain meri poroman. Olgeta lain long dispela liklik taun i bin save long pasin em i wokim. Long taim bilong ol bung, e mi save gris wantaim ol narapela meri tasol taim mi toktok long narapela man, em bait ok nogutim mi na krosim mi. Na em i save tok mi save slip wantaim ol dispela man. Mi save sem stret na mi laik dai. Taim mipela i gat tupela pikinini pinis na mipela i kam long Mosbi, em i no pinis long paitim mi nogut.

Moa neks wik.

PNG lusim narapela bikmeri

PNG i lusim gen narapela bikmeri husat i bin mekim bikpela wok long Edukesen na i kamap olsem gutpela rol modul bilong ol meri long kantri.

Rafaela Bengo i bin dai long Sande, Mas 21 long Pot Mosbi Jenerel Haus Sik bihain long em i bin sik longpela taim.

Kontribusen bilong leit Misis Bengo long Dipatmen bilong Edukesen i bin abrusim 30 krismas taim em bin stat olsem tisa na bihain, long het opis bilong dipatmen long Mosbi.

Misis Bengo i bin namba wan nesenel o asples PNG meri long kamap olsem Prinsipel long Yarapos Hai Skul bilong ol meri long Is Sepik provins.

Long ol sampela toktok we *Wantok Niuspepa* i kisim long wanpela yangpela meri i save long en,

em i tok" leit Misis Bengo i wanpela gutpela piksa stret long mipela ol meri long PNG. Mi bin stap long Yunivesiti ov Goroka long ol yia long namel bilong 1990's taim Misis Bengo i kam wokim sampela kos. Em bin kamap olsem gutpela piksa bilong mi bikos long gutpela pasin, pasin bilong strongim mipela ol yangpela meri long wok hat na mekim gut wok na long dispela rot, bai ol atoriti i ken givim luksave.

"Em i strongim mi tu olsem yumi ol meri i mas wok na sanap strong wantaim ol man long ol wok go het bilong kantri."

Praim Minista Sir Michael Somare taim em i salim tok sori bilong em na famili long leit Misis Bengo i bin luksave long bikpela wok em (Misis Bengo) i bin putim long edukesen long las 30 yia.

"Misis Bengo em i wanpela edukesenis husat i bin putim moa long 30 krismas long profesenel laip long ol sevis i go long edukesen. Mipela i luksave long ol sevis bilong em i go long PNG. Gutpela malolo i ken go long em na preia bilong mipela i go long famili bilong em," Praim Minista it ok.

Leit Misis Bengo i bilong Nu Ailan provions tasol em i marit long Is Sepik.

Man bilong en em Paul Bengo husat i wanpela bikman na em i Rejistra bilong ol Politikel Pati na Kandidate.

Misis Bengo i lusim foapela pikinini meri na ol bubu. Laspela pikinini meri, Dorothy, i nius ripota wantaim EMTV.

- Veronica Hatutasi

Lo bilong lukautim ol pikinini



OL rot yu ken luksave olsem pikinini i kisim bagarap long pasin nogut. I no sem long wokim ol kain pasin long ai bilong ol arapela, moa yet ol man. No kisim gutpela slip na dispela i kamap long ples klia long ol pret driman na em i no laik slip, I pilim pen long sindaun o wokabaut, Em i gat troma o bikpela wari na tingting i no stret, sua na susu long sem bilong pikinini, pilim pen taim em i pispis o pekpek, mak long nek na wara long seem bilong man (semen) o mak bilong spet long skin bilong pikinini, waswas planti taim long rausim ol mak i kamap bihainim pasin nogut i kamap long en, no bisi long helt na lukautim em yet, les long stap wantaim ol arapela manmeri na ol yangpela.

Sapos yu laik save moa long dispela Lo na ol arapela samt-ing i sut long famili, meri na pikinini hevi, toktok long ol dispela lain:

-PACE (People Against Child Exploitation) PNG-Telipon 3203375 o 3203376. Feks - 3214738 o rait long P O Box 5872, Boroko, NCD. email :hausruth@hotmail.net.pg

-UNICEF- 3213000 o UNICEF, P O Box 472, Port Moresby, PNG.

-Family & Sexual Violence Action Committee. Telipon 3211714 o 3203728 o Feks 3217223 o Email:pngfvac@daltron.com.pg.

Sotpela Tok Lukaut Save i ken banisim sik

SIK AIDS i nupela na nogut sik tru we i kilim pinis planti milien pipel long wol. Long PNG, moa long 10,000 pipel i kisim dispela sik na plant i dai pinis insait long 18 yia taim ol i bin luksave long sik hia long yia 1987. I gat bilip olsem moa pipel i gat dispela sik tasol i nogat ripot long en.

HIV em liklik binatang we i save kamapim sik AIDS. Dispela binatang i ken stap long bodi bilong man long planti yia bipo em i kisim sik AIDS. HIV i save bagarapim strong long bodi bilong banisim ol sik. Olsem na i nogat wanpela klapela sik we man wantaim sik AIDS i dai long em. Em ol kain sik i kamap na bikos strong bilong man long banisim sik em binatang bilong HIV i bagarapim pinis, em bai isi long man i kisim ol kain sik na dai.

Binatang bilong HIV is tap long blut na ol wara i kamaut long sem bilong manmeri tai mol i slip wantaim.

Tripela rot long binatang bilong AIDS i kalap long narapela em: -Sex o slip wantaim narapela i gat binatang (HIV) bilong sik AIDS pinis. -Blut nogut i go insait long blut bilong ol long taim ol i sik na ol i kisim blut long haus sik. Nidel o resa we man i gat binatang bilong AIDS i yusim na ol i no boilim long rausim binatang nogut. -Mama i gat binatang bilong AIDS na i givim long bebi long bel. Kwiktaim binatang bilong sik AIDS i go olong bodi, sik i kisim yu pinis. Dispela em long ol rot antap.

Moa long neks wik.



Kuk Kona wantaim MERI WANTOK

Curried Barramundi

Yu mas i Gat:
4-pela tispun oil.
Kawawar yu slaisim i go liklik 2-pela hap galik 1 na haf tispun graun sili o lombo pauda Kokonas milk (2-pela kap) 2-tispun kari pauda 1 na haf tispun sol 1 tebolspun suga haf kap painapel yu katim i go long liklik kiub Wanpela tomato yu rausim skin na katim Fres o ais baramandi pis mit we yu rabim sol long en. Sapos nogat baramandi, narapela pis i gat waitpela mit em i orait.
Lemon juis
We long Kukim:
1-Hatim oil long praipan na putim kawawar, onion, galik na lombo pauda. 2-Praim long 5-pela minit o inap anian i tanim i go braun. 3-Putim i go antap haf kap kokonas

milk na larim i go boil tasol. Larim i boil long liklik taim inap long 2-pela minit.
4-Putim i go insait kari pauda, sol na suga. Tanim na praip long liklik hot inap long 10-pela minit.
5-Putim i go antap liklik hap kokonas milk na larim i go boil tasol. 6-Putim i go insait ol painapel kiub na toma-to.
7- Katim pis i go long mak bilong kaikaim na tanim long kari. Taim yu wokim pis long sos. karamapim pot o sospen o praipan na larim boil isi long 10-15 minit o inap repela lombo pauda i boil i kamap long antap. Sapos pis i bruk isi, em i kuk pinis.
8- Bipo yu sevim pis long kaikaim, kapsaitim lemon juis long em.

TOKTOK NATING Wantaim Fr. Paul Liwun SVD



Harim na mekim

Sir Paulias salensim ol pipel bilong Erima

Veronica Hatutasi i raitim

OL PERISINA bilong Santu Peter Chanel Katolik Peris long Erima insait long Nesenel Kapitel Distrik (NCD) i bin kisim salens long autim toktok long ol gutpela samting we bai i ken kamapim gutpela developmen na tu bihainim ol toktok na ol samting we Jisas i skulim yumi long en na i no larim i lus nating tasol.

Gavana Jenerel Sir Paulias Matane i bin mekim dispela toktok long ista Sande lotu we em na meri bilong em Lady Kaludia na ol lain bilong em i bin bung na lotu wantaim Erima Peris Katolik kongrikesen.

Dispela em i namba tu taim Sir Paulias i joinim Katolik kongrikesen long lotu.

Sir Paulias i tok stap long Erima Peris na lotu wantaim kongrikesen bin stap insait long program bilong em yet.

Em i wok long raun i go long ol sios, i no long Mosbi tasol long ausait tu, olsem hap long program bilong em long stap wantaim ol grasrut pipel.

"Taim mi bin kisim opis long mun Mei las yia, mi bin pasim tingting olsem wanpela wok

bilong mi em long go stap wantaim ol sios long Mosbi na ausait. Na i no wanpela sios tasol mi go long en, tasol olgeta sios.

"As tingting em mi laik go aut na lukim ol grasrut bilong yumi bikos long wok bilong mi, bai hat long mekim dispela bikos em i katim mi aut long raun lukim ol. Mi lukim na lotu pinis wantaim ol kongrikesen bilong ol Angliken, Luteran, Baptis, Seven de Etventis, CLC na dispela em namba tu Katolik kongrikesen mi kam long en," Sir Paulias i tok.

Sios i bin pulap kapsait long namba tu sevis i bin stat long 30 minit lusim 9 kilok long moning na pinis klostu long belo. Ol perisina i bin amamas na givim gutpela welkam long Gavana Jenerel long wanem em i namba wan taim long wanpela Gavana Jenerel i kam long sios bilong ol insait long 30 krismas PNG i kisim independens.

Long welkam toktok bilong en, Michael Varapik, wanpela bikman long peris i bin tok ol lain perisina long Erima em ol grasruts lain we i kam long ol Erima na Gordons na setelmen eria na em i bikpela samting long Gavana Jenerel i kam long amamasim bikpela ista pestode wantaim ol.

Long skruim salens Sir Paulias i mekim long kongrikesen, em i

tok, "Plis, autim tasol ol gutpela nius. Sapos yu gat sampela samting yu no amamas wantaim narapela, go na tokim em stret long noken wokim dispela. Yumi mas stopim pasin bilong tok bak-sait."

"Yumi wan wan i mas senis long insait na autim tasol ol gutpela toktok. Tingting strong long dispela na wokim tasol ol samting i stret na bai kamapim gutpela developmen na daunim tu sik nogut we i bagarapim planti pipel em sik AIDS."

Sir Paulias i wanpela strongpela Kristen na i memba bilong Yunaitet Sios. Em bin stori long Holi Len, Jerusalem na ples we Jisas i bin bon long en, stap, karimaut wok misin we Papa God i bin salim long en na ol ples we em bin bungim hevi long karim Diwai Kruse long Gut Fraide, dai na ol i planim em.

Bikos em bin go long ol dispela ples planti taim pinis, em bin mekim klia stret wokabaut bilong Jisas na ol perisina i bin gat bikpela laikim stret long harim dispela na ol arapela toktok Sir Paulias i mekim long sait bilong lotu, ol hevi na salens kantri na pipel i bungim na ol samting we yumi wan wan i ken mekim long kamapim gutpela senis long dispela naispela kantri PNG we i gat planti samting long en.

PNG gat sans long senis

KATOLIK Sios i bin kisim luksave long Gavana Jenerel Sir Paulias Matane long gutpela wok em i mekim long bringim helt na edukesen sevis i go long pipel bilong PNG.

Em bin givim dispela luksave long ista Lotu we em bin stap long en long Santu Peter Chanel Erima Katolik Peris.

Long wankain taim tu, Sir Paulias i bin tok Mama Lo bilong PNG i luksave olsem yumi wanpela Kristen kantri olsem na yumi mas soim klia ol samting Jisas i skulim long yumi.

Em i tok maski ol kain hevi long lo na oda i kamap insait long kantri, yumi gat sans yet long mekim PNG i kamap gutpela kantri.

Em bin tok long em yet, em bin raun long planti kantri long wol, tasol PNG em i sanap olsem namba wan gutpela kantri. Na maski ol hevi i stap, yumi wan wan i mas senisim pasin, luksave long ol planti gutpela samting na kamapim senis na developmen.

Em bin toktok tu olsem famili i mas stap pas gut wantaim na papamama i ken givim gutpela skul na stia long ol pikinini.

"Famili em papamama na pikinini i mas gat laik pasin, luksave na wok wantaim. Sapos papa i wok long bikhet, em i no gutpela," Sir Paulias i bin tok.

Em i skruim tok i go moa long toktok long tripela samting we yumi mas lukautim gut long kamapim gutpela sindaun namel long yumi yet, famili, komyuniti, sosaiti na kantri.

Tripela bikpela samting long yumi yet em bodi, tingting na sol o spirit. Yumi mas lukautim na givim gutpela kaikai long ol. Bodi em yumi mas givim gutpela kaikai olsem planti kumu, bret na wara na em bai stap helti. Long dispela rot, ol pipel bai stap longpela taim na mekim ol wok long kamapim gutpela kantri. Tu, yumi mas gat ol gutpela tingting long wokim gutpela samting. Noken mekim ol tok i nogut, tok bak-sait na tok kros. Long sait bilong spirit, yumi mas skulim gut ol pikinini na bihainim gutpela pasin, Sir Paulias i bin tok.

Long wankain taim tu taim Sir Paulias i toktok long sik AIDS i wok long groa bikpela na bagarapim planti manmeri long PNG, em bin tok em i stap long mandato olsem "Noken wokim pamuk pasin


Rot bilong Kruse pulim moa pipel

WIK i bungim ista ol Kristen sios long wol i save gat ol program i stat yet long Pam Sande, Mande na Tunde i go long Holi Fonde, Gut Fraide, Holi Sarere na ista Sande.

Insait long Mosbi, Katolik Sios i save wokabaut bihainim rot bilong Kruse long tingim na bihainim ol pen na hevi Jisas i bin bungim moa long 2,000 yia i go pinis long ol pekato bilong yumi olgeta manmeri bilong dispela graun.

Ol Katolik manmeri i save bihainim 14 Rot bilong Kruse Stesen na wokim ol pre na singsing we ol i askim God long helpim na marimari bilong em, luksave long ol gutpela samting ol i save kisim long laip na tok tenkyu, pre long ol lida, kantri, wol, ol famili na ol kain hevi i kamap.

Wokabaut i save stat long Santu Peter Chanel Erima peris i stap arere long siti long 6 kilok moning i go olgeta long Mosbi



• Ol i karim kruse i go long Gut Fraide wokabaut.



• Moa pipel i bin go insait long Rot bilong Kruse wokabaut na ol inap long Ela Bis. Ol Foto: NEVILLE CHOI

taun. Em i save kisim 6-pela aua samting. Ol i save karim Kruse na wokabaut pre i go.

Long dispela yia, mak bilong ol manmeri na pikinini husat i bin stap insait long Rot bilong Kruse wokabaut i bin abrusim 10,000. Dispela i winim ol arapela yia. Stat long Erima yet, planti manmeri i bihainim na taim ol i go, moa pipel i wok long go insait.

Sampela ol arapela lotu tu i go insait. Dispela i soim olsem ol pipel i luksave long dispela de na ol pen na hevi Jisas i karim long sevim yumi. Na stap insait long dispela kain wokabaut na preia i strongim bilip long ol manmeri na sampela gutpela senis i ken kamap long laip na sindaun bilong ol. Long Erima Peris we wokabaut i bin stat, ol kongrikesen i bin wokim vijil lotu stat yet long 8 kilok nait i go inap moning na go insait stret long wokabaut.



"Pasin bilong wari na tingting planti"

"Yupela lukim gut ol plaua, ol i kamap olsem wanem. Ol i no save hatwok. Ol i no save wokim laplap. Tasol mi tokim yupela, bipo King Solomon i save putim olgeta gutpela gutpela bilas bilong en, tasol gutpela bilas bilong ol dispela plaua i winim tru bilas bilong Solomon. Nau ol dispela gras samting i stap nambaut na tumora tasol ol man bai i katim na tromoi i go long paia. Na kain gras nating olsem, em God i save bilasim. Olsem na yupela ol manmeri i gat liklik bilip, God bai i givim bilas long yupela tu. Noken wari long yupela bai i kaikai wanem o dring wanem samting. Olgeta manmeri i save wari long painim ol dispela kain samting. Tasol Papa bilong yupela em i save pinis, yupela i mas kisim ol dispela samting. Mobeta yupela i tingting long larim God i stap king bilong yupela. Na bai em i givim ol dispela samting tu long yupela."

Luk 12: 27-31

Glasm Tok wantaim Bisop Peter Fox

SAPOS i nogat luksave, kantri i no inap long groa. Yumi gat nid long trastim o gat luksave o bilip olsem ol promis we ol politisen i wokim i tru, ol samting yumi baim long stoa i gutpela long mak bilong mani yumi tromoim long ol, ol lain i kam lukim yumi bai amamas long lukaut yumi givim long ol na ol i no stilim ol samting bilong yumi taim ol i go. Sapos i nogat (trast o bilip) luksave, i nogat fridom. Sapos mi no trastim polisman long lukautim mi, mi nogat fridom long wokabaut long ol striit. Sapos mi no trastim haus sik, mi no fri long kisim marasin. Sapos mi no trastim pasto o pris bilong mi, mi no fri long harim Tok bilong God.

Tras o luksave em i as we ol i sanapim sosaiti i gat lo na oda long en. Lo na oda em ol bikpela samting bikos sapos ol i no givim mekim save long ol lain i wokim rong na brukim lo na ol manmeri na pikinini i stap long gutpela lukaut, i nogat luksave olsem ol dispela lain i mekim hatwok bai kisim riwod o ol pikinini bilong ol bai painim amamas.

Jisas i bin tok, "Truth o trupela samting bai mekim yu fri (John 8; 32)

Yumi laikim ol lida bilong yumi long gavman na sios i mas tok tru. Yumi tok strong olsem ol pipel na lida i holim ol bikpela wok we pablik i gat bikpela luksave long ol i mas gat tok tru pasin. Korapsen o yusim posisen bilong yu long wokim pasin i no stret na tu, paulim mani i save bagarapim luksave bilong yumi long ol lida. Yusim mani na pawa kranki i save mekim yumi i bagarapim luksave. Taim man i givim wok long gavman i go long wantok, famili, tambu na poroman taim em save olsem em i nogat save long mekim dispela wok, em dispela i korapsen.

Ol pipel yet i gat bilip long em na ol bin putim em long dispela wok long sanap makim maus bilong ol na helpim ol na i no bilong em tasol. Taim politisen i kisim mani we i sapos long long go long narapela projek na givim dispela mani olsem donesen long feveret sariti bilong em, dispela em korapsen. I nogat samting long sariti tasol em i no mani bilong em yet long



givim i go aut olsem. Yumi save olsem sapos man i wokim korap pasin, nem bilong em bai bagarap. Sapos mi yusim peti kes mani long opis bilong wokim bikpela kaikai long sios bilong mi, ol pipel long sios bilong mi i ken ting olsem dispela em i gutpela tasol mi bin stilim mani. Sampela lain bai peim long dispela. Long wanpela i kisim trast o luksave i ken gat ol hevi, long stap olsem man bilong tok tru i ken kamaapim hevi na i no isi tasol stil pasin i save wokim bikpela bagarap na toki giaman i kamapim banis long yumi na ol narapela.

Korapsen i no stap tasol long ol man i gat planti samting na i gat bikpela pawa. Tok tru i stat long yumi wan wan. Ol lain i yusim kranki pablik opis long long bagarapim luksave bilong yumi long pulumapim poket em les pasin bilong yumi i strongim na lukautim ol i stap. Yumi tu i karim posisien bilong trast, maski long wok, long komyuniti na long wan wan haus bilong yumi yet.

Ol wanwok, ol kastoma na ol neiba bilong yumi i gat luksave long yumi. Ol pikinini bilong yumi i givim luksave long yumi. Yumi mas askim yumi yet, yumi inap long ol arapela i givim luksave long yumi? Taim mi painim bilum bilong narapela lain, mi givim bek long mama o papa bilong em wantaim olgeta samting is tap insait olsem wanpela honas manmeri i wokim stretpela pasin? O mi kisim liklik hap mani olsem riwod na givim ol narapela.

Mi toktok long ol pikinini bilong mi, mi minim olgeta samting we mi toktok long em o bai ol i mas luksave long ol rul mi brukim? Meri bilong mi bai givim mi luksave long stap wantaim em na i no wokim paul pasin wantaim ol arapela meri? Em inap long luksave long mi holim mani bilong baim kaikai na i no yusim krangi long baim old ring na pilai laki?

Yumi olgeta i ken pait agensim korapsen. Pait i stat wantaim yumi we i gat gutpela luksave na stretpela pasin.

Pop toktok long gutpela sindaun

STRONGPELA toktok bilong Ista long Pop John Paul 2 em long pis o gutpela sindaun na bel gut pasin i mas stap long wol. Na em bin askim Jisas i stap long Holi Yukaris long kamapim gutpela sindaun long olgeta hap bilong we blut i wok long kapsait na planti man i dai, ol naturel disasta o hevi i bagarapim gutpela sindaun, ol kain hevi na pait long ol samting bilong dispela graun.

Bikos Papa Santu i no inap long toktok long wanem opere-sen long ples bilong toktok we em bin gat long Febuari 24 i mekim hat long em i toktok, Seketeri bilong Vatikan Kadinel Angelo Sodano i bin ritim Ista mesej o toktok bilong Pop.


Em i pre long pis o gutpela sindaun long wol we planti dai, long Midel Is na Afrika we blut i kapsait yet bikos long pait i go het yet na pis long olgeta man-

meri na pikinini we ol kain woa i kamapim hevi long ol.

Bikpela hap tok em bin mekim em long askim Jisas husat i karim pen na kirap long Ista Sande long givim strong long soim pasin bilong helpim ol narapela husat i bungim hevi na dai bikos ol i sot long samting, ol i hangere, ol bikpela sik na ol netserel disasta o hevi olsem sunami, guria, bikpela wara i tait na moa i bagarapim na kilim dai ol.

Ista toktok bilong em i bin tok long noken larim ol samting bilong graun i pulumapim tingting na laip na pasim ol samting bilong spiritual sait.

Pop i no bin go pas long Ista na Holliwik lotu tasol long Gut Fraide em bin kamap long televisen. Long Ista Sande, em bin traim long toktok na i no bin inap. Namba mak i winim 10,000 pipel i bin bung long Sen



• Pop John Paul 2.

Peter's Basilika o haus lotu long stap long Ista lotu wantaim Pop. Ol bin sori tru na sampela i krai taim ol i lukim Pop i painim hat long traim toktok. Long 15 minit samting, em bin sanap long windua antap long Sen Peter's Basilika na givim blesing i go long ol pipel ausait.

- Zenit Nius

Singaut long gutpela sindaun

MOA long 15,000 pilgrim o ol lain i laik lukim ples Jisas i bin stap na dai long en long Holilen i bin raun i go long taim bilong Holliwik na Ista.

Long wankain taim tu, man ol i kolim Latin papa bilong Jerusalem Michael Sabbah i bin wokim strongpela toktok long pis o gutpela sindaun i mas kamap long rijon (Midel Is).

Dispela em long Ista Misa lotu we em bin go pas long em long Sios bilong Holi Sepulka. Haus lotu i sanap long ples we matmat bilong Jisas i stap long en.

Long Holliwok na long Rot bilong Kruse long Gut Fraide, we i bin kamap long Via Dolorosa, olpela siti i bin lukim planti turis na pilgrim i kam long lukim ples bilong Jisas we em bin karim pen, dai na kirap bek gen.

Skruiam amamas bilong Ista insait long laip

...Aiwara bilong Sir Paulias i pundaun

Veronica Hatutasi i raitim

OL PERISINA bilong Santu Peter Chanel Peris long Erima insait long Nesenel Kapitil Distrik (NCD) i bin kisim salens long skruim amamas na spirit bilong Ista i stap laip insait long laip bilong ol olgeta de.

Peris Pris Pater Paul Liwun svd i bin wokim dispela salens long Ista Sande lotu we Gavana Jenerel Sir Paulias Matane, meri bilong em Lady Kaludia na sampela woklain bilong em i bin stap long en.

Em bin tok ol namba wan Kristen i bin gat amamas, hop na viktori o pasin bilong win. Em bin tok tru i gat sori pasin long lukim Jisas i karim pen na i dai long Kalvari long Gut Fraide, tasol amamas i winim olgeta. samting moa bikos Jisas i kirap bek long indai.

Em bin tok as long yumi kam selebretim amamas bilong Ista insait long famili, komyuniti na kantri em long mekim dispela amamas i stap laip long laip bilong yumi olgeta de na i no long Ista taim tasol.

"Salens bilong olgeta em long mekim amamas bilong Ista i stap laip long dispela Kristen na paradais kantri. I mas noken gat pasin bilong kilim dai narapela man, nogat holap, nogat bikhet na kriminel pasin insait long dispela paradais.

"Tasol mi bilip olsem yumi stap long spirit bilong Gut Fraide taim yumi stap



• Sir Paulias (lephan) i bungim ol Sande skul pikinini bilong sen Peter Sanel Peris, Erima. Foto: OPIS BILONG GAVANA JENEREL

wantaim pret. Tasol mipela i gat sans long stap insait long amamas bilong Ista," Pater Paul i bin tok.

Em bin tok pasin bilong pogivim tasol i no lusim tingting i stap strong insait long yumi na dispela em i samting yumi ol manmeri bilong ples daun i mas bungim yet. Tasol yumi mas traim hat na pogivim na lusim tingting na spirit o amamas bilong Ista i ken stap long yumi.

Long wankain taim tu, Gavana Jenerel

i bin amamas long gutpela welkam ol perisina na Sande skul pikinini bilong Erima Peris i bin givim na aiwara i bin pondaun long em. Ol pikinini i bin wokim welkam toktok na singsing long em long pinis bilong lotu.

Bihain long lotu, Sir Paulias, Lady Kaludia na lain bilong ol i bin go insait long Peris Hal na serim belo kaikai wantaim Pater Paul, ol Peris Kaunsel memba, ol liteji grup lida na ol arapela perisina.

Bisop Kigasung amamas long wok bilong Mama Sila

James Kila i raitim

WANPELA liklik Luteran gest haus na konfrens senta insait long Goroka taun long Isten Hailens provins i bin kisim gutpela luksave i kam long Het Bisop bilong Evanjelikel Luteran Sios (ELC-PNG), Dokta Wesley Kigasung long tupela wik i go pinis.

Dispela luksave i kamap taim ol seket presiden bilong ELC-PNG long Hailens rijon i bin bung long Luteran konferens long Not-Goroka long holim bikpela woksop bilong ol inap long wanpela wik olgeta.

Dispela bikpela bung em nambawan kain bung olsem ol i holim long dispela gest haus bilong Sios long Goroka.

Wanpela hatwok mama husat i go pas long dispela konfrens senta em mama Sila Esori. Dispela meri em planti long Goroka na ol fain wokman bilong ELC-PNG i save kolim em "Mama Sila" tasol em wanpela naispela mama tru long toktok na tu gutpela kristen pasin bilong em long lukautim ol ges na visita long

eria bilong em i gutpela tru. Mama Sila i amamas na mekim bikpela tok tenkyu na amamas i go long Bisop Kigasung na tu kodineta bilong dispela woksop long las wik Pasto Kinim Siloi long luksave long Luteran konferens senta long Goroka long holim dispela bung bilong ol long hap.

Nius Bilong HIV AIDS

Tok Lukaut



wantaim David Ephraim

LONG Tok Lukaut mi laik toktok long sampela rot we yumi ken bihainim long abrusim ol birua olsem binatang HIV na sik AIDS, pasin raskol na pasin bilong salim bodi long kisim mani.

Long tude i gat planti ol yangpela husat i no inap pinisim skul bilong wanem edukesen sistem i rausim ol. Sampela nogat mani long baim skul fi. Na i gat kain kain ol samting we i wokim planti yangpela stap nating long strit na i wok long kamapim kain kain ol birua pasin.

Long helpim ol dispela kain lain, gavman, ol NGO, Sios na yumi olgeta pipel mas kamap wantaim ol rot bilong kamapim ol samting we i ken helpim ol long wok wantaim ol save na skil bilong ol. Taim gavman, ol NGO, sios na yumi ol pipel i no luksave long dispela samting bai yumi kisim bikpela hevi bihain. Nau yet i gat sampela nait klab insait long Mosbi i wok long wokim strip so (danis as nating).

Askim i go long gavman na pipel bilong PNG. Moabeta yupela mas traim long kamapim rot bilong helpim ol yangpela ol meri husat i wok long wokim olsem we bai ol i luksave long gutpela rot bilong wokim mani.

Sapos yupela i no luksave, ating planti kain ples olsem kamap nau bai yupela bai luksave.

Sik AIDS i kamap na stap pinis, inap long pasim ia na tingting bilong yu.

PLANTI taim yumi save harim long sik AIDS. Na planti taim bai yumi ting wanem em HIV/AIDS? HIV em binatang we i save bagarapim strong bilong bodi na

AIDS em kain kain sik i save kamap taim bodi i nogat banis. Olsem na noken ting olsem HIV na AIDS em wankain.

Long tok piksa HIV em olsem birua soldia i kam pait wantaim ol soldia bilong yu o difens o banis bilong bodi bilong yu. Bikpela pait i bruk tasol HIV soldia i gat moa pawa na ol i kilim indai olgeta soldia bilong yu. Na yu nogat moa banis i stap.

HIV em dispela binatang na save wok long kilim i dai banis o immune sistem bilong bodi.

Taim yu gat HIV em i no min olsem bai yu dai, nogat. Yu ken stap longpela taim tasol sapos yu no lukautim gut bodi bilong yu orait long dispela rot ol kainkain sik bai kamap insait long bodi bikos bodi bilong yu nogat moa banis na strong long pait wantaim ol dispela ol sik. Em nau yu gat AIDS nau.

AIDS em ol kainkain sik wokbung wantaim bikos strong bilong bodi i no moa gat strong long pait.

Olsem na tingim HIV em binatang husat i save kilim indai ol strong bilong bodi na AIDS em ol kain kain sik.

Taim manmeri i gat HIV i dai em i min olsem binatang HIV i daunim difens o strong bilong bodi long pait wantaim ol kainkain sik na long dispela rot ol manmeri i save indai long ol dispela sik na i no HIV.

HIV i save daunim strong bilong bodi na ol sik i save kilim manmeri i dai.

Long bungim ol dispela sik wantaim ol save man bilong helt i save kolim AIDS.

Long narapela taim bihain bai mi toktok long rot we manmeri i ken kisim dispela binatang HIV.

Motlok Praimeri Skul sot long tisa

Aloysius Laukai i raitim

WANPELA bikpela singaut i go long Divisen bilong Edukesen long Bogenvil long salim tripela moa tisa i go long Motlok Praimeri skul bikos ol i sot long tisa.

Hetmasta bilong skul Len Sewaka i tok skul i gat gret 3,4,5,7 na 8 klas long dispela yia na 5-pela tisa i mas stap skulim ol sumatin long dispela skul i stap longwe long biksolwara bilong Bogenvil.

Hetmasta Sewaka tasol i wok long skulim 65 sumatin i stap long 5-pela gret tasol long dispela mun tasol, wanpela moa tisa i bin go.

Mista Sewaka i tok long las yia, skul i bin gat tupela tisa tasol long skulim ol pikinini long olgeta gret na em si wari tru

long dispela.


Em i tok Motlok Praimeri skul i save wokim gut tru long ol tes long provins tasol bikos ol i sot long ol tisa, ol i wok long go daun.

Olsem na em i singaut long Provinsel Edukesen Opis long Buka long salim moa tisa i go long skul.

Mista Sewaka i laikim bai ol tisa we ol i makim ol long wok long Motlok Praimeri skul long hariap na go stat wok long ailan.

Em i askim ol tisa bilong bikples Bogenvil long traim go wok long Motlok Ailan bikos planti tisa i kam long Motlok Ailan i save mekim wok tisa long bikples.

Mista Sewaka i tok i no gutpela as long ol tisa long bikples long tok laip long ailan i narakain na ol i no save gut long em.



• Mista Sewaka. Foto: ALOYSIUS LAUKAI

Komyuniti mas wok strong long daunim TB

Veronica Hatutasi i raitim

SINGAUT i go aut long ol atoriti na pablik long kantri long givim wankain strongpela sapot long wok bilong daunim sik TB.

Long wankain taim tu, komyuniti i mas go insait olsem ol patna long daunim dispela sik na tu, helpim painim na lukautim ol dispela pipel long ol komyuniti i gat sik TB.

Dokta Andre Reiffer husat i Program Menesa wantaim Wol Helt Ogenaisesen (WHO) long PNG i bin wokim dispela tok tok long makim Wol TB De las wik Fonde, Mas 24.

Dipatmen bilong Helt i bin gat program long Tabari Ples long Boroko long Mosbi we ol grup i stap insait long daunim sik TB olsem Dipatmen bilong Helt, ol klinik insait long Nesenel Kapitel Distrik (NCD), ol tieta grup i mekim ol pilai long givim skul long sik TB na rot bilong daunim, sampela skul sumatin, ol bikman bilong Helt olsem Seketeri Dokta Nicholas Mann, bipo Seketeri bilong Helt na nau Minista bilong Lens na Fisikel Plening Dokta Puka Temu na man i makim WHO long PNG i bin stap long dispela program long moning i go inap belo.

Dokta Reiffer i tok TB em i wanpela nogut sik bilong bipo taim yet na em i save kilim dai 5,000 pipel long wol insait long wanpela de.

Long PNG, TB em i namba foa sik we planti man i save dai long en bihain long numonia, malaria na dai bilong ol mama na ol bebi (pre-natal).

Dokta Reiffer i tok i gat marasin na pro-



• Dokta Reiffer (lephan), Dokta Mann (namel) na Dokta Temu (rait) long amamasim bilong Wol TB De.

gram ol i kolim DOTS (Dairek Obseva Tritmen Sotkos) long oraitim ol pipel i kisim sik TB na insait long 9-pela yia i go pinis, 17 millien pipel long wol i orait taim ol i kisim marasin aninit long dispela program.

Em i tok long PNG, dispela program i stap tasol em i no wok gut na planti pipel i wok long dai bikos planti sik TB lain i no bihainim program long kisim marasin. Na em i tok dispela i no inap kamap sapos ol

lain i bihainim gut DOTS program na kisim marasin. Em i tok program i wok gut long 200 kantri long wol na 85 pesen long ol sik TB lain i kamap orait.


Dokta Reiffer i tok PNG i gat bikpela hevi long AIDS na TB na i wok long bagarapim sait bilong ikonmik na sosel sindaun bilong pipel long PNG, olsem tasol i kamap long ol kantri long Afrika.

"Olsem na i mas gat wankain sapot long program bilong AIDS na TB. Mi askim strong long yupela olgeta i givim wankain sapot long pait agensim dispela tupela sik," Dokta Reiffer i tok.

Taim em i tok tenkyu tu long ol lain long helt na ol komyuniti voluntia husat i mekim gutpela wok long traim daunim dispela sik, em bin tok bikpela samting nau em long komyuniti i go insait long wok olsem ol patna, wankain tasol olsem long sik AIDS.

Wanpela long ol samting we komyuniti i ken mekim em long helpim painim ol nupela siklain na lukautim ol long sait bilong ol long kisim marasin aninit long DOTS program.

"I gat askim long ol lain long komyuniti husat i ken givim helpim long kisim marasin. Ol dispela lain bai i no ol helt woklain na nes tasol ol komyuniti lida, ol lain i bin gat TB pastaim na i orait, ol meri grup, NGO na Feit Beis grup. Long dispela rot, bai PNG i ken karimaut gutpela DOTS program. Dispela rot long kisim komyuniti i kam insait long pait agensim TB bai i gat inap strong long daunim sik TB.



• Ol pikinini na lain long Gerehu Klinik i sapotim DOTS program. Ol Foto: VERONICA HATUTASI

Bel kros long ol polis i kukim haus

Maisan Pahun i raitim

SAMPELA polis man i bin kukim wanpela haus long Talai setelmen long Badili long Mosbi long wik i go pinis bihain long ol ronim wanpela stilman.

Ripot i kam long Wantok Niuspepa olsem sampela polisman i bin painim wanpela stilman husat i bin stilim wanpela ka bilong Dipatmen bilong Fainens.

Dispela stilman i gat ol wantok i stap long Talai setelmen, olsem na ol dispela polis i bin go na kukim dispela haus bikos ol i bilip dispela stilman i save stap long hap.

Ol lain husat i save stap long

dispela setelmen i tok ol polisman i bin spak taim ol i go kukim dispela haus. Wanpela man Lufa husat i save stap long dispela hap i tok ol polis i pretim ol manmeri long hap wantaim gan na tokim ol long noken lukim pes bilong ol taim ol i kukim dispela haus.

"Mipela i no wokim wanpela rong samting tasol ol dispela lain polis i kukim haus nating tru na sore long ol lain i save stap long em. Mipela tu i no lukim ol i kam wantaim wanpela kot pepa long sekim haus," Albert Hailode i tok.

Bihain long dispela hevi i pinis, ol polis bilong Australia i kam long dispela eria na i no wokim

wanpela samting bikos haus i paia go daun pinis. Nogat wanpela samting i stap bihain long paia i kukim olgeta samting, Mista Hailode i tok.

Polis long Badili Polis Stesen i tok ol i no klia long husat stret i bin kamapim dispela hevi na tu ol i no kisim wanpela ripot long dispela kain samting i bin kamap bihain long sampela dei i go pinis.

Ol lain husat polis i bin kukim haus bilong ol i putim dispela hevi long han bilong pablik komplein opis na ol ditektiv polis bilong Boroko Polis Stesen i wok long mekim wok painimaut i go insait long dispela hevi.

Australia strongim PNGDF



• Ol PNGDF enjinia i redim floa bilong wanpela GRD klasrum aninit long lukaut bilong Australia Difens Warent Opisa Klas 2 Joseph Filippi (rait).

DIFENS Koporesen Program bilong Australia i wok long go pas long helpim long strongim Papua Niugini Difens Fos (PNGDF) bai em i ken luksave long driman bilong en long kamap wanpela strongpela difens fos.

30 soldia bilong PNGDF i wok long sindaun long Enjinia Gret 1 kos long Goldie Riva Trening Depot (GRD) na ol i wok long yusim skul ol i kisim long mekim wok stretim long depot eria bilong ol.

Dispela tri-mun kos i bin stat long mun Febuari long dispela yia na em i kisim helpim mani i kam long Australia Difens Koporesen Program. Long pinis bilong dispela kos, PNGDF bai i gat 30 saveman i klia long enjiniaing.

Ol wok ol dispela soldia i karimaut

long dispela kos em ol sanapim bilong ol bris, wok mentenens long ol baret, na mekim simen na ol fom long wanpela skul klasrum long banisim ol sumatin long tait wara long taim bilong bikpela ren.

Colonel Dougall McMillan, CSC, Het bilong ol Australia Difens wokmanmeri long PNG i tok, "Ol 30 soldia i mekim trening long dispela kos i mekim bilong hap skul long fil enjiniaing na konstraksen na nau ol i ken helpim long strongim driman bilong Komanda bilong PNGDF, Komodo Peter Ilau, long i gat difens fos i gat save.

Difens Koporesen Program bilong Australia i amamas long go het long sapotim ol driman bilong Komanda aninit long sapot mipela i givim long PNGDF."

Luteran yut amamas long Ista Kem

MOA long 100 yut i bin kamap long ELC/PNG Papua Distrik yut Ista Kem long 17 Mail long Sogeri ausait long Mosbi las wik.

Ol bikpela tok olsem marimari, bilip, baibel na gutnius tasol em ol yangpela i kisim tok long ol olsem wantaim kain pasin na ol samting ol i ken strongim bilip bilong ol long God Papa.

Bipo Papua distrik presiden na nau ritaia Bisop Anonga Piniga i go pas long ol toktok.

Long ol toktok bilong en em i tok nau em i taim bilong traim bilip. Bai i gat kain kain traim i kamap na kisim ol tasol sapos ol i putim olgeta bilip bilong

ol long Papa God ol bai i no inap pundaun. Moa yet kain kain ol tok na lotu tu bai kamap tasol dispela i no ken mekim ol i lus.

Long wok marimari na sakrifais ol i ken sanap strong long hevi bilong bodi na long ritim Baibel na prea dispela bai strongim ol long sanap strong long spirit. Long bilip God bai kisim bek ol.

Long dispela kem ol yangpela i bin lainim na serim ol singsing, bilip na tokaut long testimoni bilong ol. Dispela i mekim olgeta i bikpela amamas long kamap long Kem.

- Paulus Tali

Lotto Limited i amamas long kamapim

4 moa isi wei long winim dispela jackpot we i go ova pinis long K170, 000.



Sapos i nogat Lotto Terminal insait long eria bilong yu...

Noken wari. Nau wantaim Dispela isi Lotto long kisim, yu ken gat sans long winim dispela Jackpot!

1. Sekim na makim namba long wanwan gem yu laik pilai na pulapim dispela gem kad. Bihain tikim wanpela bilong ol boks long ol wanem kain gem yu laik pilai.
2. Filim apim gem kad na salim stret hamas mani orda yu peim i kam long Lotto LTD o putim long BSP Akaut # 1000585894
3. Taim ol Lotto LTD i kisim namba bilong yu bai ol i putim i go long dro. Bai ol i salim bet risit bilong yu i kam bek long fax, leta boks o wanem kain wei yu laikim. Bai Lotto i no

inap kisim potokopi ansa.

"KWIK POT"

- Larim kompiuta makim namba bilong yu

"SYSTEMS"

- Makim moa namba long gat planti moa sans long win!
- Long sistem 5, ol i makim pinis wanpela bilong ol droa namba bilong yu

"EDVENS DROA"

- Makim sem namba long 2, 5, 10 o 20 konseketiuv droa. Kos bilong em bai i kamap long hamas pei bilong single droa yu peim taim dispela namba bilong konseketiuv droa long wanem gem kad yu makim.

GAME 1	GAME 2	GAME 3	GAME 4	GAME 5	GAME 6	GAME 7	GAME 8
1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45	1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45	1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45	1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45	1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45	1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45	1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45	1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45

TYPE OF GAME YOU WISH TO PLAY	STANDARD GAME (MARK 6 NUMBERS)	SYSTEM FIVE (MARK 5 NUMBERS)	SYSTEM SEVEN (MARK 7 NUMBERS)	SYSTEM EIGHT (MARK 8 NUMBERS)	SYSTEM NINE (MARK 9 NUMBERS)	SYSTEM TEN (MARK 10 NUMBERS)	SYSTEM ELEVEN (MARK 11 NUMBERS)	SYSTEM TWELVE (MARK 12 NUMBERS)
ONE GAME	<input type="checkbox"/> K20.00	<input type="checkbox"/> K3.50	<input type="checkbox"/> K14.00	<input type="checkbox"/> K42.00	<input type="checkbox"/> K105.00	<input type="checkbox"/> K231.00	<input type="checkbox"/> K442.00	<input type="checkbox"/> K924.00
TWO GAMES	<input type="checkbox"/> K40.00	<input type="checkbox"/> K7.00	<input type="checkbox"/> K28.00	<input type="checkbox"/> K84.00	<input type="checkbox"/> K210.00	<input type="checkbox"/> K462.00	<input type="checkbox"/> K894.00	<input type="checkbox"/> K1848.00
THREE GAMES	<input type="checkbox"/> K60.00	<input type="checkbox"/> K10.50	<input type="checkbox"/> K42.00	<input type="checkbox"/> K126.00	<input type="checkbox"/> K315.00	<input type="checkbox"/> K693.00	<input type="checkbox"/> K1386.00	<input type="checkbox"/> K2832.00
FOUR GAMES	<input type="checkbox"/> K80.00	<input type="checkbox"/> K14.00	<input type="checkbox"/> K56.00	<input type="checkbox"/> K168.00	<input type="checkbox"/> K420.00	<input type="checkbox"/> K894.00	<input type="checkbox"/> K1848.00	<input type="checkbox"/> K3888.00
FIVE GAMES	<input type="checkbox"/> K100.00	<input type="checkbox"/> K17.50	<input type="checkbox"/> K70.00	<input type="checkbox"/> K210.00	<input type="checkbox"/> K525.00	<input type="checkbox"/> K1155.00	<input type="checkbox"/> K2310.00	<input type="checkbox"/> K4752.00
SIX GAMES	<input type="checkbox"/> K120.00	<input type="checkbox"/> K21.00	<input type="checkbox"/> K84.00	<input type="checkbox"/> K252.00	<input type="checkbox"/> K630.00	<input type="checkbox"/> K1386.00	<input type="checkbox"/> K2832.00	<input type="checkbox"/> K5808.00
SEVEN GAMES	<input type="checkbox"/> K140.00	<input type="checkbox"/> K24.50	<input type="checkbox"/> K98.00	<input type="checkbox"/> K294.00	<input type="checkbox"/> K735.00	<input type="checkbox"/> K1617.00	<input type="checkbox"/> K3334.00	<input type="checkbox"/> K6854.00
EIGHT GAMES	<input type="checkbox"/> K160.00	<input type="checkbox"/> K28.00	<input type="checkbox"/> K112.00	<input type="checkbox"/> K336.00	<input type="checkbox"/> K840.00	<input type="checkbox"/> K1848.00	<input type="checkbox"/> K3888.00	<input type="checkbox"/> K8014.00

Mi depositim moni / Miputim moni oda K _____ BSP

Bank long _____ (deit) pei i go long The Lotto Limited


Nem: _____ Signitisa _____

Adress: _____ Dei: _____

Tel No.: _____

Fax No.: _____

Hotim dispela long bihain taim yu plai gen



Salim ol pas i kam long WANTOK NIUSPEPA: P.O. Box 1982, Boroko N.C.D 111
 Fax: 325 2579
 Email: word@global.net.pg

KVDC gol baiya giaman

Dia Edita,
 Mi rait na sapotim pas bilong narapela brata long de 24 Feb 2005 long het tok "Wetim sea long KVDC gol kampani".
 Yes brata, tok bilong yu em i stret na tru. Polisi bilong ol long peim sea bihain long olgeta mun em nogat nau.
 100% sea dividen long wanwan mun na planti arapela samting i stap long polisi. Sea setifiket em K500 long wanwan sea.
 Olgeta toktok bilong

benk samting ol i bin kisim pinis na bihain long wanpela mun, i nogat 100% sea i bin kam insait inap nau.
 Olsem na media grup o husat interes man plis, inap sampela rot kamap na yumi mekim wanem nau long dispela?
 Mi laik save moa long dispela hevi KVDC i givim. Tenk yu.
PROF EDDIE MURPHY BULOLO MOROBE PROVINS

Bilip nogat wok em samting nating

Dia Edita,
 Mi laik bekim pas bilong Peter Kelo long Kainantu, EHP long Wantok Niuspepa 27 Feb 2005 i agensim pas bilong mi yet Kulina Nane.
 Nem bilong mi tru em Peter Tilini tasol dispela Kulina Nane em i olsem wel karuka boi.
 Brata Peter Kelo, olgeta Baibel teks yu raitim ya ol trupela tok bilong God bilong yumi.
 Mi man bilong ritim Baibel na save long as tru bilong tok tasol yu man bilong tanim kain kain tok bilong Baibel ya.
 Yu toktok long bilip ya em samting nating, em i wankain olsem satan tu bilip long God na sin man tu bilip long God olsem God em i bikpela na stap oltaim.
 Brata mi laik tokim yu stret olsem yu aipas olgeta na i no inap tru long luksave long laik na save bilong God olsem na yu mas lusim dispela banis na kamaut na painim rot long kisim laip tru. Brata mi les long west-

im taim long rait planti long bekim pas bilong yu tasol mi rait liklik tasol bai yu yet lukim na bihainim Baibel bilong yu.
 Brata yu i noken rausim han mak bilong God, dispela Tenpela Lo em Han Mak bilong God yet olsem na noken paulim han mak bilong God i stap gut oltaim.
 Jisas Krai i no man bilong abrusim Tenpela Lo bilong God, em man bilong bihainim Tenpela pinga bilong Papa bilong em yet.
 Sapos yu bilip long Jisas Krai yu mas soim biksa bilong bilip bilong yu, sapos yu tok-tok tasol long bilip em i no stret.
 Mi laik askim yu Peter Kelo olsem, wanem Baibel ves na husat man tru rausim Tenpela Lo God yet yusim pawa, stail na han bilong em i rait long Maunten Sinai na givim long Moses?
PETER TILINI LAE MOROBE PROVINS

Natnat i save givim sik AIDS o nogat?

Dia Edita,
 Mi laik autim bel hevi bilong mi long Wantok Niuspepa na pablik i ken lukim. Belhevi bilong mi olsem, nau long ples Mare i gat planti na planti moskito o natnat i pulap tru long ples, gaden, wara, skul na planti hap moa. Olsem na mi laik askim sapos i gat wanpela man o meri i gat sik

AIDS na moskito i pulim blut bilong ol na bihain i kam pulim blut bilong mi, bai i olsem wanem? Bai mi sik o nogat? Tenk yu.
EFANG JONAH MARE VILES

Wantok i mas printim moa kanage na ol pas long tupela pes

Dia Edita,
 Mi bilong Westen Hailans provins long Not Waghi yet. Komplen o wari bilong i olsem, mi bai amamas o wanbel tru long lukim ol lain long Wantok Niuspepa i ken printim tupela pes bilong Kanage stori na narapela tupela pes bilong ol pas i go long edita.
 Mi yet save amamas tru long ritim na wankain taim rait i go long tupela seksen wantaim. Dispela em askim tasol long ol bos bilong Wantok Niuspepa long lukim.
 Na tu mi tingim sampela yia i go pinis na Wantok Niuspepa i bin save glasim na makim ol gutpela fani stori bilong Kanage na givim prais olsem K5 nambaut long ol raita.
 Dispela em wanpela gutpela wei bilong planti pipel i ken raitim Kanage stori bilong wan wan ples ol i gro ap na stap long en.
 Mi save amamas tru long Kanage stori tasol sampela taim tu ol raita i save raitim ol kainkain toktok i pulap long tok nogut.
 Em tasol askim bilong mi. Sapos ol i no wanbel em i orait tasol. Husat raita,

rita o pren bilong Wantok Niuspepa yu laik sapot o agensim em orait tasol. Yumi wanpela tim tasol. Lukim yupela!
MATT DEDEBOH HOLEYAH NOT WAGHI WESTEN HAILANS PROVINS

Bekim bilong Edita: Wantok Niuspepa i klia long laik bilong ol rita. Na i tru olsem dispela tupela pes em ol rita bilong mipela i save laikim tumas. Sapos i gat as long skruim namba bilong dispela tupela pes i go antap, bai Wantok Niuspepa i mekim. Dispela as em sapos i gat planti Kanage na pas i kam long ol rita, mipela bai putim tupela pes i go antap. Yupela husat i gat laik long dispela, rait i kam na toksave. Tingting bilong yu em i bikpela samting long mipela.

As bilong lotu long de Sande

Dia Edita,
 PLANTI lain manmeri long wol tude i gat bikpela paul tingting long lotu long Sande o Sarere (sabat) na planti tok pait i kamap long olgeta hap long graun tasol Baibel bai tokim yumi long wanem de bai yumi lotu.
 Bilong wanem na mipela i lotu long Sande? Ol Israel i stap kalabus long Ijip olsem 430 kismas na pilim bikpela pen olsem na God i tokim Moses long i go na rausim ol i kam aut fri. Taim ol i laik i kam aut God i tokim ol yupela i mas mekim pasova kaikai na dispela kaikai yupela i mas mekim long olgeta taim bihain na tok-save long ol pikinini olsem as bilong dispela kaikai olsem bilong tingim God i setim mipela fri na ol i mas mekim i go olsem.
 Taim ol i lusim Ijip em apinun taim san i go daun em long Sande long mun Nisan (em mun Mas i go, mun April) em namba wan mun bilong kalenda bilong ol Hibru. Dispela pasin bilong kisim pasova kaikai em stat long Ijip na olgeta yia ol i save mekim long Sande i go Sande (7-pela de) taim bilong Moses, Joshua, ol hetman, King Sol, Devit na Solomon i kam ol bruk i go tupela lain Israel na Juda 17-pela king bilong tupela sait na pait bilong olgeta dispela ol king i no save bihainim dispela pasin (Kisim Bek 12:11, Lo 23:5, Namba 9:2, Josua 5: 10, 2 Koronikol 30:1, Esta 6:19).

Pasova kaikai em kisim 1500 yia i kam inap Jisas i kisim dispela pasova kaikai long (Matyu 26:17-26, Luk 22:7-13, Mak 14:12-21 na John 13:21-30).
 Yu skelim long (Matyu 26:17-26) i kam daun ol i mekim dispela pasova kaikai em i gat senis, Jisas i tok nau mi mekim nupela kontrak gen long bodi na long blut bilong mi olsem Jeremaia i bin tok pinis na 700 yia i go pinis olsem ol Israel i no bihainim lo God i givim long Moses olsem em bai wokim nupela kontrak gen (Jeremaia 31:31-34) na dispela kontrak Jisas i wokim long bodi na blut bilong em (Matyu 26:26).
 Las pasova kaikai Jisas i kisim wantaim ol disaipel em long Sande na long Fraide ol i kilim Jisas i dai na long Sande Jisas kirap bek (Matyu 28:1).
 Jisas i kisim 12-pela disaipel (Matyu 10:1-4) na lainim ol pinis long wanem wok ol bai mekim olsem yu lukim taim Jisas i stap yet wantaim ol.

Yu skelim long dispela 4-pela buk bilong Gutnius (Matyu, Mak, Luk na Jon) yu i no inap lusim kisim bek bilong God, bai yu lukim tok bilong kisim bek bilong God i stap long dispela 4-pela buk.
 Em i minim long tok inglis ol kolim (The book of transitional) Jisas i kisim nupela lo na wokabout aninit long olpela lo bilong ol Jew bilong senisim olpela i go nupela olsem bai yu lukim kisim bek bilong God em stat long Buk Aposel i go long Revelesen (23-pela buk).

Poin em olsem ol Israel i save mekim pasova long Sande i go long Sande long tingting i go bek long tingim God i larim ol Israel i stap gut long hevi bilong bodi long kalabus long Ijip olsem tasol Jisas i mekim dispela nupela kontrak God i mekim em Jisas i dai long helpim yumi long kalabus long sin olsem ol Israel God i rausim ol long kalabus long Ijip long Sande na ol i save mekim dispela kaikai bilong tingting bek long Ijip wankain ol kristen (harim tok, bilipim, tanim bel, autim bilip na kisim baptais na i go insait long sios bilong Kraist).
 Ol dispela kristen i save mekim dispela nupela kaikai Jisas yet i givim long Matyu 26:26 long olgeta Sande na Baibel i gat rekot long Sande bikos Jisas kirap bek long Sande (Matyu 28:1) na ol bung long Sande (Apostel 20:7, 1 Korin 16:2). Ol pas kristen i mekim (Aposel 2:47) long tingting long dai bilong Jisas (1 Korin 11:23-26) man i no kisim dispela kaikai i nogat laip (Jon 6:53-60).

MARK DUA CHURCHES OF CHRIST POT MOSBI, NCD



Toksave: Sampela ol pas mipela i kisim i longpela tumas na i no givim spes long ol arapela pas, plis raitim pas liklik. Na tu putim nem na edres bilong yu long olgeta pas yu salim i kam, tenkyu.

Mi amamas long Australia Polis wok wantaim yumi

Dia Edita,
 Mi wanpela manki Wabag na mi laik autim liklik wari bilong mi i go olsem. Wok bilong PNG polis i no gutpela tumas long ai bilong mipela ol PNG manmeri na mi amamas tru long Somare

Gavaman i salim Australian Polis kam long PNG na yumi wok wantaim long komyuniti.
 Em i gut tru long ai bilong PNG manmeri na mi mas luksave olsem em tru tru polis wok.
 Mi tok bikpela tenkyu i

go long Somare Gavaman na Polis dipatmen.
JACOB TIPINGI POT MOSBI, NCD

Stadi gut long Baibel na save

Dia Edita,
 Mi laik tokim Cois Kaupa long yu bin tok long Wantok Niuspepa olsem yupela Seven De paolim Baibel yu tok olsem. Mi laik tokim yu Jisas i no brukim sabat nogat ol disaipel brukim sabat.
 Na tu ol lain long wok tasol na ol i no redim sabat kaikai. Olsem na ol i kisim wit na kaikai.
 Planti olsem yu na ol arapela man olsem yu yupela wok long paolim Baibel. Yu save olsem Jisas bai kam na paitim han na kirapim lotu tru. Em Jisas bos

bilong sabat bai kam i no bos bilong Sande (Matyu 12:8), (Jon 8:44).
 Satan em man bilong giaman. Yu husat yusim giaman bilong devel em pikinini bilong devel.
 Sande em ol man bin kamapim. Brata Cois Kaupa yu go bek na stadi gen long Baibel. Stadi gut na bai yu save..
JAMES MAKWA MT HAGEN WESTEN HAILANS PROVINS



Bai yumi kisim wanem kain gutbai long Momis?

DISPELA wik yumi kisim nius olsem Gavana bilong Bogenvil, John Momis i lusim wok olsem nesenele memba. Dispela i min olsem em i no moa Gavana bilong Bogenvil.

Ripot tu i tok olsem em i laik tok gutbai long Nesenele Palamen.

Mista Momis i stap 33 yia long Nesenele Palamen. Sapos dispela toktok bilong em long tok gutbai long Nesenele Palamen i tru, dispela i soim olsem em tu i mas laik risain olsem memba bilong Nesenele Palamen.

Sapos ol dispela ol samting tru i kamap, em i wanpela hatpela disisen Mista Momis bai mekim. Mista Momis i gat longpela histori bilong PNG politiks. Em i wanpela man husat i go pas long raitim mama lo bilong PNG. Tu em i gat longpela histori bilong Bogenvil politiks. Olgeta bus na wara long Bogenvil i save long Mista Momis.

Mista Momis em wanpela lida husat i save bilip long pawa bilong ol pipel. Em i save bilip long ol pipel i mas stap long lukaut bilong disisen bilong ol yet.

Taim PNG i yangpela yet bihain long indipendens, em i pait hat long Nesenele



TOK PISIN
wantaim
PETER MAIME

Gavman i mas serim pawa wantaim ol provins. Long dispela as na ol provinsef gavman i bin kirap long wan wan ol provins. Bogenvil i bin go pas long kisim provinsef gavman bilong em.

Bihain, klostu long 10-pela yia, Bogenvil i bungim bikpela hevi taim ol i pait wantaim Bogenvil Kopa Main. Dispela hevi i kisim planti laip.

Taim Bogenvil i stap long dispela hevi, Mista Momis i no rowe i go long Australia o Amerika. Em i stap wantaim ol pipel bilong em na painim rot long stretim dispela hevi. Wanpela taim Bogenvil Revoluseneri Ami (BRA) i holim pasim em long bik bus. Tasol BRA i no bagarapim em.

Taim hevi i go daun liklik, Mista Momis i bin go pas long painim wanpela kibung bilong ol pipel, we ol ken kism tingting na laik bilong ol long kirapim bek Bogenvil.

Nesenele Gavman i orait long Bogenvil i kisim Interim Gavman. Taim Bogenvil Interim Gavman i kamap, Mista Momis olsem Rijonel Memba bilong Bogenvil i kamap gavana.

Aninit long lidasip bilong Mista Momis wantaim Bogenvil Pipels Kongres lida, Joseph Kabui na ol arapela memba bilong Bogenvil Interim Asembli, ol i bungim ol Bogenvil pipel long ailan yet na ol arapela senta long kantri long kisim tingting long kirapim bek Bogenvil.

Bihain long Bogenvil Konstitusenele Komiti i raun na kisim tingting, ol i kamapim Bogenvil Mama Lo. Long dispela Mama Lo, Bogenvil i toktok long we em i laik lukautim em yet aninit long bikpela mama lo bilong PNG.

Mista Momis i risain na em i laik resis long ileksen long kamap Presiden bilong Bogenvil aninit long dispela nupela konstitusen.

Ileksen bai kamap long Jun. Tasol pasin bilong Mista Momis, em i no laik hariapim ol pipel long mekim disisen. Em i laik givim taim long ol long kirapim tingting, skelim gut na mekim disisen bilong ol.

Wanem kain gutbai Mista Momis i mekim long Nesenele Palamen bai yumi save bihain long taim bilong em i kamap.

Hevi i save kamap long Lida

"LIDA i mas karim ol hevi na pen. Lida mas mekim wok bilong God long autim gutnius long

ol manmeri. Lida gat wok bilong helpim ol manmeri na Lida mas



Ol prinsipol bilong gutpela lida
wantaim
Pastor na Evangelist
OHARE JABERE

mekim tru dispela wok". (2 Timoti 4:5)

Ol kristen Lida i no ken ting ol inap long amamas oltaim long wok bilong ol. Nogat. Sampela taim ol bai karim hevi. Bikpela Jisas em i nambawan Lida tru bilong yumi manmeri na God i bin larim em i karim bikpela hevi na dai long diwai kros bilong kamap dispela kain Lida. Olsem na sampela taim ol kristen wantaim ol lida bilong sios na kantri i mas karim hevi bilong manmeri bilong ol.

Lida i mas redi long lusim ol samting bilong em bilong mekim wok bilong God. Long 1 Korin Sapta 9, Poi i tok ol kristen lida inap kisim olgeta gutpela samting ol arapela kristen i save kisim, olsem kaikai (ves

4), na marit (ves 5) na pe bilong wok (ves 6-7). Tasol Poi i ting long wok bilong God tasol, na em i no bin kisim ol dispela samting. Orait na ol kristen lida bilong ol sios na kantri bilong yumi i mas tingting long wok bilong God na putim dispela wok olsem nambawan samting bilong ol. Ol i mas putim ol arapela samting namba tu tasol. Na sapos ol i kisim bagarap na dai long dispela wok, orait ol inap long dispela tu (Jon 12:24-26).

Dispela tok em i tru olgeta: Sapos man i laik i stap Lida bilong sios na kantri, em i mas mekim gutpela wok - (1 Timoti 3:1).

Dispela tok 'Lida' na 'pasin bilong lida' i gat bikpela mining long

tude. Kantri bilong yumi i kisim pinis indipendens na wok bilong ol lida i bikpela samting tru. Sapos yumi kisim ol gutpela lida, orait bai ol inap long stiam kantri bilong yumi i go het gut. Tasol ol lida i no gutpela, ol bai inap bagarapim kantri bilong yumi.

Tasol sampela lida long kantri na long ol sios bilong yumi i save bihainim gut wok bilong ol Lida. Ol i laik bai sampela saveman i helpim ol long mekim wok bilong ol i kamap gutpela tru. Tasol nau ol dispela gutpela lida i gat kain kain hevi na wari long wok bilong ol na ol i pilim nogut long dispela samting.

Sapos yu husat i laik save moa long pasin na wok bilong Lida o gutpela lidasip, ringim Pasto Ohare Jabere long Mobail namba 684 0503 o rait long Mt Zion, PO Box 3512, Boroko, NCD.

WANTOK KOMENTRI

Yu daunim Chief, yu daunim PNG

BIKPELA bel kros i wok long kamap nau namel long ol manmeri insait long kantri long pasin ol sekyuriti man bilong Brisbane Intanesenele ples balus long Australia i mekim long Praim Minista Sir Michael Somare.

Dispela bel kros i wok long go moa yet bihain long bekim bilong foren afes minista bilong Australia, Alexander Downer, husat i tok olsem dispela wok sekyuriti i save kamap long olgeta manmeri husat i go long ples bilong ol.

Bikpela askim nau ol pipel i laikim bekim long em em bilong wanem na ol i no luksave long Sir Michael olsem Praim Minista bilong Papua Niugini? Mipela hia long PNG i no save mekim dispela kain pasin long praim minista bilong Australia o ol arapela bikman long hap taim ol i kam raun long ples balus bilong mipela.

"Em i no nupela man long ol".

Pasin bilong mipela hia insait long Pasifik na long Melanesia em bilong onaim ol bikman na ol lida. Mipela i save givim luksave long ol bikman na onaim ol taim ol i kam long ai bilong mipela.

Watpo na ol Australia i no inap mekim wankain. Mipela i save onaim ol lida bilong ol wankain olsem mipela i save luksave long ol lida bilong mipela?

Sir Michael i bin namba wan praim minista bilong kantri bihain long Australia i bin givim mipela indipendens.

Em i no nupela man long ol. Papua Niugini em i namba wan bikpela kantri long Saut Pasifik, na hap solwara tasol i brukim tupela kantri.

Dispela liklik samting nau em i wanpela moa samting we Australia i mekim we i wok long sutim stret bel bilong ol manmeri bilong PNG.

Bilong wanem na mipela bai sindaun isi tasol na kisim toktok bilong wanpela arapela minista nating olsem foren minista bilong ol.

Ol i ken bihainim rot bilong ol long stretim dispela kain hevi namel long lida bilong tupela kantri, tasol ol i mas tingim tu olsem taim ol i mekim dispela kain pasin long papa bilong Papua Niugini, em olsem ot i mekim long mipela wanwan manmeri bilong dispela kantri.

Sapos ol i no kisim dispela kain tingting, dispela samting i ken kamap olsem wanpela bikpela birua tru namel long tupela kantri.

Ol ausait manmeri i ken lukim na tok em i samting nating. Tasol long mipela yet bilong PNG, dispela em i bikpela samting tumas. Nau yet mipela i wet na lukiuk.

Bikman bilong ol, John Howard bai kisim gutpela tingting na salim wanpela bikpela tok sori i kam long Chief o nogat?

WANTOK

Published Weekly, Wednesday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: 325 2500
Fax: 325 2579
Email: word@global.net.pg
Pe bilong wanpela yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Neville Choi

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea: Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



PASIFIK NIUS

Vanuatu: Stet Opis bilong Vanuatu i tok olsem Het bilong Stet, Kalkot Mataskelekele bai makim nupela Ombudsmen long dispela wik.

Presiden i kisim pinis nem bilong 12-pela manmeri husat i putim nem long kisim dispela posisen.

10-pela man na tupela meri i putim nem long kisim dispela posisen.

Fiji: Fiji i no amamas wantaim wanpela kampani bilong Irak we i save painim na kisim ol wokmanmeri i go long hap long wok.

Minista bilong Leba bilong Fiji, Kenneth Zinck, i no bin amamas long wanem em i bin lukim taim em i bin kamap long Kuwait long wanpela raun.

Ol ripot i tok olsem Mista Zinck i bin lainim olsem planti ol sekyuriti gad we dispela kampani, Meridian Services Agency (Meridian Sevises Ejensi) i bin kisim i go long Kuwait, i nogat wok yet, tupela mun bihain long ol i bin kamap long dispela kantri we i gat planti wel stret na i stap klostu long Irak we woa i wok long kamap yet.

Long kisim mani na kaikai, planti bilong ol dispela gad i painim ol wok long ol fil, i no ol wok we ol i bin aplai o putim nem long mekim.

Tonga: Wanpela olupela minista bilong Kabinet bilong Tonga, Clive Edwards, i tok olsem disisen bilong Gavman bilong Tonga long makim tupela manmeri olsem ol mausman bilong ol manmeri long Kabinet i wanpela we long stopim ol manmeri long bagarapim gavman na i no long helpim long kamapim demokrasi.

Majuro: Balus kampani Oceania Air long Australia i tokaut pinis long ol pleni o tingting bilong en long kirapim wanpela sentral Pasifik sevis ol ripot i tok.

Dairekta bilong Oceania Air, Lloyd Atkins i tok olsem ol bai mekim.

Wanpela bilong ol rot Oceania Air bai kisim em resis wankain rot olsem Air Nauru i save kisim na i luk olsem tupela bai i resis long ol pasindia. Dispela rot em Kiribati i go long Marshall Ailans na Brisbane, Australia, we Air Nauru i bin kirapim long namel long yia 2004.

Oceania Air bai bihain wankain rot tasol i bai pinisim ron bilong en long Nadi, Fiji.

Long wanpela nupela ron, Oceania Air bai ron long Australia i go long ol Federated States bilong Micronesia. Dispela i namba wan taim gen dispela bai kamap bihain long Air Nauru i bin stopim ol ron bilong en i go long hap long 1990's.

Mista Atkins i tok olsem kampani i wok long lukluk tu long promotim ol medikel evekuesen o kisim ol manmeri taim ol i sik nogut tru o kisim bagarap na karim ol i go long Australia long kisim helpim.

Bikpela bisnisman bilong Majuro, Jerry Kramer, i tok em i amamas long lukim laikim bilong Oceania Air long kantri bilong ol na em i amamas tu long laikim bilong ol long helpim long ol medikel evekuesen bikos em i tok ol haus sik long Brisbane i namba wan tru na kos i daunbilo moa long dispela bilong Haiwaii we planti ol Marshall Ailan lain i save go taim ol sik.



WOL NIUS WOL NIUS WOL NIUS

Wanpela abus bilong solwara ol i save kolim 'harp seal' i sindaun antap long ais long Galp bilong Sen Lawrence long Prins Edward Ailan long Kanada, long Mas 28. Wanpela grup bilong ol manmeri husat i save painim ol dispela harp seal long kilim bilong kisim skin, tit o mit bilong ol, i sanap long baksait wantaim ol niuslain. Resis bilong painim na kilim ol harp seal i bin stat long Tunde. I gat taim long yia we lo i tok orait long dispela resis long kamap, sapos wanpela man i kilim wanpela harp seal long taim bipo o bihain long taim lo i makim long en, ol i brukim lo na ol i ken kisim mekimsave.

Poto: AP/JONATHAN HAYWARD

Taim I Sot



Sunami Gen?

Wanpela famili long Kolombo, Sri Lanka husat bin bungim birua bilong solwara o sunami long Disemba 26 las yia i harim ol toksave long redio bihain long gavman i bin givim wanpela tok lukaut long Tunde, Mas 29, olsem nogut wanpela moa sunami bai kamap bikos long wanpela bikpela guria i bin kamap long Indonesia. Sri Lanka i bin kisim bek dispela tok lukaut bilong en long Tunde yet, na i bin tok i no luk olsem sunami bai kirap long dispela guria. Poto: AP/ERANGA JAYAWARDENA



Putim Was

Wanpela soldia bilong Ami bilong Sudan i sindaun klostu long masin gan long Zam Zam kem, we ol manmeri husat i nogat ples bikos pait i ronim ol i save stap. Poto: AFP/FAIL/MARCO LONGARI



Bom Pairap


Ol polis opisa bilong Palestain i glasim ka bilong wanpela loya bilong Palestain, Majid Jaafarwai, bihain long wanpela bom i bin pairap insait long en na bagarapim Jafarawai na tupela man husat i bin sanap long rot klostu long en. Dispela birua i bin kamap long siti bilong Gaza long Mande, Mas 28. Poto: AP/ADEL HANA




Ronawe

Sampela manmeri bilong Aceh i sindaun paspas antap long ol motobaik na ron i go long ol ples maunten bihain long wanpela bikpela guria long Tunde moning. Ol i pret olsem narapela birua bilong solwara o sunami bai i kam. Nogat sunami i bin ka. Poto: AP/BINSAR BAKKARA

WOL NIUS WOL NIUS WOL NIUS



WOL NIUS WOL NIUS WOL NIUS



Bagarap

Ol soldia bilong Kanada i sanap gad klostu long wanpela ka i kisim bagarap long wanpela bom long Kabul. Dispela bom we i bin pairap long kapitel bilong Afghan i bin bagarapim foapela lokel manmeri wantaim tupela manmeri husat i bin stap insait long dispela ka bilong ol diplomet bilong Kanada we i bin ron abrusim hap we bom i bin stap. *Poto: AFP/SHAH MARAI*



Birua Long Brasil

Vitalmiro Bastos de Moura (lephan), man Brasil, i sindaun klostu long wanpela Para Stet polisman husat i was long en taim ol polis i karim em i go long kalabus wanpela de bihain long em i bin givim em yet long polis bihain long dai bilong Dorothy Stang. Ol polis bilong Brasil i sutim tok long Moura long peim ol man nogut long kilim Stang, wanpela man husat i save pait hat long ol rait bilong ol fama long bikpela bus bilong Amazon. Ol man nogut i bin kilim em long Febuari 12 na Moura i bin givim em yet long ol polis long Mas 28.

Poto: REUTERS/CARLOS SILVA-UMAPRESS



Mekimsave Long Pait

Ol manmeri i lukluk long wanpela bulpait o pait name! long tupela bulmakau long wanpela festival bilong ol fama long Huaxu Distrik bilong Guiyang, kapitel bilong sautwes provins bilong Saina, Guizhou, long Mas 28. *Poto: AP/ XINHUA, YANG YING*



Amamas Nau

Wanpela man Irak i holim pasim mama bilong em bihain long Ami bilong Amerika long Irak i lusim em i go long Mas, 28. Ami i bin kalabusim em bikos ol i bin bilip em i bin helpim long kamapim ol birua olsem pairapim ol bom klostu long ol soldia bilong Amerika long hap bilong Abu Ghraib. *Poto: REUTERS/BOB STRONG*



Bikpela Ben Raun Gen

Nupela man husat i save go pas long bikpela ben Queen (kwin), Paul Rodgers (rait han) na Brian May (lephan) i mekim-save long singsing long wanpela so long Brixton Academy long saut London, Ingran, long Mande, Mas 28. Dispela em i namba wan so bilong ol we ol bai i gat sampela arapela we bai i kamap taim ol i mekim raun bilong ol long Yurop. Dispela em i namba wan taim ben i raun bihain long 1986 taim main i save go pas long ol, Freddie Mercury, i bin dai. *Poto: AP/YUI MOK, PA*

James Kila i stori long Zonteve, stail ples, stail pipel.

Zonteve ples amamas long haus-kapa laipstail

PLANTŕ ol pipel long ol ples na hauslain komyuniti insait long Papua Niugini i save gat bikpela driman tru long kamap olsem papa bilong ol pemenen haus o haus-kapa long ples na graun bilong ol yet.

Tasol planti taim dispela samting i no save karim kaikai hariap. Sampela taim sapos dispela driman i save laik karim kaikai, ol man i mas wok hat na sevim mani o yusim ol seving bilong ol long benk long sanapim ol dispela haus.

Wanpela rurel viles insait long Henganofi distrik long Isten Hailans provins em i wanpela gutpela piksa tru olsem ol manmeri long dispela viles olgeta i slip long haus-kapa bilong ol yet. Nem bilong dispela moden viles em Zonteve.

Ol dispela haus-kapa i go long han bilong ol dispela manmeri fri tasol. Ol manmeri i no tuhat o lusim mani long kisim dispela ol naispela haus-kapa. Ol i stap tasol na larim olgeta wok long ol lida bilong ol long stretim ol pepa wok na bihain ol i smail na kisim ki bilong ol dispela ol naispela haus kapa bilong ol. Ol manmeri i tok olsem ol i bin muv i go insait long ol dispela haus-kapa long 1998 bihain long ol wokman i pinisim wok.

Olgeta dispela i bin kamap bihain long ol lida bilong ol i wok bung wantaim na i kisim sampela kain helpim bilong mani i kam long ovasis long kantri China na wokim ol 51-pela haus-kapa em nau ol manmeri na famili long Zonteve i stap slip long en.

Mi bin stori wantaim sampela ol famili long Zonteve hauslain na ol i givim mi stori bilong ol dispela 51 naispela haus-kapa, tasol mi yet mi ken tokaut olsem dispela viles em i karim stret olgeta kala bilong ol haus long ol strit long ol bikpela taun long PNG. Ol dispela haus i luk wankain olsem ol low-kit hom tasol bikos em i stap insait long ol rurel eria, ol manmeri long viles yet i lukautim na planim ol naispela plaua na mekim ples i kamap nais tru.

Long wanwan bilong ol dispela haus-kapa i gat 3-pela rum bilong slip



• Wanpela famili i sindaun long veranda bilong wanpela haus long Zonteve.
Ol foto: JAMES KILA

na wanpela rum bilong sindaun na kaikai. I gat haus kuk na tu i gat toilet i stap insait long wanwan ol dispela haus. I gat ol mita boks bilong pulim pawa o lait i go insait long ol dispela haus tu i stap.

Tru tumas, olgeta dispela ol samting i mekim dispela ples bus Zonteve i soim olsem wanpela strit long wanpela bikpela taun stret. Mi bin guria nambawan taim tru taim meri bilong m i bin tokim mi long raitim wanpela gutpela liklik stori long dispela viles Zonteve.

Mi bin sem liklik bikos nogut mi harim tok tasol na mekim. Mi bin kamap olsem "Thomas i nogat bilip" na mi yet mi laik go lukim pastaim na raitim dispela stori. Tru tumas, taim mi go lukim, olgeta samting i stap long hap.

Zonteve viles i stap klostu tasol antap long Henganofi distrik stesen.

Sapos yu laik raun i go long dispela ples em i samting olsem 50 kilomita saut long Goroka taun bihainim bikpela Hailans Haiwe.

Mi bin raun i go long dispela viles las lsta wiken na stap amamas wantaim wanpela famili na lukim Zonteve viles na tokaut nau long pablik olsem dispela viles i gat kala na stail bilong en yet. Yu yet go na lukim.

Mi bin gat sans tu long stori wantaim ol pipel husat i gat ol dispela haus-kapa na skim gut tru long ol i pilim olsem wanem tru long stap olsem papa bilong ol dispela haus-kapa.

Olgeta lain mi toktok long ol i tok ol i stap long hai-filings stret nambawan taim tru ol i bin kisim ki bilong ol dispela haus.

Ol pipel i mekim bikpela tok tenkyu i go long ol lida bilong ol olsem bipo memba bilong Henganofi, John

Giheno wantaim wanpela pikinini bilong ol yet na bipo diplomet Jerry Anuk long stretim rot na mekim olgeta pepa wok long bringim dispela kain gutpela servis tru i go insait long Zonteve viles.

Mi bin ron long wanpela PMV bas lusim Goroka taun na givim 60 stret i go olgeta long Henganofi.

Draiva bilong bas ya Stanley em wanpela masalai man stret bilong draivim bas na tu em i mekim dispela ron bilong bas i flai olsem balus o kain samting olsem.

Gutpela kolwin bilong Hailans tu i bilo na ai tu i slip, tasol taim mi putim buai long maus na putim wanpela smok antap, olgeta filings i go rait na rait olgeta na mi sindaun isi tasol na Stanley wantaim boskru bilong em Mark i givim samsam long Hailans Haiwe i go daun long Henganofi.

Tru tumas dispela Zonteve viles em wanpela kain model viles long Papua Niugini we i lukim olgeta viles manmeri i slip long ol gutpela haus-kapa stret.

Ol pipel i planim ol naispela plaua na mekim ol sait sait bilong ol haus bilong ol i luk kalaful na nais moa yet.

Sapos yu wanpela nupela man i laik go long Zonteve viles, bai yu amamas long lukim ol dispela 51 haus i sanap insait long ples bus.


I gat ol arapela gutpela samting tu i stap long Zonteve na ol bus na wara klostu long en.

Sapos yu wanpela man husat i save laikim tru long kisim naispela kolwin arere long maunten wara orait yu ken karim sampela bia bilong yu na ol mit na abus na go kukim long Kafingka.

Dispela ples i stap antap tasol long maunten baksait long Zonteve. I gat gutpela wara long wokim liklik kaikai na amamas wantaim ol famili na tu kisim gutpela filings stret.

Sapos yu pilim hot liklik yu ken bihainim tasol bus rot i go daun long wara Kutup na wasim bodi bilong yu na kisim naispela kol filings stret.

Mi raitim tasol dispela liklik stori. Ating moabeta yu yet mas go na lukim Zonteve viles n skelim stail na naispela kala bilong dispela moden viles.



• Ol naispela haus na plaua long Zonteve.

Ol musik sta bilong PNG i ken bungim kantri



Neville Choi i raitim

TAIM em i singaut na askim, "I gat ol Hailans, NGI, Momase na Papua i stap?" ol manmeri i singaut bekim, "Yes!" Taim i askim ol manmeri sapos i gat ol kain kain manmeri bilong PNG i stap, ol i bekim "Yes!"

Husat tru em dispela man? Em Lucky Dube o Makoma o?

Nogat ya. Em Oshen tasol ya. Manki Morobe i kam kukim Mosbi wantaim laiv musik konset bilong em na DADIIGII.

Ating sapos wanpela musik man bilong bipo long 1980's i bin tromoi ol dispela kain askim, bai i nogat

• Oshen i soim rot wantaim musik bilong em. Noken lus tingling long mama graun PNG.

• ((Rait)) Ol manmeri i opim ai na ia long Oshen las wik Fonde nait.



planti bekim i kam long ol manmeri.

Tasol nau, taim i senis na musik insait long PNG i wok long lusim guria long tupela lek bilong em na nau em i sanap strong.

Mipela i ken kisim ol biknem musik atis bilong ol arapela kantri i kam na singsing na danis na kirapim skin bilong mipela, tasol long sait bilong ol as ples musik manmeri, yumi wok long strongim ol yet nau. I no bilong wanem. Bilong musik na pasin bilong yumi ol PNG long luksave long wantok.

Wantok, wan ples, wan solwara. Pasin bilong yumi em Oshen yet i kisim bilong wanem em i bikpela

long hia yet.

Musik konset bilong Oshen i soim olsem maski mipela i save ai op long ol arapela biknem musik atis long wol, mipela i ken givim wankain sapot long ol musik atis bilong yumi yet long hia.

Long stat bilong musik wok bilong em, Oshen i wok long strongim dispela pasin em i kisim long Morobe na PNG yet.

Dispela pasin bilong laikim arapela. Strongim na lukautim kalsa, na luksave bilong ol gutpela samting i stap hia long PNG tasol na i nogat long ol arapela hap long wol.

Taim em i kamapim singsing Throw Away the Gun em i bin luk-

save long hevi we gan i ken kamapim insait long komyuniti bilong mipela. Nau bikpela wok i go het long traim stretim dispela hevi.

Taim Oshen i singsing long Meri Lewa bilong PNG na Melanesia yet, em i toktok long naispela kala na stail bilong ol meri PNG yet we planti ol arapela kantri i save mangalim.

Tasol bikpela as tingting bilong planti long ol singsing bilong em long sait bilong luksave long strong bilong kantri bilong yumi na yumi noken lusim tingting long pasin na skul mipela i kisim long ol tumbuna bilong mipela.

Dispela em ol as tingting i stap insait long ol singsing bilong Oshen, na dispela em ol samting i stap klostu tru long lewa bilong mipela wanwan.

Long dispela kain rot, ol PNG musik sta olsem Oshen na ol arapela biknem olsem Patti Potts Doi i ken strongim kantri na bungim ol pipel.

Taim bilong bihainim musik bilong ol arapela lain i pinis long taim yet. Nau yumi stap long taim bilong ol musik manmeri bilong mipela long soim rot.

Mipela bai bihainim tasol.

DADIIGII tingim ol yangpela

EM i bin givim han i kam long sikan wantaim mi. Mi traim long luksave long traipela san bilong Pot Mosbi long Ista Sarere. "Hello, Armstrong Gomara em i nem bilong mi na musik em i gem bilong mi," dispela man i tok. Em i bin gat wanpela Hailans kep long het bilong em na tuhat i ron i kam daun long pes bilong em taim em i smail.

Em i bin wokabaut i kam long Mosbi taun bas stop aninit long traipela san long kam bungim mi.

"Mi amamas long bungim yu nau," mi tok na mi sikan. Tasol mi les long lusim han bilong em olsem mi holim han bilong Michael Jackson o. Bihain mi lusim han bilong em na tok, "Mi amamas tru long sikan wantaim nupela regei musik sensesen bilong PNG."

Em i lap na tok, "Tasol mi save long yu, JK. Maski mi tupela i no bung bipo."

Mi smail long en na mi tingim mi olsem planti tausen arapela man, meri na pikinini husat i no klia tumas long dispela man husat i save kamap long TV, radio na ol laiv musik konset.

Em i werim wanpela jins, wanpela bond singles na tupela su we i luk olsem klostu nau bai bruk. Bilakpela maus gras bilong em i luk olsem em i no katim gut, na mi tingim singsing bilong em "Mi No Bikstot Yet".

Em nau mi bin bungim dispela man husat planti manmeri i tok em bai mekim bikpela nem tru long PNG musik indastri. Mipela i lukim pinis wantaim namba wan singsing bilong em Ili Bayama na i luk olsem dispela man bai i gat planti ol bikpela singsing long bihain taim.

Tasol em i salim 4-pela singsing bilong em i kamap pinis long Nesenel Wikli Hit Pareid - Mi No Bikstot Yet, Kande, Emsi na Mi No Bin Tok. Olgeta dispela singsing i kam long namba wan albam bilong em Days of Ma Life we em i rekodim aninit long nem DADIIGII wantaim CHM Supersounds.

Tasol em i no wokabaut long wanpela isi rot long kamap wantaim namba wan albam bilong em.

Armstrong Gomara i bin wokabaut raun long ol strit bilong Lae na em i no wanbel long em yet long lusim St Joseph Teknikel Skul long 8-Mail long Lae we em i wok long skul long lainim

...tok buai na smok i no gutpela samting bilong ol



wanpela tred. Tasol em i abrus liklik. Em i raun nating wantaim ol poroman i go na traim painim samting long mekim naim long 1999 na pinis bilong 2000.

Em yet i bilip olsem em i gat strong long railim ol singsing tasol em i nogat bilip long nek bilong em.

Armstrong i bin stat railim ol singsing nating. Em i save lokim em yet insait long haus na em i no save toktok long wanpela man. Em i save singsing na traim ol singsing bilong em taim em i stap em yet.

Em i bin pret olsem ol arapela biknem musik atis bai lap na tromoi musik bilong em. Olsem na em i no tokim wanpela man long musik em i raitim.

Sans bilong em i bin kamap taim ol poroman bilong em i askim em long singsing bekap long wanpela rekoding bilong grup Wreckouts bilong Lae taim ol i laik katim wanpela albam long National Sound Production (NSP) aninit long lukaut bilong Peter Seske.

Maski liklik bekap wok bilong em i no opim rot bilong em, em i bin kisim strong long en na em i givim ol demo kaset i go long CHM. Tasol em i wet i go na em i no kisim wanpela bekim.

Em i muv i go long Mosbi long 2002 long sekim ol demo kaset bilong em na em i pilai wantaim ol arapela ben long ol laiv konset long ol nait klab.

Ol poroman bilong em i wok long helpim em wantaim ol sans bilong wanem em i bin laik kamap wanpela musik man stret.



• Armstrong Gomara aka DADIIGII wantaim poroman bilong em Peke, lit singa bilong Bay Cruisers i kam raun long Wantok Niuspepa opis.

Em i bin toktok wantaim Produsa Connie bilong Xerox Studios na givim nem bilong em olsem Arcmah. Bihain long en Xerox i kisim em long helpim ol wantaim namba wan albam bilong ol long 2002.

Long wankain taim, wanpela arapela ben, Bay Cruisers i wok long rekodim albam bilong ol wantaim CHM na poroman bilong em Peke i askim em long go singsing wantaim em long singsing Orokolo Bay we i bin go long namba 1 stret. Tasol dispela i no inap long mekim nem bilong em long rekodim musik.

Wanpela nait taim ol i pilai long wanpela nem klab, Saun Enjinia bilong Supersounds, John Toea i wok long painim ol nupela musik man i stap na em i harim Armstrong i singsing. Toea i toktok wantaim ol bosman bilong em na ol i singautim Armstrong long go na helpim long wanpela albam, PNG Niupela Stail.

"Mi bin singim Ili Bayama na rekodim aninit long nem tru tru bilong mi na mi no bilip olsem dispela inap long helpim mi long kisim wanpela rekoding kon-

trak," Gomara i tok. "Na mi no bin save olsem dispela singsing bai kirapim musik atis wok bilong mi. Em i go long namba 1 stret. Em nau Supersound i luksave long mi na givim mi wanpela rekoding kontrak."

namba 3. Singsing Kande i wok long pairap pinis long BBMFM 98.5FM.

DADIIGII em i amamas tasol long tupela arapela singsing i wok long go antap long ol musik sat. Emsi i sindaun long namba 3 na Mi No Bik Sot Yet i sindaun ausait long top 10 long namba 12.

Albam bilong em i gat bikpela strong tru na ol produsa long CHM i makim em long pilai wantaim Oshen long Pot Mosbi Kantri Klab long namba 19 na 24 de bilong mun Mas.

"Em i namba wan laiv konset bilong mi long dispela taim, mi bin guria bikos mi save laiv konset em i no wankain olsem ol nait klab, tasol mi kisim strong long Oshen long dispela tupela de na mi amamas tru."

DADIIGII i tingting long lonsim albam bilong em long Mei 6. Nau yet em i lukluk raun painim wanpela ples bilong lonsim.

"Mi bai yusim mani bilong mi yet long lonsim albam na bai mi askim long liklik helpim long ol produsa bilong mi bikos dispela de bai bikpela de tru long laip bilong mi."

Armstrong i luksave tu long strong bilong em long ol fens bilong em na em i lusim pinis simuk na kaikai buai.

"Mi luksave olsem planti ol fens bilong mi em ol liklik manki na ol yut na olgeta de mi save lukim ol long bas stop na ol arapela hap na mi save lukim ol yangpela pikinini i bung na smuk na kaikai buai na dispela em ol samting nogut, bilong wanem dispela em ol yangpela manki. Sampela long ol i no skul tu."

DADIIGII i tok em i laik soim gutpela pasin long ai bilong ol yangpela bai ol i noken mekim ol dispela kain pasin.

Em i no resis long kamapim namba tu albam yet bilong wanem em i bilip olsem ol manmeri i mas luksave long ol regei singsing bilong em na em i laik stretim gut ol arapela regei singsing bilong em long namba tu albam bilong em.

"Ol fens bilong mi i bikpela samting tumas long mi na mi mas givim ol samting ol i laikim. Mi tok promis olsem mi bai givim olgeta strong bilong mi long namba tu albam we bai i kamap long stat bilong 2007," em i tok.

EMTV GAID

- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 9.30 DR PHIL
- 10.20 EMTV PRIME TIME LINE UP
- 4.57 EMTV TOKSAVE
- 5.00 THE PRICE IS RIGHT
- \$100,000 SUPER SHOWCASE
- 6.00 NATIONAL EMTV NEWS
- 6.30 A CURRENT AFFAIR
- 6.59 LOTTO DRAW
- 7.00 CHM SUPER SOUND
- 7.57 EMTV TOKSAVE
- 8.00 SPORT SCENE
- 9.30 NRL FOOTY SHOW
- 11.00 AFL FOOTY SHOW
- 12.00 NIGHTLINE
- 0.30 STATION CLOSE

Praide 10/4/05

- 4.59 STATION OPEN
- 30 CREFFLO DOLLAR
- 30 JOYCE MEYER MINISTRY
- 00 TODAY SHOW
- 00 CREFFLO DOLLAR
- KIDS KONA
- EMTV PRIME TIME LINE UP
- 57 EMTV TOKSAVE
- 30 THE PRICE IS RIGHT
- \$100,000 SUPER SHOWCASE
- 00 NATIONAL EMTV NEWS
- 30 A CURRENT AFFAIR
- 6.58 NEWS UPDATE TOK PISIN
- 6.59 LOTTO DRAW
- 7.00 TOK PIKSA
- 7.30 SURVIVOR PALAU
- 8.27 EMTV TOKSAVE
- 8.30 FRIDAY NIGHT FOOTBALL
- PARRAMATTA V PENRITH
- 10.30 AFL
- 00.30AM STATION CLOSE

- 8.00 PLANET FANTA
- 9.30 DOWNLOAD
- 10.00 SO FRESH
- 11.30 WORLD OF WILDLIFE
- 12.00 SPECIAL: THE PACIFIC WAY
- 1.00 EMTV WIDE WORLD OF SPORTS
- 4.00 THE CAR SHOW
- 4.30 THE BOAT SHOW
- 5.00 ESCAPE WITH ET
- 5.30 FISHING AUSTRALIA
- 6.00 NATIONAL EMTV NEWS
- 6.30 AUSTRALIA'S FUNNIEST HOME VIDEO
- 7.00 STARSTRUCK
- 8.30 SOUTH PACIFIC MUSIC
- 9.27 EMTV TOKSAVE
- 9.30 XENA: WARRIOR PRINCESS
- 10.30 HECLUES
- 11.00 EMTV NEWS REPLAY
- 00.00 CLOSE

Sandi 30/10

- 7.29 STATION OPEN
- 7.30 BUSINESS SUCCESS
- 8.00 BUSINESS SUNDAY
- 9.00 SUNDAY
- 11.00 SUNDAY ROAST
- 11.30 SUNDAY FOOTY SHOW
- 12.30 BOOTS 'N' ALL
- 1.00 AFL GAME
- 4.00 SUNDAY AFTERNOON FOOTBALL
- 6.00 NATIONAL EMTV NEWS
- 6.30 SEVENTH HAVEN
- 7.30 60 MINUTE
- 8.30 SUNDAY NIGHT MOVIE: CHOCOLAT
- 10.30 EMTV NEWS REPLAY
- 11.00 PRAISE-GOSPEL SONGS
- 00.30 STATION CLOSE

- 5.00 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 9.30 CLASSROOM BROADCAST
- 2.30 KIDS KONA
- 4.57 EMTV TOKSAVE
- 5.00 THE PRICE IS RIGHT
- 6.00 NATIONAL EMTV NEWS
- 6.30 A CURRENT AFFAIR
- 6.58 TOK PISIN NEWS UPDATE
- 7.00 LOTTO DRAW
- 7.01 PRAISE
- 8.00 INSAIT
- 8.27 EMTV TOKSAVE
- 8.30 WHO WANTS TO BE A MILLIONAIRE
- 9.30 C.S.I CRIME SCENE INVESTIGATION
- 11.00 EMTV NEWS REPLAY
- 11.30 CHM SUPERSOUND
- 00.00 NIGHTLINE
- 1.00AMCLOSE

10/10 5/04/05

- 5.29 STATION OPEN
- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 10.00 CLASSROOM BROADCAST
- 4.57 EMTV TOKSAVE
- 5.00 THE PRICE IS RIGHT
- 5.30 CRICKET CONTINUES
- 6.00 NATIONAL EMTV NEWS
- 6.30 A CURRENT AFFAIR
- 6.58 TOK PISIN NEWS UPDATE
- 6.59 LOTTO DRAW
- 7.00 HAUS & HOME
- 8.00 BACKYARD BLITZ
- 8.27 EMTV TOKSAVE
- 8.30 THE APPRENTICE
- 9.30 THIRD WATCH
- 10.30 EMTV NEWS REPLAY
- 11.00 ER
- 00.00 NIGHTLINE
- 00.30 STATION CLOSE

- 6.29 STATION OPEN
- 5.30 JOYCE MEYER MINISTRY
- 6.00 NATIONAL MINE EARLY NEWS
- 7.00 TODAY
- 10.30 CLASSROOM BROADCAST
- 2.30 KIDS KONA
- 4.57 EMTV TOKSAVE
- 5.00 THE PRICE IS RIGHT
- 6.00 NATIONAL EMTV NEWS
- 6.30 A CURRENT AFFAIR
- 6.57 TOK PISIN NEWS UPDATE
- 6.59 LOTTO DRAW
- 7.00 WORLD OF WILDLIFE
- 7.30 MCLEOD'S DAUGHTERS
- 8.27 EMTV TOKSAVE
- 9.00 WEDNESDAY NIGHT MOVIE: SOME MOTHER'S SON
- 11.00 SOUTH PACIFIC MUSIC
- 11.30 EMTV NEWS REPLAY
- 12.00 NIGHTLINE
- 12.30 STATION CLOSE

- 7.29 STATION OPEN
- 7.30 BUSINESS SUCCESS
- 8.00 BUSINESS SUNDAY
- 9.00 SUNDAY
- 11.00 SUNDAY ROAST
- 11.30 SUNDAY FOOTY SHOW
- 12.30 BOOTS 'N' ALL
- 1.00 AFL GAME
- 4.00 SUNDAY AFTERNOON FOOTBALL
- 6.00 NATIONAL EMTV NEWS
- 6.30 SEVENTH HAVEN
- 7.30 60 MINUTE
- 8.30 SUNDAY NIGHT MOVIE: CHOCOLAT
- 10.30 EMTV NEWS REPLAY
- 11.00 PRAISE-GOSPEL SONGS
- 00.30 STATION CLOSE



60 MINUTES 7.30 PM EVERY SUNDAY



"Iti Bayama..."



"Meri Lewa..."



"Aiyo Oshen...mi stap ya!"

YUMI FM NATIONAL WEEKLY HITPARADE Sarere Februari 19, 2004 - Twisties i sponsa

Singing Musik	Atis	Dispela Wik	Meri Wantok	Sharzy	
Rosie Marara	Sharzy	1	Six Pocket	Pikinini Black Bokis	10
The Way	Soul Harmony	2	Yeuaaku	Pune Kapa	12
Kande	DadiiGii	3	Sigi Mangi	Grumo Masalai	13
Poroman Lewa	George Telek	4	Egu Lalokau	Navui Marona ft G Kali	14
Lalatora	Sebeats of Sepoe	5	Iti Bayama	Armstrong	15
Mi No Bik Sod Yet	DadiiGii	6	Towescop	Itambu	16
Mi No Bin Tok	DadiiGii	7	Kudougou	Vannesa Quai	17
Emsi	DadiiGii	8	Dimigura	Bits & Pieces	18
Tropical Fine	Oshen	9	Lili	Itambu	19
			Jombie Kunex	New Painim Wok	20

CATHOLIC RADIO 103.5 FM

- 6:00 ANGELUS
- 6:05 MEDITATION/INSPIRATIONAL MUSIC
- 7:00 VATICAN RADIO WORLD NEWS
- 7:15 VATICAN ENGLISH PROGRAM
- 7:35 NON-STOP GOSPEL MUSIC
- 8:00 JOURNEY HOME (EWTN)
- 9:00 VATICAN RADIO WORLD NEWS
- 9:15 VATICAN ENGLISH PROGRAM
- 9:40 KIDS SING-ALONG
- 10:00 CATHOLIC JUKEBOX
- 10:30 GOSPEL MUSIC
- 11:00 NON-STOP GOSPEL MUSIC
- 12:00 ANGELUS
- 12:05 VATICAN WORLD NEWS
- 12:20 VATICAN ENGLISH PROGRAM
- 12:40 REFLECTION MUSIC
- 1:00 LAMB'S SUPPER WITH DR. SCHOTT HAHN
- 2:00 MUSIC
- 3:00 CHAPLET OF DIVINE MERCY
- 3:20 NON-STOP GOSPEL MUSIC
- 4:00 CATHOLIC JUKEBOX (ENCORE)
- 4:30 NON-STOP GOSPEL MUSIC
- 5:00 JOURNEY HOME
- 6:00 ANGELUS
- 6:05 MADANG LOCAL NEWS
- 6:30 VATICAN ENGLISH PROGRAM
- 6:30 LAMB'S SUPPER WITH DR. SCHOTT HAHN
- 7:00 HOLY ROSARY
- 7:30 CATHOLIC INSIGHT
- 8:00 VATICAN WORLD NEWS
- 8:15 MADANG LOCAL NEWS
- 8:30 VATICAN ENGLISH PROGRAM
- 9:00 TOK STREET LONG HAIRS
- 10:30 VATICAN ENGLISH PROGRAM
- 6:00 ANGELUS
- 6:05 MEDITATION/INSPIRATIONAL MUSIC
- 7:00 VATICAN WORLD NEWS
- 7:15 VATICAN ENGLISH PROGRAM
- 7:35 NON-STOP GOSPEL MUSIC
- 8:00 RADIO ST. JOSEPH PRESENTS
- 9:00 VATICAN WORLD NEWS
- 9:15 ENGLISH PROGRAM
- 9:35 KIDS SING-ALONG
- 10:00 CATHOLIC JUKEBOX
- 10:30 NON-STOP GOSPEL MUSIC
- 11:00 VATICAN ENGLISH PROGRAM
- 12:00 REFLECTION MUSIC
- 12:40 OUR FATHER'S PLAN
- 1:30 AFTERNOON GOSPEL MUSIC
- 3:00 CHAPLET OF DIVINE MERCY
- 3:20 NON-STOP GOSPEL MUSIC
- 4:00 CATHOLIC JUKEBOX (EWTN)
- 4:30 NON-STOP GOSPEL MUSIC
- 5:00 WAVE FACTOR (EWTN)
- 6:00 ANGELUS
- 6:05 VATICAN ENGLISH PROGRAM
- 6:30 FATIMA
- 7:00 HOLY ROSARY
- 7:30 STATIONS OF THE CROSS
- 8:00 VATICAN WORLD NEWS
- 8:15 CRN LOCAL NEWS
- 8:30 VATICAN ENGLISH PROGRAM
- 9:00 TOK STREET LONG HAIRS
- 10:00 CATHOLIC JUKEBOX
- 10:30 VATICAN ENGLISH PROGRAM
- 11:00 NON-STOP GOSPEL MUSIC
- 6:00 ANGELUS
- 6:05 MEDITATION/INSPIRATIONAL MUSIC
- 7:00 OUR FATHER'S PLAN
- 7:30 CROSSROADS (EWTN)
- 8:00 VATICAN WORLD NEWS
- 8:15 VATICAN PROGRAM
- 8:35 MUSIC
- 9:30 BACKSTAGE (EWTN)
- 10:00 WAVE FACTOR
- 11:00 NON-STOP GOSPEL MUSIC
- 12:00 ANGELUS
- 12:05 VATICAN WORLD NEWS
- 12:20 VATICAN ENGLISH PROGRAM
- 12:40 GOSPEL MUSIC
- 3:00 CHAPLET OF DIVINE MERCY
- 3:20 GOSPEL MUSIC
- 4:00 BACKSTAGE
- 4:30 NON-STOP GOSPEL MUSIC
- 5:00 WORLD OVER NEWS
- 6:00 ANGELUS
- 6:05 VATICAN ENGLISH PROGRAM
- 6:30 MIRACLES OF THE CROSS
- 7:00 HOLY ROSARY
- 7:30 CROSSROADS
- 8:00 VATICAN WORLD NEWS
- 8:15 VATICAN ENGLISH PROGRAM
- 9:00 WORLD OVER NEWS (EWTN)
- 10:00 BACKSTAGE
- 10:30 VATICAN ENGLISH PROGRAM
- 10:50 NON-STOP GOSPEL MUSIC
- 6:00 ANGELUS
- 6:05 MEDITATION/INSPIRATIONAL MUSIC
- 8:00 VATICAN WORLD NEWS
- 8:15 VATICAN ENGLISH PROGRAM
- 8:35 NON-STOP GOSPEL MUSIC
- 9:00 SUNDAY EUCHARIST LIVE
- 10:30 NON-STOP GOSPEL MUSIC
- 11:00 IN THE LORD'S VINEYARD
- 12:00 ANGELUS
- 12:05 VATICAN WORLD NEWS
- 12:20 VATICAN ENGLISH PROGRAM
- 12:40 GOSPEL MUSIC
- 3:00 CHAPLET OF DIVINE MERCY
- 3:20 GOSPEL MUSIC
- 5:00 SIGNS OF THE TIMES (RTP)
- 6:00 ANGELUS
- 6:05 SUNDAY EUCHARIST (replay)
- 7:00 HOLY ROSARY
- 7:30 CATHOLIC INSIGHT
- 8:00 VATICAN WORLD NEWS
- 8:15 IN THE LORD'S VINEYARD
- 10:00 NON-STOP GOSPEL MUSIC
- 6:00 ANGELUS
- 6:05 MEDITATION/INSPIRATIONAL MUSIC
- 7:00 VATICAN WORLD NEWS
- 7:15 VATICAN ENGLISH PROGRAM
- 7:35 NON-STOP GOSPEL MUSIC
- 8:00 BEST OF JOURNEY HOME
- 9:00 VATICAN WORLD NEWS
- 9:15 VATICAN ENGLISH PROGRAM
- 9:35 KIDS SING ALONG
- 10:00 CATHOLIC JUKEBOX (EWTN)
- 10:30 NON-STOP GOSPEL MUSIC
- 12:00 ANGELUS
- 12:05 VATICAN WORLD NEWS
- 12:20 VATICAN ENGLISH PROGRAM
- 12:40 AFTERNOON REFLECTION MUSIC
- 1:00 THE WAY TO FOLLOW JESUS
- 1:30 GOSPEL MUSIC
- 3:00 CHAPLET OF DIVINE MERCY
- 3:20 NON STOP GOSPEL MUSIC
- 4:00 CATHOLIC JUKEBOX (EWTN)
- 4:30 NON STOP GOSPEL MUSIC
- 5:00 MESSAGE IN MUSIC
- 6:00 ANGELUS
- 6:05 VATICAN ENGLISH PROGRAM
- 6:30 MANY FACES OF MARY
- 7:00 HOLY ROSARY
- 7:30 BENEDECTION
- 8:00 VATICAN WORLD NEWS
- 8:15 CRN LOCAL NEWS
- 8:30 VATICAN ENGLISH PROGRAM
- 9:00 BEST OF JOURNEY HOME
- 10:00 CATHOLIC JUKEBOX (EWTN)
- 10:30 VATICAN ENGLISH PROGRAM
- 11:00 NON-STOP GOSPEL MUSIC
- 6:00 ANGELUS
- 6:05 MEDITATION/INSPIRATIONAL MUSIC
- 7:00 VATICAN WORLD NEWS
- 7:15 VATICAN ENGLISH PROGRAM
- 7:35 NON-STOP GOSPEL MUSIC
- 8:00 RADIO ST. JOSEPH PRESENTS
- 9:00 VATICAN RADIO WORLD NEWS
- 9:15 VATICAN ENGLISH PROGRAM
- 9:40 KIDS SING-ALONG
- 10:00 CATHOLIC JUKEBOX
- 10:30 GOSPEL MUSIC
- 12:05 VATICAN WORLD NEWS
- 12:20 VATICAN ENGLISH PROGRAM
- 12:40 REFLECTION MUSIC
- 1:00 SUPER SAINTS
- 1:30 GOSPEL MUSIC
- 3:00 CHAPLET OF DIVINE MERCY
- 3:20 NON STOP GOSPEL MUSIC
- 4:00 CATHOLIC JUKEBOX
- 4:30 NON-STOP GOSPEL MUSIC
- 5:00 RADIO ST. JOSEPH PRESENTS
- 6:00 ANGELUS
- 6:05 AITAPE LOCAL NEWS
- 6:10 VATICAN ENGLISH PROGRAM
- 6:30 MOTHER OF REDEEMER
- 7:00 HOLY ROSARY
- 7:30 SUPER SAINTS
- 8:00 VATICAN WORLD NEWS
- 8:15 AITAPE LOCAL NEWS
- 8:20 VATICAN ENGLISH PROGRAM
- 9:00 TOK STREET ABOUT HAIRS WITH FR. JUDE (ENGLISH)
- 10:00 CATHOLIC JUKEBOX
- 10:30 VATICAN ENGLISH PROGRAM
- 10:50 NON-STOP GOSPEL MUSIC
- 6:00 ANGELUS
- 6:05 MEDITATION/INSPIRATIONAL MUSIC
- 7:00 VATICAN WORLD NEWS
- 7:15 VATICAN ENGLISH PROGRAM
- 7:35 NON-STOP GOSPEL MUSIC
- 8:00 SCRIPTURE MATTERS WITH DR. SCHOTT HAHN (EWTN)
- 9:00 VATICAN WORLD NEWS
- 9:15 VATICAN ENGLISH PROGRAM
- 9:35 KIDS SING ALONG
- 10:00 CATHOLIC JUKEBOX
- 10:30 NON-STOP GOSPEL MUSIC
- 12:05 VATICAN WORLD NEWS
- 12:20 VATICAN ENGLISH PROGRAM
- 12:40 REFLECTION MUSIC
- 1:00 FIRST COMES LOVE DR. SCHOTT HAHN (EWTN)
- 1:30 AFTERNOON GOSPEL MUSIC
- 3:00 CHAPLET OF DIVINE MERCY
- 3:20 NON-STOP GOSPEL MUSIC
- 4:00 CATHOLIC JUKEBOX
- 4:30 NON-STOP GOSPEL MUSIC
- 5:00 SCRIPTURE MATTERS
- 6:00 ANGELUS
- 6:05 VANIMO LOCAL NEWS
- 6:10 VATICAN ENGLISH PROGRAM
- 6:30 FATIMA, HEAVEN'S PEACE PLAN
- 7:00 HOLY ROSARY
- 7:30 DOCTORS OF THE CHURCH
- 8:00 VATICAN WORLD NEWS
- 8:15 VANIMO LOCAL NEWS
- 8:20 VATICAN ENGLISH PROGRAM
- 9:00 TOK STREET ABOUT HAIRS WITH FR. JUDE
- 10:00 CATHOLIC JUKEBOX
- 10:30 VATICAN ENGLISH PROGRAM
- 10:50 NON-STOP GOSPEL MUSIC



Tok pilai wantaim Kanage olgeta wik!!

Ol tru tru poro o wantok bilong gutpela raitman Kanage i laikim tru sapos yupela i ken salim sampela tokpilai bilong yupela i kam na mipela putim long tok pilai kona bilong Kanage. Salim i kam long TOK PILAI KANAGE P.O. Box 1982, Boroko, NCD o kam long opis klostu long BSP Waigani klostu long Mondo Sekanhan klos stua. Mipela stap long las opis. Sopotim raitman bilong yumi, Kanage!!

KANAGE bilong Kaweri. Wanpela taim meri bilong en wantaim tupela kilim skin pait na em kisim bikpela bagarap na slip i stap. Bihain liklik wanpela poro bilong Kanage kisim em na tupela i go na baim sampela rais paket na karim i go long haus.

Nau tupela kukim rais pinis na skelim. Kanage skelim pinis rais ya na ol kaikai pinis na sindaun i stap.

Wantu tasol wanpela yangpela meri long Ilegi i kam.

Kanage kirap na tok bikpela sori long meri ya na meri ya i tok, hei anua wai na yu tok sori long mi? Kanage bekim na tok, mi sutim mama, mi sutim tumbuna meri na poroman bilong mi.

Olsem tasol sapos yu kam hariap mi tu inap long sutim yu. Meri ya tingting i go na bihain em tok. Ya mi save olsem bai yu sutim mi na mi no kam hariap.

Kanage laik tok skelim ya nogat abrus na tok sutim. Olgeta lain pinisim lap na bihain painim 6 rot.

SHYSCO STEAMERO
KAWERI SHP

KANAGE em bilong ples Barupu tasol em kam stap wantaim susa bilong em long Serra. Kanage em wanpela gutpela man stret em i no save dring tasol em save smuk tasol.

Wanpela taim i gat wanpela bikpela pait long liklik ples Puindu na Kanage i go amamas wantaim ol manki long dispela ples.

Ol manki i grisim Kanage gut tru na em i dring wantaim ol.

Ol i dring i go na Kanage i spak nogut tru na em i stat long toktok planli na mekim nambaut.

Kanage i go stori wantaim ol lain na stat long krai.

Taim pikinini bilong susa bilong em i harim olsem em i kam bengim sut lam long pes bilong Kanage na hariap stret em i pasim maus na stap isi.

Bihain long dispela Kanage i stat long toktok planti gen na long dispela taim komiti bilong dispela ples i kam na tokim Kanage olsem "pasim maus" na Kanage tu i kirap na tokim em "yu pasim maus tu" na klostu em i tok nogut long komiti tasol gutpela tingting i kam na Kanage i tokim komiti olsem "yu sat

hap yu, yu fuk faul".

Taim komiti na ol lain i harim olsem ol i lap nogut tru long Kanage.

ROSO ASII
BARUPU
SANDAUN PROVINS

KANAGE em wanpela fit manki nilpis. Em raun long Kavieng taun i go na apinun nau em lukim wanpela trak bilong Poliamba plantesin i wok long lodim bek rais na tin mit. Em nau Kanage go askim long kalap.

Taim draiva i tok orait, hariap tru Kanage go kalap long fran pinis na wet.

I no long taim sampela wokman bilong Poliamba i kam na rausim em i go sindaun long baksait wantaim ol bek na kes kaikai.

Kanage em i no wanbel tasol nogat wei nau olsem na em go sindaun antap long wanpela 25kg bek rais.

Ol ron i go nau na ples i wok long go tudak. Kanage nau i kisim wanpela tingting na taim ol i kamap klostu long ples bilong Kanage, Kanage kirap pulim dispela bek rais em i sindaun long en

na sut i go daun insait long ol lain banana gaden bilong wanpela kandre bilong em.

Taim trak i kamap long ples bilong Kanage, em spit nogut tru i kam bek long lain banana na painim bek rais em tromoi. Em painim i go i go na em i no stap.

Olsem na em lusim na go bek long haus. Tupela wik pinis na em bungim kandre bilong em na tupela i stori. Em nau Kanage i tokim em long dispela bek rais ya.

Man, em i no pinis yet na kas ya ai i ret na redi long lek han long Kanage. Kanage i paul olgeta na tok 'olsem wanem long yu?'


Kas bilong em i tok, 'yu dispela man tasol klostu tru kilim mi wantaim dispela bek rais ya'. Kanage kirap na askim 'na bek rais ya we?'

Kas em tanim na wokabout i go na tromoi hap bekim long Kanage olsem, 'mi no save long rais tasol bek i stap. Yu laikim, go kisim'.

TIMO NEVARA
ALOTAU, MILEN BE PROVINS



Kanage go raun long palamen haus...



Em festaim bilong Kanage i go raun long palamen haus na go long poolsait...em i no save olsem ol talapia i stap insait long pool,, Em wokabout i go insait long pool long wasim lek na kirap nogut long lukim ol traipela mama bilong talapia i swim i go long Kanage long kisim kaikai long em...Kanage em shok stret na kalap i kamaut long pool na singaut..Saaaac!!!



Laikim Penpren

Nem: Fidelma Naruvau
Krismas: 21 (meri)
Adres: Tinputz District Office, PO Box 343, Bougainville, NSP
Save laikim: Go lotu, pilai volibol, mekim penpren wantaim ol yangpela, harim gospel na kainkain musik.

Nem: Kessler Thurston Walker
Krismas: 19 (man)
Adres: PO Box 1441, Mt Hagen, Western Highlands Province
Save laikim: Pilai gita, raitim pas, kisim pas, lukim TV, harim lotu kaset na go lotu.

Nem: Cathy Benny
Krismas: 18 (meri)
Adres: C/-Rosa Araboka, SIL - Employment Dept, PO Box 417, Ukarumpa, EHP
Save laikim: Pilai soka, basketbol, volibol, harim musik na go lotu.

Nem: Paul Pogera
Krismas: 17 (man)
Adres: Anglican Church, PO Box 6491, Boroko, NCD
Save laikim: Wokim penpren wantaim ol lain bilong narapela provins, senisim poto na presen na lukim ol pilai spot.

Nem: Jessica Jackson
Krismas: 25 (meri)
Adres: PO Box CT 1027, Virgin Home Street, Cape Coast, Ghana, West Africa
Save laikim: Haus wok, wokim pren wantaim ol man bilong narapela kantri.

Nem: Joseph G Annan
Krismas: 22 (man)
Adres: PO Box 1027, Beach End Terrace, Cape Coast, Ghana, West Africa
Save laikim: Pilai futbol, ritim stori buk na pilai volibol.

Nem: Sarsha Truapa Robine
Krismas: 21 (meri)
Adres: PO Box 6668, BOROKO, NCD
Save laikim: Pilai spots, stori wantaim ol pren na ritim buk.

Nem: Malcolm Yaken
Krismas: 21 (man)
Adres: Aitape Vocational Training Institute, PO Box 34, Vanimo, Sandaun Province
Save laikim: Ronim ka, kaikai buai, stori wantaim ol pren na raitim pas.

Nem: Iddie Namur
Krismas: 25 (meri)
Adres: C/- PO Box 447, Kimbe, West New Britain Province
Save laikim: Harim musik, go lotu, waswas long nambis, kukim kaikai, stori wantaim ol pren na raun long arapela ples.

Nem: Melanie Spyoona Zawa
Krismas: 19 (meri)
Adres: C/- PO Box 447, Kimbe, West New Britain Province
Save laikim: Skelim ol namba bilong musik, kaikai buai, waswas long nambis. raun wantaim ol pren, pilai basketbol na volibol, kukim kaikai, go lotu, lukim muvi na tok pilai.



STORI TUMBUNA

BIPO tru i nogat wara long Wara Kutubu long Sauten Hailans provins. Nau planti manmeri ol i nogat wara na ol i hangre long wara.

Tasol wanpela ples i stap klostu long Kutubu, nem bilong en em Topua. Long dispela ples i nogat planti manmeri i stap. Wanpela yangpela meri na wanpela dok tasol i stap long Topua. Tupela i gat planti kaikai i pulap long gaden bilong tupela. Tupela i save kaikai ol kain kain kaikai tasol i nogat wara bilong dring.

Tasol oltaim dok i save giamanin yangpela meri na em i save i go long bus na dringim wara. Long wanpela san meri i tokim dok long go painim wara long bus. Tasol dok i tokim meri olsem: "Yu longlong meri, mi kisim wara we na yu tok olsem long mi?"

Nau yangpela meri i sem na i tok, maski mitupela i go long haus. Nau tupela i go long haus na yangpela meri i kukim kaukau na tupela i kaikai. Dok i kaikai pinis na em i go long bus long kisim wara bilong em yet. Nau em i kam bek long haus bilong tupela.

Tupela i slip na long moningtaim tupela i kirap na kukim kaukau na tupela i kaikai. Na bihain dispela dok i go gen long kisim wara bilong en yet. Bihain em i kambek long haus. Nau yanpela meri i lukim nus gras bilong dok.

Em i lukim liklik wara i stap long nus gras bilong dok.

Dispela taim yangpela i tingting planti. Nau dispela taim yet yangpela meri i wok long tanim rop. Em i tanim rop i stap inap wan mun i go pinis. Wanpela taim gen dok i kisim kaikai na em i go long bus na kisim wara bilong en yet. Dispela taim tu yangpela meri i kisim rop na i pasim long tel bilong dok na em i bihainim dok i go klostu

Dok i kamapim raunwara



rop i pinis na yangpela i was i stap klostu long wanpela diwai i mau.

Nau dok i go antap long wanpela bikpela diwai pikus na em i dringim wara. Bihain em i laik i kamdaun na nogat, yangpela meri i bikmaus.

Yangpela meri i tok, yu mekim wanem? Dok i sem na i tok, "mi dring wara". Bihain yangpela meri i holim dispela bikpela diwai pikus na i pundaun na bruk bruk. Man, dispela taim wara i laik kisim olgeta ples, yangpela meri klostu wara i laik kisim em.

Dispela taim dok i tok: "I pu Kutubu yura yu tengteng". Dispela tok i olsem, Wara Kutubu, yu no ken kamap bikpela. Dispela

taim wara i stap em i no meknais. Nem bilong dok em Nol na nem bilong meri Temoki.

Taim mipela i go long Kutubu, mipela i save lukim dispela bikpela diwai pikus long namel tru bilong wara. Nau mak bilong dok tu i stap long dispela diwai. Taim yu go long kutubu, yu inap long lukim planti dok i stap arere long wara Kutubu.

Sapos dispela yangpela meri i no mekim olsem long Sauten Hailans, mipela i no inap dringim wara i stap. Ol dok tasol bai dringim wara. Yu no inap long lukim Wara Kutubu i kamap long wanem em i stap tasol.

Mi laikim helpim long hevi mi gat long en

Dia Laiplain,


Mi gat wanpela gelpren tasol em i stap longwe long mi. Mipela i save rait i go na i kam long wanpela narapela. Mi save tingting tumas long em na mi save laik slip wantaim em. Mi save laik slip wantaim em tasol bikos em i no stap wantaim mi, mi save pila pilai long mi yet. Mi wok long mekim dispela planti taim na nau e mi kamap olsem wanpela hevi long mi.

Inap Laiplain i givim mi sampela tingting long daunim dispela hevi? Inap yu tok klia long mi sapos pasin long pilapilai mi yet em i wanpela hevi long sait bilong helt?

DOUBTFUL

Dia Pren,

Olsem wanpela Kristen ogenaísesen, Laiplain i mas toksave olsem sapos yu no marit yet na yu slip wantaim meri bai ino inapim laik bilong yu gut long wokim marit pasin. Em bai kamapim moa hevi na



wari long yu na ol arapela pipel moa. Dispela em ol hevi olsem yu no plenim na i gat pikinini we yu i no redi yet long em nay u i no laikim, kisim sik STD olsem gonoria na sifilis, AIDS na pilim nogut.

Mipela i laik mekim klia long yu olsem pasin bilong pilapilai yu yet i save kamap long planti singel man. Taim yangpela man i kamap long namel tins bilong em o long krismas olsem 15 na 17, bodi bilong em i save kamapim planti kiau. Taim nupela kiau i kamap, bodi i mas rausim olpela kiau. Na dispela i kamap taim em i slip (long rot ol i kolim long wet driman) na

taim em i pispis. Sapos em i no sik, bodi bilong em bai kamapim ol nupela kiau olgeta de na em i no inap long wari long rausim olpela kiau.

Em i nomol long planti yangpela man long krismas grup bilong yu long wokim pasin bilong pilapilai yu yet na plant i no wari long dispela. Bikos ol i save marit na lusim dispela pasin. Tasol sampela i wari tru long dispela na ol i save rait i kam long Laiplain long kisim helpim. Tasol plant ii save wari bikos ol i no save tumas long ol samting i kamap long bodi bilong ol na ol i ting olsem sapos ol i pilapilai long ol yet, bai ol i no inap wokim bebi bihain taim.

I gat planti stori i no gutpela long pasin bilong pilapilai long yu yet na ol hevi i ken kamap long dispela, tasol plant i no tru. Planti em long stopim ol yangpela pipel long wokim dispela. i nogat hevi long bodi o sait bilong helt...tasol sapos man i wokim planti taim insait long wanpela de, tingting

bilong em bai i no gutpela.

Planti pipel i ting i nogat samting rong tasol yum as kontrolim na noken larim dispela i kontrolim yu. Yu ken kontrolim sapos yu laik na yu putim bikpela tingting long stopim dispela pasin. Prei e mi wanpela bikpela samting long kontrolim dispela pasin na mipela i laikim bai yu putim dispela hevi bilong yu long preia.

Laiplain

Mipela i save toktok long ol hevi we i kamap tru. Sapos yu gat hevi, rait i kam long LIFE-LINE, P O Box 6047, Boroko, NCD. K2 long Putim K2 na Laiplain i ken salim bekim leta bilong yu. Dispela K2 em i bilong baim envelop, stem samting. Putim trupela nem bilong yu na mipela i ken salim pas i kamp stret long yu. Mipela i no inap putim nem tru bilong yu long stori.

Laiplain



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Albizia procera (brown albizia)



Albizia procera (brown albizia)

Nem bilong en: brown albizia, white siris

Ples diwai i kam long en: Australia na Oceania; Papua Niugini, Saut Is Esia, Saut Esia.

Groa bilong dispela diwai: Ol bikpela diwai i ken groa inap long 25 mita longpela na 35 cm raunim namel bilong em (d.b.h.o.b i sanap long 1.3 mita).

Gutpela stretpela bikpela han diwai bilong em, tasol sampela taim em i save krungut liklik; het bilong diwai i save op. Em i gat gutpela strong bilong groa wantaim ol arapela kain diwai spisis. Kala bilong insait long diwai em i golden braun wantaim hap i bilak.

Ples we em i save groa: Em i save laikim ren inap long 500 -300 milimita ren; hat o kol bilong em i save sanap namel long 21 na 32 digri sentigred; em i save groa namel long 0 na 1300 mita; em i ken strong long 608 mun we ples i drai; em i save laikim san; na i save groa insait long graun we i alkalain mak bilong en i stap long pH 5.5 - 7.5; em i save laikim ol graun i gat planti minere long en; ol han diwai bilong ol bikpela diwai

i save bruk long bikpela win.

Em i no save gutpela long groa long ples kol o ais olsem na em i no save groa tumas long ples long het bilong maunten.

Bikpela bilong em:

-Long gutpela ples, ol diwai i 12 krismas i ken groa namel long 0.90 - 1.1 mita raunim namel bilong em na longpela bilong em i ken go inap 15 mita.

Yu ken yusim dispela diwai:

-Em i save givim bek gris long ol graun i nogat gris.

-Gutpela strongpela timba; i save groa gut long graun we i no dip tumas na i gat ston long en na i ken strong long taim bitong longpela taim bilong drai.

-Bilong ol diwai prodak, em i save karim samting olsem 10 m3/ha/yia i save kamap long gutpela ples.

Yu mas katim daunim ol han diwai na lip long strongim.

-Dwai kwalati em i gutpela bilong yusim long mekim ol kebinet na plaiwut, ol kanu na sit bilong paia.

-Paia wut - i ken kamapim namel long 4900 na 5000 kcal/kg

-Ol lip i save givim gutpela karamap. Yu ken katim rausim ol lip long yusim olsem kaikai bilong ol animal.

-Dwai yu ken yusim bilong senisim ol wainut diwai bilong mekim haus.

Rot bilong groim: Em save groa gut long ol sidling, ol kating, ol stump, rut sakas o jenerel groim long ol sidling.

Sidling tritmen: Putim ol sid insait long wara i boil, rausim wara long paia, lusim i kol long nait, draim na pekim.

Menesmen bilong diwai: Yu ken planim 3mita x 3mita. Bilong kisim timba, katim olgeta 6 mun inap em i 3 yia.

MCCARTHY & ASSOCIATES (FORESTRY) PTY. LTD.

National & International Forest Consultants

mccaf@datec.net.pg

"Long kisim tok stia long olgeta wok diwai"

Bogenvil bai salim kopra i go stret long Yurop

ILUK olsem Bogenvil, bai eksptom o salim kopra i go stret long Yurop.

Dispela i kamap bihain long ol i kisim sevis bilong wanpela Bankline (benklain) sip long ron namel long Yurop na Bogenvil olgeta mun.

Wanpela ripot i tok olsem dispela sip i bin kamap long Kieta (Arawa), na lodim o kisim kopra.

Dispela i namba wan taim kain wok olsem i kamap bihain long Bogenvil Hevi.

Ripot i tok dispela sip bai karim 1000 tonnes (tans) bilong kopra long ol raun bilong en olgeta mun.

Ripot i tok dispela sip i bin raun i go long Honiara, Solomon Ailans, pastaim long em i kamap long Bogenvil. - **PNGBD.COM**

Benk bilong Kutubu?

William Natera i raitim

RIPOT bilong wok painimaut na glasim sapos i orait long kamapim wanpela maikrofainens benk long Kutubu, Sauten Hailans provins, i kamap pinis.

Long Tunde, wanpela saveman husat i wok wantaim PNG-ADB Maikrofainens, Carlos Ani, i bin givim givim dispela ripot long Siaman bilong Kutubu Special Purposes Authority (Kutubu Spesel Pepeses Atoriti, KSPA), Norman Ba'abi, na sampela ol memba bilong Bod bilong KSPA.

KSPA i kam aninit long Kutubu Lokel Level Gavman na i bin givim K50,000 long PNG-ADB Maikrofainens long karimaut wanpela tripela wik wok painimaut na glasim long Kutubu i no longtaim i go pinis.

Ol i laik kirapim dispela maikrofainens benk we ol manmeri i ken kisim dinau o putim o sevim mani bilong ol long en bikos long taim wok bilong kamapim wel i bin kirap long Kutubu, long Jun 1992 i kam inap nau - na pastaim long dispela taim tu - i nogat wanpela gutpela benking sevis i bin stap bilong ol manmeri.

Mista Ani, taim em i givim ripot long Bod, i tok wok painimaut bilong em i soim olsem i tru olsem i gat nid o bikpela laikim long Kutubu long ol benking sevis.

Em i tok long nau yet planti ol manmeri i save karim mani bilong ol raun wantaim ol, haitim long haus o aninit long graun.

Em i tok ol manmeri i wok long singaut strong long kisim ol benking sevis na ol i gat bikpela laikim long kamapim gut moa sindaun bilong ol.

Mista Ani i givim tok stia long ol memba bilong Bod husat i bin stap olsem sapos ol i bung wantaim ol narapela memba bilong Bod, na ol i wanbel na tok orait long dispela projek long go het, olsem ol i mas wok hat long mekim dispela maikrofainens benk inap long sanap em yet bihain long main i pas.

"Main i no inap stap olgeta. Wel na ges bai pinis. Na planti ol manmeri long Kutubu i save kisim mani long wok o ol royalti, rent o kompensesen we i kam long main. Taim main i pas, ol bai kisim mani we long putim long benk. Olsem na yupela i mas stap

Bensin bilong mipela i orait

ENESI kampani bilong Kanada, InterOil Corporation (InterOil Koporesen) i tok olsem ol ripot olsem Jet A1 bensin bilong ol long Napanapa fektori long Mosbi, NCD, i no gutpela, i no tru.


Jet A1 bensin em bensin we ol bafus i save yusim long ron.

Las wik tasol ol Air Niugini balus long Mosbi i no inap ron bikos Air Niugini i tok bensin ol i bin kisim long Napanapa i no bin gutpela.

Tasol InterOil i tok olsem ol i sampela hap bilong dispela bensin we Air Niugini tok i nogut long en i go long ol hap we ol i save traim na lukim sapos i tru i nogut o gutpela.

Dispela ol traim, kampani i tok, i soim olsem bensin i bin gutpela na i bungim olgeta mak we ol intanesenel lo i tok long en.

Ol balus bilong Air Niugini i wok long ron gen.



Kutubu wel na ges projek.

long mak we yupela i ken lukautim ol bihain long main i pas," em i tok.

Mista Ani i bin givim ol tupela rot we ol inap kisim long kamapim dispela benk, tasol Wantok Niuspepa i no inap go insait long ol dispela rot inap Mista Ani i givim narapela ripot bilong em long Bod long Epril 15.


Mista Ba'abi i tok olsem i gutpela long skelim tupela rot, tasol wanem rot ol i kisim em i no bikpela samting tumas, bikpela samting em long karim sevis i go long ol pipel.

Em i tok olsem long wanpela bung long Madang provins i no longtaim i go pinis wantaim ol papagraun bilong Kutubu, planti bilong ol i bin tok olsem ol i les long toktok long wel na ges, ol i laik toktok long Memorandum ov Agrimen o wanbel ol i bin gat wantaim Gavman bilong Papua Niugini taim maining i bin kirap, we i bin tok olsem ol i bai kisim ol sevis.

Planti ol papagraun i pilim olsem ol i no wok long kisim ol dispela sevis, olsem ol benking sevis, Mista Ba'abi i tok, na em na ol narapela memba bilong Bod bai wok strong long fukim olsem dispela i senis.

Cat® 'C' Series Hydraulic Excavators

305C, 307C,
308C, 311C,
312C, 314C,
315C, 318C,
320C, 322C,
325C, 330C



Caterpillar® 'C' Series Hydraulic Excavators incorporates innovations for improved performance and versatility.

- **Engines and Hydraulics** - Cat® engines combine with proven hydraulics to give consistently high power and control in the field.
- **Structures** - Rugged Caterpillar® undercarriage design and proven structural manufacturing techniques assure outstanding durability in the toughest applications.
- **Operator Stations** - Operator work stations are quiet with ergonomic control placement and convenient adjustments, low lever and pedal effort, ergonomic seat design and highly efficient ventilation.
- **Serviceability** - Longer service intervals and easier maintenance results in better machine availability and lower owning and operating costs.

Hastings Deering



PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155

RABAUL
Phone: 982 1244
Fax: 982 1129



Harim TOK PISIN long
Radio Australia 101.9FM Port Moresby

PASIFIK NIUS

Samoa niusman les long
stap long kibung long Tonga

BOSMAN bilong wanpela niuspepa kampani bilong Samoa i bin tok lukaut olsem em bai i no inap go stap insait long wanpela rijinel nius kibung bilong wanem em bai kamap long Tonga.

Savea Sano Malifa i tok ol niusman bilong niuspepa bilong em - Samoa Observer, bai i no inap long go stap insait long konsvensen o kibung bilong Pasifik Ailan Nius Asosiesen (PINA) bilong wanem em bai kamap long Nukualofa long dispela yia.

Em i autim dispela tingting bilong em bihain long Gavman bilong Tonga i bin tambuim wanpela niusman, Mike Field, husat i save stap long New Zealand long noken go raun long Tonga.

Em i tok sapos Tonga i no rausim dispela tambu pastaim long mun Oktoba, niuspepa bilong em bai askim tu gavman bilong Samoa bilong askim ol arapela nius manmeri bilong en long noken go long dispela bikpela kibung bilong nius.

Samoa laik pasim raun bilong ol manmeri

SAMOA i putim tambu long ol manmeri bilong Amerika husat i

laik go insait long kantri stat long mun Mei.

Em i tok aninit long lo i stap nau, ol bilong teritori i ken go insait long Samoa aninit long wanpela 30-de visa pepa na i nogat nid long i gat wanpela pemit.

Ol i bin kirapim 14-de pemit pepa namel long tupela samoa namba wan taim bilong larim ol bisnis manmeri bilong Samoa, ol famili na ol lain i raun nating long raun abrusim taim o de. Tasol nupela Atoni Jenerel Sialega Togafau i tok em bai pasim dispela 14-de pemit bilong lukluk gut ken long dispela lo nau bilong wanem i gat ol samting i wok long soim olsem ol manmeri bilong tupela kantri wantaim i wok long brukim lo.

Tripela Solomon Ailans manmeri i gat sik HIV/AIDS

HELT Minista bilong Solomon Ailans, Benjamin Una, i tok i gat nau tripela manmeri i karim dispela binatang HIV we i save kamapim sik AIDS insait long kantri.

Em i bin tokaut long dispela namba taim em i tokaut long lonsim bilong Nesanel HIV polisi na Malt Sektoral Stratejik Plen bilong 2005 na 2010. Nesanel Redio bilong Solomon

Ailans i bin kisim toktok bilong minista na i bin tok olsem ol i bin makim samting olsem 5-pela ten manmeri long kantri nau ol i gat HIV/AIDS.

Mista Una i bin tok long ol dispela manmeri ol i ting i mas i gat dispela sik, sikspela ol i bin save long ol olsem ol i bin gat dispela sik stat yet long 1995. Em i tok stat long mun Janueri las yia, 5-pela manmeri i bin painim olsem ol i bin karim dispela binatang HIV na tripela long ol i bin gat sik AIDS na i dai pinis.

Delegesen bilong Nu Silan raun long Pasifik

FOREN Minista bilong Nu Silan, Phil Goff i go pas long wanpela 75-man delegesen bilong ol memba bilong palamen, ol bisnismen na ol save-man long wanpela lukluk raun i go long Niu Caledonia, French Polynesia na Rapa Nui.

Dispela sikspela de lukluk raun i stat long Tunde na bai ol i tok-tok wantaim Presiden bilong New Caledonia, Marie-Noelle Themereau, Presiden bilong French Polynesia Oscar Temaru na ol arapela biknem lida insait long tupela French teritori.

Em bai bungim tu Gavana na meya bilong Rapa Nui Ista Ailan

em i wanpela hap bilong Chile nau.

Mista Goff i tok olsem dispela kain raun long olgeta yia i save mekim ol wok helpim bilong Pasifik i kamap gutpela long ol samting ol kantri insait long dispela rijon i save laikim.

Em i tok tu olsem insait long dispela raun, ol bai putim bikpela tingting long strongim ol wok pren bilong Nu Silan wantaim ol Pasifik kantri na makim sapot bilong Nu Silan i go long Pasifik.

Bikpela hai wara i kamap long Nelson rijon long Nu Silan

OL pipel bilong Nelson long Nu Silan i wok long klinim ol ples bihain long bikpela hai wara i bin kamap long dispela hap, we i bin bagarapim ol bris, kamautim ol diwai, na brukim ol banis bilong ol fam.

Dispela hai wara tu i bin pasim bikpela haiwe long saut wes bilong Nelson, bihain long bikpela tait wara long Motupiko Wara wantaim tu ol liklik han wara long rijon i bin solap na kapsait i go long ol fam na bikpela rot.

Ol enjinia bilong tokol kaunsol i wok long glasim mani mak bilong bagarap na ol i ting bai i go antap long 50 tausen dola.

WOL NIUS

Australia i lusim planti moni long stretim gut detensen senta AUSTRALIA Imigresen Minista i tok ol protes o wok kros i bin kam aut long Baxter imigresen senta bilong holim ol refuji i no bin gutpela long ol kalabus i stap insait long en long Saut Australia.

Pait i bin bruk namel long ol lain i mekim protes na ol polis husat i putim ol raiot yunifom.

Polis i bin holim na sasim 16 manmeri long dispela birua.

Imigresen Minista Amanda Vanstone i tok ol i bin lusim planti mani bilong wokim banis bilong dispela senta bai ol dispela ektivis o man i save pait agensim ol dispela kain banis i no inap long brukim na go insait.

Wok i stat pinis long helpim pipel long Nias, Indonesia

Ol wok i stat nau bilong helpim ol pipel i kisim bagarap long ol bikpela guria i bin kamap long nambis bilong sumatra, long samting olsem 24-aua i go pinis.

Ol balus i bringim helpim i stat long kamap pinis long Ailan bilong Nias we i bin kisim bikpela bagarap tru long dispela guria.

Indonesia Red Cross i tok samting olsem 1,000 manmeri olgeta i mas dai pinis long Ailan bilong Nias.

Tasol sampela i tok ating dispela namba i mas stap raun long 3 o 400.

Nau yet, 20,000 pipel i stap long taun Gunung Sitoli, kapitel bilong Nias island i nogat gutpela wara bilong dring.

Presiden bilong Indonesia Susil Bambang Yudhoyono i kamapim pinis stet ov imejensi na i go pinis long Nias long painim aut gut long bagarap i kamap long ailan.

Ol kantri i salim tok sori

Planti kantri i salim pinis tok-sori na promis bilong givim helpim i go long ol pipel i bungim hevi long dispela guria.

India i tokaut pinis long givim 2 million US dola bilong helpim wantaim ol rilip wok.

Praim Minista Manmohan Singh bilong India i salim tu tok-sori bilong em i go long Presiden bilong Indonesia.

Presiden George W Bush bilong Amerika i givim tu tok-sori bilong em i go long ol pipel i bungim hevi na bagarap long dispela guria.

Em i bin tok, ol prea bilong em i wantaim pipel bilong Indonesia na gavman bilong em i redi long givim helpim wantaim moni.

Ol Australia soldia i go bek

Wanpela lain soldia bilong Australia i lusim pinis kantri long go bek long Indonesia bilong helpim wantaim ol rilip wok.

Planti long ol dispela soldia i bin kam bek tasol long Australia bihain long stap long Indonesia bihainim kamap bilong sunami long mun Disemba.

Samantha Hawley i ripot olsem, Difens Minista Robert Hill i tok ol lain militari medical tim na tupela hercules balus bai i go long ailan, wantaim tu navi sip, HMAS Nanimbla, nau i wok long ron i kam bek bihain long sunami relief wok, tasol nau em bai tanim na ron i go bek long Indonesia.

Senator Hill i tok, em bai putim moa wok long ol dispela manmeri.

Ol soldia bilong Australia i tok ol i no wari long go bek long helpim ol pipel bilong Indonesia.

Ol manmeri i bin pret long sunami tu taim guria i kamap.

RADIO TOK PISIN PROGRAM

TUNE IN: 101.9 FM

Radio Australia Tok Pisin Program - stat long mun Mas 2005

MANDE Morning
6AM Stesen Op - Nius na Karen Afeas
6.30AM Ol Hetlain - Musik na Chat
6.55AM Hetlain na Musik
7AM Stesen Pas
Nait
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Helt
8.15PM Musik
8.30PM NUIS
8.40PM Spots Riplei
8.55PM Musik
9PM Stesen Pas

TUNDE Morning
6AM Stesen Op - Nius na Karen Afeas
6.30AM Nius Hetlain - Musik na Chat
6.55AM Hetlain na Musik
7AM Stesen Pas
Nait
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Mama Graun
8.15PM Musik/Spots
8.30PM NUIS
8.40PM Helt Riplei
8.55PM Musik
9PM Stesen Pas

TRINDE Morning
6AM Stesen Op - Nius na Karen Afeas
6.30AM Ol Hetlain - Musik na Chat
6.55AM Hetlain na Musik
7AM Stesen Pas
Nait
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Focus
8.15PM Musik/Spots
8.30PM NUIS
8.40PM Mama Graun Riplei
8.55PM Musik
9PM Stesen Pas

FONDE Morning
6AM Stesen Op - Nius na Karen Afeas
6.30AM Ol Hetlain - Musik na Chat
6.55AM Hetlain na Musik
7AM Stesen Pas
Nait
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Youth
8.15PM Musik/Spots
8.30PM NUIS
8.40PM Focus Riplei
8.55PM Musik
9PM Stesen Pas

FRAIDE Morning
6AM Stesen Op - Nius na Karen Afeas
6.30AM Ol Hetlain - Musik na Chat
6.55AM Hetlain na Musik
7AM Stesen Pas
Nait
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Wankok
8.15PM Musik
8.30PM NUIS
8.40PM Youth Riplei
8.55PM Musik
9PM Stesen Pas

SARERE Morning
Sotwev i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na lusim FM sikret.
Nait
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius / Wantok Riplei
8PM Sarah (Famili bilong Sarah)
8.15PM Musik
8.30PM NUIS
8.40PM Musik na Chit-Chat
8.55PM Musik
9PM Stesen Pas

SANDE Morning
Sotwev i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na lusim FM sikret.
Nait
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius / Sarah Riplei
8PM Riviu
8.30PM NUIS
8.40PM Musik na Chit-Chat
8.55PM Musik
9PM Stesen Pas

TOKSWEV: YU KEN HARIM RADIO AUSTRALIA TOK INGLIS LONG 24 HORA I DE LONG WAN WIK

Luksave long mipela husat i wok long ABC Radio Australia...



John Papik
Provins bilong John em long West Sepik o Sandaun, we emi skelim boda wantaim Papua Provins bilong Indonesia.

Kenya Kala
Kenya i kam long Central Province. Em i wanpela meri memba tasol bilong Tok Pisin sevis.

Paulus Kombo
Paulus ikam long Southern Highlands Province bilong Papua New Guinea. Nem bilong em i bigpela long Redio Australia long we em i save presentim "Tubuna Story".


Pearson Vetuna
Pearson emi Executive Producer bilong Redio Australia Tok Pisin Service. Pearson ikam long East New Britain Province bilong Papua New Guinea.

Pius Bonjui
Pius i kam long East Sepik provins, na ino long taim i go pinis i produsim gavanes sins "Taim Bilong Toktok". Em nau lukautim niupela "Yut Forum"

Warlum Benson
Warlum, husat i kam long East New Britain Provins, i wanpela long ol pipal husat i bin statim PNG sevis bilong Radio Australia long 1974.

Douglas Gabb
Doug, husat i bilong Madang Provins long Papua New Guinea, i save produsim na presentim wanpela program bilong suslenabol developmen ol kolim "Mama Graun".

Peter Jonah
Peter i kam long Rabaul long East New Britain provins. Em i save wokim program "Wantok Long Australia", we em i save tok-tok wantaim ol wantok bilong PNG.



ABC RADIO AUSTRALIA TOK PISIN

PMSA Prisisen Dro
Semi fainol na gren fainol
 Sarere 2/04/05

Bisini Wan (1)
 Semi fainol
 Taim Tim Divison
 8:30 University vs Verave man

Bisini Tu (2)
 8:30 Souths Utd 1 vs PS Rutz man
 10:00 Souths Utd vs Momads (3rd/4th ples) meri
 11:35 Telikom vs Rapatona i (g/f) meri
 13:10 Looser A vs Looser B (3rd/4th Place setters) man
 14:45 Winner A vs Winner B (G/FI) man

Fairfax Volleyball
Sisen propa
 Sarere 2/04/05
 Sir John Guise Indoor Stadium

Meri Divison - Kot 1
 Taim Tim Divison
 08:30 14 Mixers vs Freeway Hox WAR
 09:40 Kakidos vs Tidoria WAR
 10:50 Dolphins vs Fire Fox WAR
 12:00 Telikom vs TI Doria WA
 1:10 Esi Loan Neibas vs Wet (Zenewai) WA
 2:20 Seeto Kui POM vs Arnotts WA
 3:30 Lagoons vs Frenz WA

Meri Divison - Kot 2
 08:30 Trans Hi Way vs Wet

(Zenewai) WAR
 09:40 Telikom vs Arnotts WAR
 10:50 Seeto Kui POM vs Badili Hides WAR
 12:00 Dolphins vs Yonkies WA
 1:10 Trans Hi Way vs Freeway Hox WA
 2:20 Badili Hides vs Fire Fox WA

Man Division - Kot 3
 08:30 Telikom vs Kakidos MAR
 09:40 14 Mixers vs Freeway Hox MAR
 10:50 Moukele vs Wet (Zenewai) MAR
 12:00 Lagoons vs TI Doria MA
 1:10 Fire Fox vs Seeto Kui POM MA
 2:20 Frenz vs Wet

(Zenewai) MA
 3:30 Telikom vs Freeway Hox MA

Man Division - Kot 4
 08:30 Frenz vs Arnotts MAR
 09:40 Esi Loan Neibas vs TI Doria MAR
 10:50 Fire Fox vs Dolphins MAR
 12:00 Esi Loan Neibas vs Kakidos MA
 1:10 Moukele vs Yonkies MA
 2:20 Arnotts vs Dolphins MA

Bai: 14 Mixers (MA & WA)

Pot Mosbi Ragbi Lig
 SP dro- Raun 5
 Sarere 2/04/05


Graun 1

Taim Tim Gret
 09:00 Defence vs Waliya res
 10:30 Royals vs Paga res
 12:00 Puma vs Kone Tigers res

1:30 Defence vs Waliya A
 3:00 Royals vs Paga A
 4:30 Puma vs Kone Tigers A

Graun 2
 09:00 Dobo Warriors vs Magani res
 10:30 Souths vs Hawks res
 12:00 West vs Tarangau res

Sande 5/05/2005
 Graun 1
 09:00 Brothers vs DCA res
 10:30 West vs Tarangau A
 12:00 Brothers vs DCA A
 1:30 Souths vs Hawks A
 3:00 Dobo Warriors vs Magani A



• Koita Warrior pilaia i holim bal na ting em i autim Pot Mosbi (POM) 1 pilaia Arua Uda long nesenei kriket gren fainol tasol nogat. POM 1 win 9/219 na Koita Warriors 9/63. Foto: ANDREW MOLEN



• PS Rutz Eric Komeng i banisim bal long ol pilaia bilong Rapatona long mein gem bilong PNG Sariti soka long Mande. Tupela tim i dro 1-1 we bihain ol i mekim sut aut we lukim Rapatona i win 4-3. Foto: PAUL ZUVANI



• Ol manki bilong Active Power Systems/Wantok Niuspepa tim i amamas bihain long ol i kamap namba tri ples we ol i kisim plet long PNG Sariti soka long wiken. Foto: ANDREW MOLEN



• Pilaia bilong NJSS i traim long putim bal i go insait long ring long pilai bilong ol wantaim St Theresa long NCD Pablik Sevens divison 6 gren fainol. NJSS win 26-24. Foto: PAUL ZUVANI

PAUL ZUVANI i painimaut laip stori bilong PNG spitmeri Mae Koime na wanem tingting em i gat long pilai bilong em.

Koime laik mekim nem long Wol Yut Sempionsip



Nem: **Mae Koime.**

De mama karim (DOB): **Disemba 14, 1983.**

Krismas: **21.**

Hevi: **55 kilogrem.**

Longpela: **165 sentimita.**

Ples: **Kinipo, Baimuru, Galp provins.**

Wok: **pinisim gret 12 long Goroka Grama Skul long 2003 na nau stap wantaim papamama.**

Stat long ron: **1999 Inta-skul kanivol, Kilakila Sekenderi. Tasol i gat laik long ron taim em i stap yet long Kilakila Praimeri Skul.**

Mak i save ron long ol: **100m, 200m na 400m.**

Las ron (22 Mas, 2005): **Winim gol long 100m na 200m na silva long anda 23 Kwinslen Sempionsip, Australia.**

Redi long narapela ron: **Australia anda 23 sempionsip long 8 - 10 Epril, 2005. Koime i stap tren long redim em yet long Wol Yut Sempionsip long Morocco long 14 - 17 Julai 2005.**

Man i strongim long ron: **Kandre na bipo NBC anaunsa Ori Kenia.**

Kosa: **Naomi Polum na Tony Green.**

Driman i gat laik ron: **Win long Komenwel na Olimpik Gem.**

Ol bikpela pilai i bin kamap long ol: **2002 Manchester, Ingran Komenwel Gems na 2004 Gris Olimpik Gems.**

Man/meri i laik bihainim: **Amerika spitmanmeri Maurice Green na Marion Jones na Cathy Freeman bilong Australia.**

Samting i lainim long ron: **Disiplin, komitmen na wok hat.**

Toktok kosa i givim: **Go het long gutpela ol ron yu mekim. Noken stop long ron. Yu yet i save na mipela olgeta i save olsem yu inap long mekim. Wok hat na bilip long yu yet.**

Toktok papamama i givim: **Daunim yu yet na save olsem yu em yu.**

Toktok i laik givim long ol yangpela: **Ron gut, tren hat na lukaut long wanem samting yu kaikai. Olgeta taim i mas i gat gutpela tingting na bilip long yu yet. Sapos yu tren yu inap long mekim samting yu laik long mekim.**

Wok i laik mekim: **Trevel ejen.**

Kaikai i laikim: **Gaden kaikai, kumu na pis.**

Dring i laikim: **Passio na wara nating.**

Hobi (mekim narapela samting sapos i ron): **Tren, harim musik, klinim ples na mekim gaden.**



Gould ting Roosters lusim bilip

ROOSTERS kosing dairekta Phil Gould i ting klab i nogat bilip long em yet bihain long biknem pilaia Brad Fittler i no pilai na olsem kosa Ricky Stuart i bringim Brett Finch i go bek long hapbek.

Finch husat i mekim kam bek bilong em bihain long em i brukim han bilong em long Raide nait i mas pilai long ples bilong em long faiv-eit we dispela i ken lukim Brett Firman i putim jesi namba 7.

Gould husat i toktok long TV Sanel 9 long Futy So long Sande i tok namba wan haplain bai kamap sapos Craig Wing na Finch i bung wantaim.

"Mi ting gutpela tingting long dispela taim em long pilaiam Brett Finch long hapbek... na mi ting dispela bai i kamap," Gould i tok.

"Mi ting olsem long las tupela yia em i bin pilai wantaim Brad Fittler, em i pilaiam moa long 100 A Gret pilai, em i kisim mipela i go insait long tupela gren fainol, em i pilaiam Stet ov Orijin, mi ting mipela mekim mipela i lusim strong (taim yumi pilaiam Finch long hapbek).

"Mipela i lusim Brat Fittler faiv-eit bilong mipela.

"Firman em i gutpela yangpela pilaia na em bai kamap gut. (Tasol) em i no bin pilai planti... hariap tru em nau bai go



pas long wanpela top tim long ol bikpela pilai.

"Faiv-eit long dispela taim- Craig Wing."

Gould i ting olsem klab i misim Brad Fittler. "Mipela, mi ting, i lusim bilip bilong mipela na long sampela ol samt-

ing em mipela i save mekim," Gould i tok. "Inap long mipela i ken stretim dispela ating oltaim mipela bai painim hat long pilai wantaim ol narapela top sait.

Stuart i tok bai i gat ol senis long dispela wik na em i tok Wing bai pilai long faiv-eit.

Raun 4

Fraide, Mas 25 - Paramatta Eels Vs Penrith Panthers. Yu ken lukim long EMTV long 8.30 long nait.



Sarere, Mas 26 - Melbourne Storm Vs Brisbane Broncos

North Queensland Cowboys Vs Newcastle Knights

Canberra Raiders Vs St George Illawara Dragons

Sande, Mas 27 - Canterbury Bulldogs Vs Cronulla Sharks. Yu ken lukim dispela long EM TV long 4:00-6:00 avinun



New Zealand Warriors Vs Rabbitohs
Sydney City Roosters Vs West Tigers

Referi Robinson kisim taim nogut

NRL bai luktuk go insait long wanpela pasin nogut we wanpela man i tromoi botol i go insait long pilai graum long referi Jason Robinson bihain long kros pait long Mande pilai namel long South Sydney na Canberra long Aussie Stadium.

NRL sif opereting opisa Graham Annesley i tok lig bai toktok wantaim ol sekyuriti opisa long raun long go moa yet long lukim vidio long Tunde long painimaut husat man i bin mekim dispela asua na stopim em olgeta.

"Tru tru mipela i no laikim kain ol sapota long ol pilai bilong mipela," Annesley i tok.

"Mipela i mas lukim vidio piksa pas-taim na kisim ripot long ol sekyuriti opisa bipo long mipela i ken stopim wanpela man.

Dispela botol i bin paitim baksait nek bilong Robinson tasol gutpela tru em i no kisim bagarap.

Dispela em i namba tu taim we ol i mekim olsem long referi.

Bipo long dispela wanpela man husat i putim yunifom bilong New Zealand Warriors i mekim wankain pasin long tromoim wanpela samting long referi Tony Archer bihain long tim bilong em i lus



long North Queensland Cowboys long Auckland long Sande.

Dispela samting em man ya i tromoi i no paitim Archer tasol em i tok sori long Archer long wanem samting em bin mekim.

Steve Lyons na Robinson, husat botol i bin paitim, i referi long Mande em NRL i yusim long long traime dispela nupela inta-senis sistem.

Robinson i bin referi pastaim long 20 minit na Lyons i kisim ples bilong em na referim olgeta bilong dispela pilai.

Long dispela taim ol Rabbitohs i winim penolti kaun 8-2.

Long namba tu hap Rovins i kisim ples na rivesim penolti kaun we i lukim 10-10 long tupela sait wantaim.

Raiders kosa Matthew Elliot na wanwok bilong em Shaun McRae i no laik long toktok long dispela kain mak tasol kepten bilong Souths Bryan Fletcher i no laikim tru dispela lo o sistem bilong inta-senis.

Planti lain i no amamas long dispela sistem.

NRL Poin Lata

Klab	P	W	D	L	B	P/D	Pts
1. Sea Eagles	3	3	0	0	0	39	6
2. Raiders	2	2	0	0	1	32	6
3. Storm	3	2	0	1	0	65	4
4. Broncos	3	2	0	1	0	19	4
5. Cowboys	3	2	0	1	0	9	4
6. Roosters	3	2	0	1	0	2	4
7. Sharks	3	2	0	1	0	-12	4
8. Wests Tigers	2	1	0	1	1	-15	4
9. Bulldogs	3	1	0	2	0	5	2
10. Rabbitohs	3	1	0	2	0	4	2
11. Panthers	3	1	0	2	0	-4	2
12. Warriors	3	1	0	2	0	-4	2
13. Eels	3	1	0	2	0	-15	2
14. Knights	2	0	0	2	1	-63	2
15. Dragons	3	0	0	3	0	-62	0

* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Top 10 poin skora

Pilaia	Tim	Poin
1. Hazen El Masri	Bulldogs	34
2. Mat Orford	Storm	32
3. Clinton Schifcofske	Raiders	32
4. Stacey Jones	Warriors	30
5. Michael Witt	Sea Eagles	28
6. Joe Williams	Rabbitohs	27
7. Luke Covell	Sharks	26
8. Josh Hannay	Cowboys	26
9. Craig Fitzgebbon	Roosters	22
10. Pristine Cambell	Sharks	20

• **Kaman givim siksti ...Adam MacDougall bilong South Sydney Rabbitohs i laik brukim banis bilong Canberra Raiders long pilai bilong ol long Mande.**

Maski em i traime hat tasol i hat Raiders i strong moa na win 25 - 18.

Bekim bilong dispela em i brukim bun bilong hap bek bilong Raiders Withers husat i go aut.

Long dispela wiken tim bilong em bai pilai wantaim New Zealand Warriors.



• Jason Smith (namel) bilong Canberra Raiders kaikaim tim long brukim difens.

Sofbol makim Palau Gems skwat

Andrew Molen i raitim

PAPUA Niugini Sofbol Federesen i tokaut long PNG tim we bai i go long Saut Pasifik Mini Gems long Palau bihain long dispela nesanel sempionsip we i kamap long Mosbi long Ista wiken.

Tim bilong ol man em: Blaise Tatai, Bobby Bais, Daniel, Isikiel (Jr) na Demas Tovia, Dick Bart Jr, Siani Turlom, Tony Dapel (Pot Mosbi), Esau Vinarang, Mark Simon (Madang), Anslom Bunbun, Danny Malum, John Kiapen, Junior Pulu, Michael Junior, Peter Simon na Steven Koilamus (Lae).

Tripela risev husat ol bai i no inap go wantaim tim em Brittain Zale, George

Petau (Lae) na Nelson Kiap (Pot Mosbi).

Ol selekta i makim planti yangpela pilaia long go long dispela gem bilong wanem ol i laikim bai ol i kisim eksperiens na save long pilai long intanesenel level bai ol i strong na redi long Saut Pasifik gems long Samoa long 2006.

Tim bilong ol meri em: Tara na Shirley Tomangana, Heni Varpin, Beverley Pasen, Stephanie Manning, Wendy Katusese, Pauline Bulumaris (Lae), Georgina Moke, Tracy King, Natalie Bart, Wendy Songai, Emma Markis, Shirley Gireng (Madang), Margaret Josephs, Antonia Tatai, Mechtel Raymond, Jenny Pilak (Pot Mosbi), kosa em Robin Kunai na Tim Menesa em Julie Tatai.

Long wankain taim PNG sofbol federesen i tokaut tu long ol nupela eksekutiv bilong ol we ol i makim long wanpela miting bilong ol las wik.

Chris Bais em i presiden, vais presiden em Ralph Tarasomo bilong Madang na jenerel seketeri em Joe Lumaris husat tu nau i stap olsem nesanel sofbol kosing dairekta.

Harry Keket i kisim wok olsem tresera we em i bin holim bipo namel long 1991 na 1994. Bais i tok wanpela bilong ol pten bilong em, em long kisim sofbol i go bek long ol ples we sofbol i dai pinis. Dispela em ol ples olsem Mendi, Kerowagi, Kavieng, Rabaul, Kokopo, Popondetta na Alotau.

Lae, Madang i sofbol sempion

Andrew Molen i raitim

LAE na Madang em ol sempion bilong sofbol bilong ol man na meri bihain long dispela nesanel sofbol sempionsip we i kamap long Mosbi long las Fraide i kam inap Mandé.

Lae i kambek strong insait long las tripela ining bilong ol long daunim Pot Mosbi husat ol i bin go pas long gem 6-3 tasol ol i no holim strong na ol manki long Wopa kantri i kambek na win.


Long gem bilong ol meri, nogat man i save husat tru bai inap long winim taitol taim tupela tim wantaim, Lae na Madang i pas long 7-7 long laspela inings tasol taim fes bes fida Natalie Bart i kam sanap em i save olsem olgeta tingting i pas long em long noken aut na paitim wanpela gutpela bal na kisim Georgina Moke na Robina Dingus i kam long hom bes.

Ol dispela tingting i mekim em i no sanap strong na planti bal em i paitim i go long sait we ampai i singaut "Faul!"

Taim tingting bilong em i stret nau Bart i makim wanpela bal bilong Lae pitsa Rodi Luke na givim hatwan stret we i lukim ol tripela i kam long hom bes na givim ol 10-8 skoa long win na kisim taitol.

Pot Mosbi i tok taitol i bin i stap namel long Lae na Madang long las tripela yia na ol i laik kisim i kam bek long siti tasol Lae husat ol i winim las yia na i kam long difenim taitol bilong ol i gat narapela tingting.

Pot Mosbi i kisim fil pas na dispela i lukim Lae i kisim wanpela ran tasol i kam long John Kiapen. Pot Mosbi i no westim



• Natalie Bart (paitim bol) husat i paitim bal long kisim win i go long Madang long nesanel sofbol sempionsip gren fainol pilai wantaim Lae.

taim bihain long Turlom, Ezekiel Tovia (Jnr) i kam long hom bes we i kisim skoa bilong fes ining i go 2-1 long Pot Mosbi. Long namba tu ining Lae i no kisim wanpela ran tasol Paul Bogan na Blaise Tatai i skoa bilong Pot Mosbi we i surukim skoa bilong ol i go 4-1.

Lae i kambek long namba tri inings wantaim tupela ran i kam long pawahaus beta bilong ol Michael Kalas na Kiape na Dick Bart i skorim wanpela ran tasol bilong Pot Mosbi we i kisim ol i go 5-3. Tupela tim wantaim i skorim wanwan ran bilong ol i kam long Brittain Zale bilong

Lae na Turlom bilong Pot Mosbi we i kisim skoa i go 6-4.

Long namba faiv ining Lae i skorim tupela moa ran i kam long Watum Gideon na Noru John tasol Pot Mosbi i no kisim wanpela ran na dispela i putim skoa bilong ol i stap olsem 7-6 we Lae i go pas.

Namba siks ining i lukim Kalas i kisim wanpela ran gen bilong Lae long kisim i go 8-6 bihain long Pot Mosbi i no skoa.

Pot Mosbi i traime ken long laspela ining tasol ol i kisim wanpela ran tasol na dispela i no inap long abrusim skoa bilong Lae na ol i lus.

Word Publishing win namba 4 taim

Paul Zuvani i raitim

Word Publishing Kampani publisasi bilong *Wantok Niuspepa* i win namba foa taim long PNG Sariti 7's asait soka pilai long wiken.

Word Publishing soka tim i winim P Mobil 1-0 long gren fainol pilai long Ista Mandé. Tim i winim tropi long 2000, 2001, 2003 na nau 2005 stat long taim kompetisen i stat long 1999.

Moa long 12-pela kampani tim bilong ol meri i traime bun long foapela de resis we fainol bilong em i bin kamap namel long Word Publishing na Bee Mobile.

Word Publishing tim kepten Frederika Siwin i tok em i no save long as bilong win bilong ol.

"Mi no save wanem samting i mekim na mipela i win tasol



Word Publishing soka tim. Foto: PAUL ZUVANI

mi ken tok ol pilaia i pilai long tingting bilong ol yet. Mipela i laik amamas tasol long pilai bilong mipela," Siwin i tok.

"Mi ting planti ol pilaia em ol

soka meri.

"Long ol yia sampela ol pilaia i wankain tasol maski i gat nupela ol pilaia ol i join tasol na pilai.

Wetlifta brukim rekot

Andrew Molen i raitim

WANPELA nesanel rekot na foapela pesenel best o namba wan rekot bilong wanpela man yet i kamap long ista wiken las wik long Nesanel Wetlifting Sempionsips long Mosbi.

Brenda Goro bilong Simbu i brukim rekot bilong "Snatch" taim em i apim 80kg na bihain em i apim 97.5 long "clean-and-jerk" long winim 75kg divisen pas long bipo sempion Hekure Joe na nupela lifta Mathilda Jack.

Joe husat i makim Hanuabada ktub long Pot Mosbi aninit long Douglas Mea i apim inap long 150kg long kamap seken na Jack husat i bilong Enga tasol i makim Taurama Leisure senta we dispela tonamen i kamap i kam namba tri wantaim 132.5kg.

Joe na Jack i no inap long dispela divisen we i lukim Goro i go pas long ol wantaim 20 poinis.

Jodie Kokiva i rekotim tupela pesenel bes taim bilong em long Snatch na Clean-and-Jerk wantaim long winim 69kg divisen.

Kokiva husat i bin makim PNG namba wan taim long Fiji long traime bilong Olimpik i strong tumas long tupela wan salens bilong em, Edlyn Miso na Aino Andrew.

Miso i no bin pinisim wanpela lift o taim bilong em long apim wet na Andrew i bin inap long apim 37.5kg tasol long Snatch na 55kg long clean-and-jerk long kam seken wantaim 92.5kg long olgeta hevi em i apim.

Bede Lega Vada bilong Badihagwa mekim wanpela pesenel best bilong em tu wantaim 55k long Snatch na 67.5kg na narapela 67.5kg long bungim total i nap olsem 122.5kg long winim 75kg divisen na Guba Hale husat i apim 57kg long snatch i bin inap long apim tasol long apim narapela 65kg long kisim wankain total olsem bilong Hale long 122.5kg.

Joyce Kaugla husat i nupela tu i bin inap long apim 37.54kg long snatch na 45kg long kamapim 82.5kg.

Long 58kg divisen, Rita Kari i putim wanpela pesenel bes bilong em tu wantaim 65kg long snatch na 90kg long clean-and-jerk long win wantaim total olsem 155kg pas long nupela lifta, Margaret Luke husat i bin inap long apim 135 long 60 insait long snatch na 75kg long clean-and-jerk.

Miria Vagi i bin apim total i nap long 107.5kg, em i rekotim 50kg long snatch na 75kg long clean-and-jerk we Esther Siaka i bin inap tasol long apim 70kg total bihain long em i no bin pinisim gem.

Long divisen bilong ol man, Leo Kivavi i pinis fes wantaim 182.5kg pas long Regori Lolo husat i apim tasol 160kg na Joe Nomuno wantaim 157.5kg.

Sauten rijon soka tonamen

SAUTEN rijon bai holim soka tonamen bilong em long Pot Mosbi long Jun 10 -13, 2005. Siaman Scott Vavine i tok amamas long Pot Mosbi Soka Asosiesen i tok orait long ol i yusim pilai graun long holim ol pilai. Em i tok PSA i bin gutpela tru na i laik larim ol pilai i kamap long graun bilong em. Tasol Vavine i laik bai wanwan ol soka asosiesen na tim i mas tokaut long tingting bilong ol na baim nominesen fi bilong ol bipo long komitit bilong em i sindaun na skelim ol tim na kamap wantaim ol dro. Taim bilong ol tim i baim nominesen fi bilong ol em 31 Mei, 2005. "I mas i ga gutpela menesmen long wanwan ol asosiesen na ol tim na dispela wanwan ol asosiesen i mas lukim pilai bilong ol i kamap gut long olgeta yia," Vavine i tok. Ol asosiesen husat i laik tokaut long tingting bilong ol i mas ringim em o Frank Kauri long telepon namba 325 1991/326 2188.

SP spot awot nominisen i pas

PAPUA Niugini Spot Federesen i tok nominisen bilong 2005 SP Spot Awot i pas long tumoro. Na long dispela as Opis i askim olgeta manmeri na ol federesen long salim nem bilong ol bipo long dispela det. Seketeri Jenerol bilong PNGSF Sir John Dawanincura i tok em i amamas long ol i givim nem pinis tasol husat i no givim yet i mas salim i kam hariap. "Bikos nau long sait bilong mani we ol taim i hat em sans bilong salim ol nem bilong yupela bai ken lukim gutpela mak sapos yu i win. Presentesen bai kamap long 28 Mei.

"Tasol mipela i amamas long win bilong mipela.

Em i gutpela long lukim nem bilong Word Publishing Kampani i stap long tropi.

"Mi amamas long wanwan ol pilaia olsem gol kipa Marina Popal, Daisy Raburabu, Fredrica Kelep, Leila Gilchrist, Carol Penevi, Isabelle Popal, Gereldine Eka, Margaret Aka, Bella Tekwie, Patricia Siwin, Sanda Alau, Regina Sui, Joan Neusimate, Doris Maliou, Angie Manuai, Raela Wari Olgeta i pilai strong long lukim win bilong mipela."

"Bai mipela kam bek gen neks yia."

Long narapela bikpela o mein pilai long dispela de, Rapatona na PS Rutz Sariti Kapi bin pilai long gren fainol bilong ol.

Rapatona i bin winim dispela gem 4-3 long sut aut.



WANTOK SPOTS



Brothers, Puma

...bai kamapim strongpela pilai

Paul Zuvani i raitim

BROTHERS na Post Pumas tasol em tupela tim husat i no lus long wanpela pilai bilong ol bihain long 4-pela pilai i go pinis long Pot Mosbi ragbi lig sisen propa.

Brothers i skurim wanem samting ol i bin lusim long las sisen- ol i go long gren fainol we ol inap win tasol abrus ol i lus long Souths.

Tasol bekim bilong dispela ol i nekim Souths long namba wan pilai. Tasol turangu kepten bilong ol na Kumul kepten Andrew Norman bai i no inap stap wantaim ol bihain long wanpela rab pilai ol i kisim long DCA las wik. Norman i kisim baragap long bodi bilong em.

Tasol dispela pilai bilong ol wantam DCA bai isi long wanem DCA i no kamapim ol gutpela pilai long stat bilong kompetisen. DCA i bin winim Waliya tasol long wanpela fofit pilai. Dispela i min olsem sapos Brothers i kamapim narapela gutpela pilai ol inap wokabaut antap tasol long ol.

Na long ol narapela pilai West bai traim long kamapim gut nem taim ol i bungim Tarangau long Sande bihain long ol i kisim bikpela bagarap long han bilong Magani long las wik.

West wankain tim bilong bipo olsem DCA, Hawks na Paga Panthers i no bin kamapim long dispela kompetisen long sampela yia tasol long las sisen ol i kamap gen na i laik kamapim nem gen. Na olsem bikpela sapot i stap wantaim ol. Sapos ol i pilai gut ol i ken nokim daun Tarangau.

Tasol ol woda long narapela sait i no lain nating. Ol i save lain bilong pilai tu ya. Kosa Doka James Naipo bai laik lukim olsem ol manki bilong em i pasim gut ol West. Ol bai redi long putim strongpela banis na pait bek.

Ol Tarangau husat i statim pilai bilong ol gut long sisen i stap long namba foa ples na bai mekim olgeta samting long strongim dispela ples bilong ol.

Ol i wok long lainim na lukautim gut ol yangpela pilaia bilong ol na olsem ol bai kam gut. Go pas long ol em Brian Kanua wantaim ol save lain olsem Chris Rogers long fulbek husat taim em i kik i no save abrusim mak bilong em.

Na long pilai bilong Souths wantaim Hawks ol Souths i no bin kamapim gut ol pilai long stat bilong sisen tasol bihain long win bilong ol long namba 3 na 4 pilai dispela i helpim ol long kamap antap long namba 7 ples long poin lata.

Ol Souths i kisim bek olgeta gutpela pilaia bilong ol na dispela i no ken mekim ol i tingting planti long pilai bilong ol.

Ol i gat ol gutpela pilaia olsem Charlie Wabu, Geno Kima, Alex Haija, Joseph Omai, Samuel Nap na David Kaiabe husat bai gat nem long PNG Kumuls long sampela taim. Dispela ol pilaia inap kisim tim i go moa yet.



Kuan yu traim...Lae pilaia i ting na putim was long pairapim bai bilong Madang long nesanel sofbol sempionisip gren fainol long ista wiken. Madang win 9-8. Lukim stori long pes 31. Foto: ANDREW MOLEN.

Hawks husat i lus long ol Brothers las wik bai i mas traim long stretim dispela mak nogut.

Kosa na bipo Kumul fulbek Philip Boge bai mas hamarim tingting bilong ol manki bilong em long pilai long noken skruim gen dispela pilai bilong ol wantaim Brothers we i bin gat planti ol dro bol na leit pas.

Sapos ol inap mekim olsem win bai inap kam long ol. Gutpela pilai i bin kam long Bal Kamane, Vani Morea, Toua Kohu na Edea Morea na sapos ol narapela pilaia i bihainim ol dispela pilai inap bilong ol. Ol krangki liklik long wanem sampela ol gutpela pilaia bilong ol i lusim ol na joinim ol narapela klab tasol dispela i noken givim bel hevi long ol.

Tasol mein pilai bai stap namel long Dobo Warriors na Magani husat i kam gut long namba 3 na 4 pilai. Warriors i bin lusim sampela gutpela pilaia bilong ol long ol narapela

klab. Ol pilaia bilong ol olsem David Ako husat nau i stap wantaim West, Raphael Kora husat nau i pilai wantaim Brothers na Charlie Joe husat nau ron wantaim Magani.

Tasol maski ol i lusim dispela ol pilaia ol i winim 3-pela ol pilai long las 4-pela pilai.

Magani i bin kisim sampela ol gutpela pilaia long dispela sisen na dispela bai i strongim em. Ol i kisim Charlie Joe husat bai strongim fowet lain bilong ol.

Wantaim em Charlie Mond husat bipo i bin stap wantaim Waliya na narapela nupela man Gabutu Sepoe. Dispela ol pilaia bai strongim Magani.

Warriors i gat nem long difens na sapos ol i ken sanap strong Magani i no inap kalapim ol.

Long ol pilai bilong Sarere Defence bai sut wantaim Waliya we win i stap long ol ami, Royals bai traim arestim Paga

Panthers na Post Puma bai traim pasim Kone Tigers.

Na long narapela nius Papua Niugini Ragbi Futbol Lig bai statim PNG Nesanel Ragbi Lig kompetisen long Mei 15. Nesanel Rabi Lig i wankain tasol long SP Intasiti Kap kompetisen tasol long hia nem i senis.

Ol tim long long Pot Mosbi, Lae, Goroka, Kokopo, Mt Hagen, Kundiawa, Mendi na Wabag taisol bai pilai. Pot Mosbi bai gat tupela sait.

Ol pilai bai kamap tasol long Pot Mosbi, Lae, Goroka na Kokopo.

Wanwan ol tim bai stap aninit long kampani husat i sposarim ol. I no moa long lig bilong ol.

Dispela kompetisen bai i gat komiti bilong em yet tasol bai i stap aninit long PNGRFL husat i mama bodi.